




ԶՄԻՄԾԻՆ



հարց.



ԼՂ
ՏԱՐԻ




ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

Օգոստոս

1977




ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ





**ԱՄԵՆԱՅՆ ՀԱՅՈՑ ՎԵՀԱԹԱՌ ՀԱՅՐԱՊԵՏԻ ԿՈՆԴԱԿԸ
Կ. ՊՈԼՍԻ ԵՐԶԱՆԿԱՀԻՇԱՏԱԿ Տ. ՀՈՎՀԱՆՆԵՍ ԿՈԼՈՏ
ՊԱՏՐԻԱՐԷԻ ԾՆՆԴՅԱՆ 300-ԱՄՅԱԿԸ ՆՇԵԼՈՒ ՄԱՍԻՆ**

ՔՐԻՍՏՈՍԱԽԱՆԴ ՍԻՐՈՅ ՈՂԶՈՐՅՆ ԵՒ ՕՐՀՆՈՒԹԻԴՆ
ՀԱՅՐԱՊԵՏԱԿԱՆ ՄԵԾԻ ՏԱՆՆ ԿԻԼԻԿԻՈՅ
ԿԱԹՈՂԻԿՈՍՈՒԹԵԱՆ, ՊԱՏՐԻԱՐԷՈՒԹԵԱՆ ՀԱՅՈՑ
ԵՐՈՒՍԱՂԷՄԻ, ՊԱՏՐԻԱՐԷՈՒԹԵԱՆ ՀԱՅՈՑ ԹՈՒՐԷՈՅ,
ԱՐԲԵՊԻՍԿՈՊՈՍԱՑ, ԵՊԻՍԿՈՊՈՍԱՑ, ՎԱՐԴԱՊԵՏԱՑ,
ՔԱՀԱՆԱՅԻՑ, ԹԵՄԱԿԱՆ ԵՐԵՍԹՈՒՍԱՆԱԿԱՆ ԺՈՂՈՎՈՑ,
ԵԿԵՂԵՑԱԿԱՆ ԵՒ ՄՇԱԿՈՒԹԱՅԻՆ ԿԱԶՄԱԿԵՐՊՈՒԹԵԱՆՑ,
ԹԵՄԱԿԱՆ ԵՒ ԹԱՂԱԿԱՆ ԽՈՐՀՐԴՈՑ ԵՒ ՊԱՇՏՕՆԷԻՑ, ԵՒ
ՍԻՐԵՑԵԱԼ ՀԱՄԱՅՆ ՀԱՒԱՏԱՑԵԱԼ ԺՈՂՈՎՐԴԵԱՆ ՀԱՅՈՑ

Ինչքա՛ն մխիթարական է ու արտապնդիչ մեզի՝ այսօրուաններու հա-
մար, որ թերթելով մեր նախնեաց պատմութեան գիրքը, մեր գիտակցու-
թեան հորիզոնին վրայ լոյսեր կը բացուին, որոնք կը լուսաւորեն ոչ միայն
տուեալ ժամանակաշրջանը, այլ և լոյս կը բերեն նաև մեզի, մեր օրերուն,
մեր աշխատանքի ճամբուն, մեր երազանքներուն:

Հարուստ է մեր սուրբ եկեղեցւոյ ու ազգի պատմութիւնը անմար լոյսե-
րով, անկորնչելի յիշատակներով:

Փա՛ռք բարեաց պարգևատու մեր հայրերու Աստուծոյն:

Անկորնչելի են նաև՝ յիշատակն ու իրագործումները Կ. Պոլսոյ հայոց
տ, Յովհաննէս Կոլոտ պատրիարքին:

Մեր փոթորկալից պատմութենէն գիտենք, թէ մեր ազգի փառքի օրերուն յաջորդեցին դաժան ժամանակներ:

Հայոց աշխարհը, ծանր հարուածներու տակ խոնարհեցաւ: Եկեղեցի և ժողովուրդ մնացին անօգնական, ուղեկորոյս, դարեր շարունակ ոտնահարուած, հարստահարուած ու հալածուած:

Ազատ ու ինքնիշխան ապրելու ճամբաները ամէն, փակուած էին ծանր շղթաներով, իսկ Հայոց երկինքէն թափած՝ յոյսի աստղերը բոլոր: Խաւարն ու սարսափը տիրած էին հայ հոգիներուն: Խաւարն ու սո՛ւր ռզիի պատած էին նաև անդաստանը Հայաստանեայց Մայր եկեղեցոյ: Ամենուր՝ քայքայում, պառակտում, ապականում: Հոգևորականութիւնը մեծաւ մասամբ անձնատուր՝ տգիտութեան, ծուլութեան ու շահամոլութեան: Կը թուէր թէ երբեմնի շողափայլ ջահը հայ հոգևորականութեան շիջած էր արդէն, իսկ ազգային գիտակցութիւնը՝ մթագնած իսպառ:

Եւ սակայն բարին Աստուած չէր մոռցած իր հաւատարիմ հօտը: Այսպէս է որ, անհասանելի քարծուքներէն, իմանալի յոյսի ճառագայթ մը իջաւ Հայոց միգապատ աշխարհի վրայ:

Տասնեօթներորդ դարու վերջերուն էր, որ Արեւմտեան Հայաստանի Ամրտոլու վանքէն ներս շողաց այդ ճառագայթը, «տիեզերալոյս» Վարդան Բաղիշեցի «քաղցրաքարոզ և համեղաբան» վարդապետի հիմնած «դասատուն»-էն, որ գիտութիւն և հոգևոր սնունդ առին Յովհաննէս և Գրիգոր վարդապետները, ապագայ հրաշագործ՝ «Կոլոտ» ու «Շղթայակիր» մականունակալ պատրիարքները հայոց Կ. Պոլսոյ և Երուսաղէմի, որոնք ի վերուստ կոչուեցան փարատելու խաւարը հայ հոգիներուն և դալար պարտէզի վերածելու անապատը եկեղեցոյ անդաստանին: Մտքի և հոգիի այդ հրաշալի զարթօնքի առաքեալը հանդիսացաւ մանաւանդ Ամրտոլու վանական Յովհաննէս Կոլոտը: Սուրբ Հոգին իր բոլոր շնորհները պարգևեր էր անոր, որ կոչուած էր կործանումէ փրկելու նաւը մեր Մայր եկեղեցիին և առաջնորդելու զայն դէպի աղբիւրը յոյսին: Ներշնչուած սուրբ զգացումներով, լուսւորուած գիտութեամբ, օժտուած քարոյական հօգօր նկարագրով ու աշխատելու անսպառ եռանդով, անքասիր վարքով ու հմայիչ խօսքով, Յովհաննէս վարդապետ երբ իր ոտքը դրաւ Կոստանդնուպոլիս, գրաւեց քարացած սրտերը բոլոր՝ երկնառաք հրեշտակի մը նման «վասն սուսքինի վարուց և ևս անհամեմատ քարոզութեամբ, որ գրեթէ էր ազգիս մերոյ նոր Ոսկեբերան և կրկին Աստուածաբան», ինչպէս կը վկայէ ժամանակակից պատմիչը՝ Հաննէ վարդապետ:

Իր հոգևոր ու քարոյական բացառիկ շնորհներուն զուգահեռ, Յովհաննէս Կոլոտ էր նաև իմաստուն ու եռանդուն կազմակերպիչ, եկեղեցաշէն գործիչ, հայադասան ուղղափառութեան կորովի պաշտպան և հմուտ քաղաքագէտ, որ փրկարար դեր կատարեց ոչ միայն Կ. Պոլսոյ Աթոռին, այլ և Երուսաղէմի հայոց պատրիարքութեան համար, Մայր Աթոռ սուրբ Էջմիածնի ալ հանդէպ հաւատարիմ և հոգատար վերաբերում ցուցաբերելով:

Յովհաննէս պատրիարքի մեծագոյն փառքը սակայն հանդիսացաւ իր ծաւալած հսկայ աշխատանքը՝ կրթական ու գրական շարժում ստեղծելու ուղղութեամբ: Իր հիմնած՝ Սկիւտարի «դասատուն»-ը նոր Ամբոտլու դարձաւ, ուր իր շունչին տակ հասակ առին աւելի քան քսանհինգ գիտուն ու նուիրեալ վարդապետներ, որոնք յետոյ շարունակեցին բարձր պահել իրենց պաշտելի հոգևոր հօր և դաստիարակի վառած ջահը:

Այսպէս է որ Յովհաննէս Կոլոտի պատրիարքութեան քսանևեց տարիներու շրջանին, ուղղակի անոր առաջնորդութեան ու հսկողութեան ներքոյ, Կ. Պոլսոյ մէջ հետզհետէ բացուեցան տասնեակ հայ վարժարաններ, հիմնուեցան տպարաններ ու գրադարաններ, հրատարակուեցան աւելի քան հարիւր կարևոր գործեր մեր նախնեաց մատենագիրներէն: Հայերէնի թարգմանուեցան օտար դասական հեղինակներու՝ կրօնական, փիլիսոփայական ու գրական երկեր: Այս բոլորը, որպէսզի հայ նոր սերունդները և ի մասնաւորի երիտասարդ հոգևորականները՝ ներշնչանք, հոգևոր սնունդ և հայ եկեղեցիին ու ազգին ծառայելու գաղափարական մղում ստանան:

Յովհաննէս պատրիարքի անյոգնաբեկ ճիգերով ծնունդ առած ու ծաւալած այս կրթական-գրական շարժումը՝ «Կոլոտեան» դպրոցը, սկզբնաւորումը եղաւ արևմտահայ հոգևոր ու ազգային մշակութային զարթոնքին և նախապայմանները ստեղծեց արևմտահայ լեզուի յետագայ կազմաւորման:

Ոգիի ու կենդանի գործի հերոսական խոյանքով, Յովհաննէս Կոլոտ պատռեց դարերու խաւարը հայ հոգիներուն, լոյս աշխարհ բերաւ մոռցուած յիշատակները և արժէքները նախնեաց փառքի օրերու, վառեց կրակը հայոց ազգային ինքնաճանաչման և հաւաքական շահերու գիտակցութեան:

Յեղաշրջեց ճակատագիրը ամբողջ արևմտահայ ժողովուրդին:

Անվարան կարելի է հաստատել, թէ արևմտահայութեան ազգային վերածնունդի լուսաւոր հորիզոնի սեմին, կը բարձրանայ պայծառ անձնաւորութիւնը Յովհաննէս Կոլոտ մեծագործ պատրիարքին, իբրև իր ժամանակի նոր լուսաւորիչ:

Ծնած 1678-ին, իր մահկանացուն կնքեց 1741 փրկչական տարին, մօտ երեք տասնամեակներ փառաւորելով Կ. Պոլսոյ հայոց պատմական Աթոռը:

Այսօր, իր ծննդեան երեք հարիւրամեակին, մեր սուրբ եկեղեցին և հայն մեր ժողովուրդը արդար հիացումով ու երախտագիտութեամբ պիտի ոգեկոչեն պանծալի յիշատակը մեծ պատրիարքին ու պիտի աղօթեն որ անոր հոգին յաւէտ անթառամ մնայ երկնից արքայութեան լոյսերուն մէջ ու հանդիսանայ մահ առաջնորդող ոգի այստեղ, երկրի վրայ, մեր եկեղեցւոյ կեանքէն ներս:

Սիրով ընդառաջելով Մեր ամենապատիւ եղբօր, Կ. Պոլսոյ այժմու պատրիարք տ. Ընդհիք արքեպիսկոպոս Գալուստեանի 30 մայիս 1977 թուակիր խնդրանքին, յառաջիկայ 1978 տարին կը հռչակենք համայն Հայաստանեայց առաքելական եկեղեցւոյ համար յրբեւիճական տարի, նուիրում լուսաբնակ տ. Յովհաննէս Կոլոտ պատրիարքի իրագործումներուն պանծացման:

Կ'առաջադրենք մեր եկեղեցույ նուիրապետական Աթոռներուն և կը հրահանգենք թեմական ու եկեղեցական կեդրոններուն, որ գալիք տարի, իրենց համար յարմար թուականներու, մասնուցմամբ սուրբ պատարագներու, կատարեն հանդիսատր հոգեհանգստեան արարողութիւններ ի լուսաորումն հոգոյ երջանկալիշատակ տ. Յովհաննէս պատրիարքին:

Ջերմապէս կը յանձնարարենք նաև որ հայ եկեղեցական ու մշակութային կազմակերպութիւնները, կենդանի խօսքով ու հայերէն և օտար լեզուներով գրուած յօդուածներով ու հրատարակութիւններով, ոգեկոչեն անմոռաց յիշատակը և վաստակը հոգեւոյս յորելաք պատրիարքին:


Մայր Աթոռ սուրբ Էջմիածնի մէջ հանդիսատր սուրբ պատարագը և հոգեհանգստեան պաշտօնը տեղի պիտի ունենան յառաջիկայ տարի հոկտեմբերի 1-ին Մեր գահակալութեան 23-րդ տարեդարձի առթիւ, իսկ Աթոռիս պաշտօնաթերթ «Էջմիածին» ամսագիրը 1978-ի հոկտեմբերի թիւը սիւտի նուիրէ մեծ պատրիարքի կեանքին ու գործնէութեան:

«Յիշեցէք զառաջնորդս ձեր որ խօսեցան ձեզ գրանն Աստուծոյ. հայեցեալք լելս զնացից նոցա՝ նմանօր կեդրուք հաստոցն» (Եբր. ԺԳ. 7):

Հայր Դե Ռ

ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Տոստ կոնդակս ի 29 օգոստոսի
1977 փրկական ամի,
եւ ի տումարիս հայոց ՌՆԻԶ,
ի մայրաքաղաքս սրբոյ Էջմիածնի
ՀՄՐ. 792





ԾՆՈՐՀՔ ԱՐՔԵՊԻՍԿՈՊՈՍ ԳԱԼՈՒՍՏՅԱՆ

ԱՍՏՎԱԾԱԾՆՁԱԿԱՆ ՍՈՒՐԲԵՐ*

Գլուխ երկրորդ

ԱՌԱՔՅԱԼՆԵՐ

Առաքյալները կկազմեն երկրորդ և կա-
րևորագույն խումբը Նոր Կտակարանի
սուրբերուն մեջ: Իրականության մեջ՝ զուտ
քրիստոնյա սուրբերու շարքը կսկսի առաք-
յալներով: Նախապես հիշվածները չեն
մկրտված—բացի հավանաբար ս. Կույսեն
—քրիստոնեական մկրտությամբ. առաք-
յալներ առաջին մկրտյալները եղան թե՛
ջրով և թե՛ ս. Հոգիով:

Ասոնք ընտրվեցան ուղղակի Քրիստոսի
կողմէ: Տառներկու է անոնց թիվը. իրենց-
մե մին—Հուդան—այս խումբեն դուրս ին-
կավ մատնությամբ իր վարդապետին, և
անձնասպանությամբ: Անոր տեղ, հետ
Համբարձման Քրիստոսի, ուրիշ մը ընտըր-
վեցավ վիճակով: Ասոնք Քրիստոսի ան-
միջական առաջնորդությամբ պատրաստ-
վեցան ու դաստիարակվեցան իրենց ապա-
գա մեծ առաքելության համար: Ականջա-

լուր եղան Անոր քարոզությանց և ալա-
նատես՝ Անոր հրաշքներուն և հզոր գոր-
ծերուն: Կարևորագույնը՝ վկաները եղան
Քրիստոսի հարության:

Առաքյալ կնշանակե մեկու մը կողմէ
դրկված, դրկողին հեղինակությամբ և
պատգամովը: Իր կենդանության իսկ դրկեց
Հիսուս այս տասներկուքը «զույգ-զույգ»:
Ավետարանը քարոզելու համար զուտ
հրեական շրջանակներու մեջ: Անոնց
տվավ հատկապես «իշխանություն պիղծ
դներու վրա» ինչպես նաև հիվանդություն-
ներ բուժելու կարողություն (Մտթ. Ժ 1):
Իսկ իր վերջին պատվերը եղավ անոնց.
«Ինչպես Հայրը դրկեց զիս, ես ալ կդրկեմ
ձեզ. Գացեք ուրեմն, ինծի աշակերտ ըրեք
բոլոր հեթանոսները. մկրտեցեք զանոնք
անունովը Հոր, Որդւոյ և ս. Հոգիի, սորվե-
ցուցեք անոնց պահել այն ամենը զորս ես
իբրև պատվեր տվի ձեզի. ու ես ձեզի հետ
եմ մինչև աշխարհի վախճանը» (Մտթ. ԻԸ
18—19):

Գործնականապես առաքյալները եղան
հիմքերը և հիմնադիրները եկեղեցիին. այ-
սինքն անոր առաջին անդամները, առաջ-

* Ծարուհակված «Էջմիածին» ամսագրի 1977
թվականի № Է-ից:

նորոգները, վարիչները և կազմակերպիչները:

Առհասարակ անուս գալիլիացիներ էին, մեծագույն մասամբ ձկնորսներ, բայց իրենց ձգած գործունեություններն դատելով կոտեններ, որ տարիներու ընթացքին զարգացած ու զորացած են նաև իմացապես, ոչ միայն Քրիստոսի դաստիարակությամբ և ս. Հոգիի շնորհով, այլ նաև հունարեն լեզվով գրելու և քարոզելու կարողությամբ: Ասոնց առաջին գործունեությունը հավաքաբար կենդակացվի մեզի Գործք Առաքելոցի առաջին գլուխներում մեջ, որ կհիշվի իրենց դեմ գործարկված հայաժանքները և չարչարանքները, որոնք իրենց բաժինը եղան իրենց ամբողջ կյանքի ընթացքին: Նոր Կտակարանի մեջ անոնցմե մեկին միայն մահվամբ նահատակված ըլլալը կհիշվի. բայց քրիստոնեական ավանդությունը կհաստատեն, որ քացի մեկեն ամենքն ալ մի առ մի նահատակված են իրենց առաքելական գործունեության ընթացքին:

Տասներկուքեն դուրս կան նաև ուրիշ քրիստոնյա գործիչներ, որոնք ևս առաքյալ կոչված են. որոնց մեծագույնն է նույն ինքն Պողոս առաքյալ, որ ծանոթ է եկեղեցիի սեջ իբրև տասներեքերորդ առաքյալ:

Երկուտասան առաքելոց և Պողոս երեքտասաներորդի տոնը հավաքաբար կկատարվի մեր մեջ՝ Վարդավաթի Բարեկենդանը կանխող շաբաթ օրը: Ապա անոնք զույգ-զույգ կամ երեք առ երեք կհիշատակվին տարվույն զանազան օրերուն:

9. Պետրոս առաքյալ

Տարակույսե վեր է, թե գլխավորն է առաքելական դասին մեջ, թե՛ խոսքով, թե՛ գործքով և թե՛ հեղինակությամբ: Առաքյալներու մեջ ամենեն շատ իր մասին տեղեկություն ունինք թե՛ Ավետարաններեն, և թե՛ մանավանդ Գործք Առաքելոցեն, որուն առաջին կեսին մեջ գլխավոր գործիչն է ինք:

Իր թլիսատության անունն էր Ծնավոն, կամ հունացած ձևով Սիմոն, որդի Հովնանի: Երբ առաջին անգամ ներկայացավ Հիսուսին, հասկցավ Քրիստոս անմիջապես, թե ինչպիսի մեկն էր իր դիմաց կեցողը և ըսավ. «Դուն Հովնանի որդի Սիմոնն ես. դուն պիտի կոչվիս ԿեփԱս», որ կնշանակե **վեմ**, այսինքն **քար**, որուն հունարենն է Պետրոս (Հովն. Ա. 4): Գալիլիո Բեթսայի դա գլուղն էր, սակայն ամուսնանալէ հետո կերևի թե փոխադրված էր դրացի Կափառնալում քաղաքը որ Հիսուս բժշկեց անոր զոքանչը ջերմեն: Արհեստով ձկնորս էր: Նոր Կտակարանի մեջ բազմաթիվ մի-

ջադեպեր կան իր մասին, որոնք իր հեղինակուհի, իսկախ, վախկոտ, քաջարի բայց միշտ անկեղծ բարքը և նկարագիրը կհայտնաբերեն, և որոնց բոլորին սակայն պիտի չկրնանք անդրադառնալ մի առ մի:

Երբ առաջին անգամ իր նավակը ընդունեց Հիսուսը և Անոր հրամանով իր ուղևորը կրկին ծով նետեց և ուղևորը պատրվելու աստիճան լեզվեցավ ձուկերով, անդրադարձավ Պետրոս Անոր գեղեցիկագն գործության, և անկեղծորեն զգալով իր անարժանությունը Անոր ներկայության, ըսավ. «Քովեա հեռացիր Տեր, ես մեղավոր մարդ մըն եմ». Հիսուս սրտապնդեց զայն և ըսավ. «Մի վախճար, ասկե հետո մարդոց որսորդ պիտի ըլլաս երկինքի արքայության համար»:

Պետրոսի մեծության գագաթը կկազմեն իր ծանոթ դավանությունը, որով հայտարարեց, թե Հիսուս «Մեսիան էր և Որդի Աստուծոն». որուն համար երկրորդ անգամ ըլլալով Հիսուսն «վեմ» անվանվեցավ, իբրև առաջին քարը քրիստոնեական եկեղեցիի շենքին, ինչպես կհաստատեն Պետրոսի ի գովեստ հորինված շարականը. «Գլուխ սուրբ հաւատոյ, հիմն եկեղեցոյ»: Ուրիշ խոսքով, եկեղեցիի իրական անդամ պիտի կրնային ըլլալ միայն Հիսուսը իբրև Փրկիչ և Աստուծո Որդի դավանողները, Պետրոսի պես: Սակայն իր փառքի այս գագաթին Պետրոս հանկարծ արձանագրեց իր անկումներն մեկը: Գրեթե իր բոլոր ժամանակակիցներուն պես, Պետրոս ալ սխալ ըմբռնում ուներ Մեսիայի մասին: Վերևի միջադեպեն հետո Հիսուս երբ կհաստատեր որ հակառակ Մեսիա և Աստուծո Որդի ըլլալուն, շատ պիտի չարչարվեր և սպաննվեր իր ազգին մեծամեծներեն, Պետրոս քաջալերված իր առաջին հաջողությունեն, Հիսուսին թեևն բռնելով մեկ կողմ քաշեց և Անոր քարիքը միայն մտածող բարեկամի մը անկեղծությամբ սկսավ տարհամոզել զԱյն որ այդպիսի գաղափարներ հաներ իր միտքեն: Հիսուս դարձավ դեպի Պետրոս և շեշտակի նայելով անոր աչքերուն ըսավ. «Ետիս գնա, սատանա, դուն քար գայթակորության ես ինձի համար, խնդրին վրա չես նայիր Աստուծո տեսանկյունեն, այլ մարդկային տեսակետեն» (Մտք. ԺԶ 16—23):

Թե արդարև սրտովին կապված էր իր վարդապետին, ի հայտ եկավ այն պարագային, երբ Հիսուսի աշակերտներն ոմանք «խիստ» և անմարսելի գտած էին Անոր կարգ մը հոգևոր խոսքերը և հեռացած՝ վարդապետեն: Հիսուս հարցուց տասներկուքին. «Դո՛ւք ալ կուգեք հեռանալ». դարձյալ Պետրոսն է, որ առաջ կնետվի և

կրսե. «Տեր որո՞ւ պիտի երթանք, հավիտեանական կյանքի խոսքեր ունիս դուն»։ (Հովհ. Զ 67—69)։

Պետրոս իր կյանքին նվաստագույն օրը ապրեցավ Հիսուսի ձերբակալման գիշերը՝ երբ երեք անգամ ուրացավ զայն։ Խորապես զղջաց ու դառնորեն լացավ։ Հիսուս ներեց անոր և վերահաստատեց զայն իր առաքելության մեջ։ Թերևս ոչ մեկ ազգային անգամ նպաստեց իր մեջ խորտակելու իր հանձնապատասխանության հոռի գիծը՝ որքան իր ուրացումը և ներվիրը։ Քարի պես կարծր աչք մարդը, աչք ելեւէջներով, և Քրիստոսի շնորհաց հարվածներուն ներքև կոկվեցավ դառնալու համար ամենեւնի անձնըվեր և գործունյա առաքյալը։

Հոգեգալուստեն անմիջապես հետո ինքն է, որ հանուն իր ընկերներուն կրացատրե իմաստը հրաշալի երևութին, կուտա քրիստոնեական առաջին քարոզը, և Քրիստոսի հարության առաջին վկայությունը, շահելով այսպես երեք հազար նորադարձներու երեխայիքը, և օծելով քրիստոնեական նորածին եկեղեցին ավելի մեծ մարմինով և նոր ծանրությամբ։ Կքարոզե Հրեաստանի մեջ գրեթե ամենուրեք. Երուսաղեմ՝ տաճարի մեջ և իր ազգի գերագույն ժողովի առջև, մինչև Սամարիա, Յաֆա, Պաղեստինյան Կեսարիա և այլուր։ Կգործե հրաշքներ, որոնց մեջն է ա. Հոգիի դեմ ստող նորադարձ քրիստոնյա ամուլի մը մահացումը, և ուրիշ բարեգործ մահացյալ կնոջ մը հարություն տալը։

Պետրոսի մեծագույն գործերեն մեկը եղավ, աստվածային թելադրանքով և հատուկ տեսիլքով, հեթանոսները եկեղեցիի ծոցին մեջ ընդունիլը, հակառակ նորակազմ եկեղեցիի ջախջախիչ մեծամասնության գաղափարին, որ ամբողջությամբ կբաղկանար հրեաներէ։ Ի վերջո ձերբակալեցավ և բանտարկվեցավ Հերովդես թագավորի կողմէ, որ որոշած էր հաջորդ օրը հրապարակով գլխատել զայն. բայց աստվածային միջամտությամբ նույն գիշեր իսկ ազատեցավ բանտէն։ Վերջին անգամ կտեսնենք զինքը Երուսաղեմի առաքելական ժողովին, որմէ հետո այլևս չհիշվիր Գործք Առաքելոցի մեջ։

Պողոս առաքյալի թուղթերն մեկին մեջ հանվանէ կհիշվի Պետրոս որ կգտնվի Անտիոք քաղաքի մեջ, և Պողոսի խիստ դիտողության կարծանաճա, որովհետև հրեամիտ քրիստոնյաներու կողմը կհակի, ի հեճուկս հեթանոսներէ եկած քրիստոնյաներու (Գղտ. Բ 11—15)։

Թե Պետրոս մարտիրոսական մահով մախճան պիտի ունենար այլաբանորեն նախատեսված էր Քրիստոսի կողմէ (Հովհ.

ԻԱ 18). սակայն Գործք Առաքելոցի մեջ իր մահը պատմված չէ։ Ավանդությունը կրսե որ Պետրոս Անտիոքէն անցած է Հռովմ և այնտեղ կնքած է իր կյանքը գլխիվայր խաչվելով։ Իր ավանդական գերեզմանին վրա շինված է աշխարհի մեծագույն եկեղեցին, Հռովմի ա. Պետրոսը։

Պետրոսի անունով ունինք երկու սքանչելի թուղթեր Նոր Կտակարանի մեջ, ուղղված ընդհանրապես Փոքր Ասիո քրիստոնյա համայնքներուն։

Հայց. եկեղեցին Պետրոսի հիշատակը կտոնէ Պողոս Առաքյալի հետ միասնաբար, «Գլխավոր առաքյալներ» անվան տակ, ա. Ծնունդը կանխող Ավագ տոներու շարքին։ Հույնք՝ Պողոսի հետ՝ հունիս 29։ Լատինք՝ իր աթոռակալությունը ի Հռովմ հնվր. 18։ Այցելությունը Անտիոք՝ փետր. 22. Եղթայք Պետրոսի՝ օգս. 1։

10. Անդրեաս առաքյալ

Եղբայր Պետրոսի և արհեստակից անոր։ Հիսուսի առաջին ծանոթ հետևողը եղած ըլլալուն համար կոչված է «Նախակոչ» առաքյալ։ Ինք և հավանաբար Հովհաննէս Ավետարանիչ նախապես աշակերտ էին Հովհաննէս Մկրտչի, որմէ լսելով Հիսուսի մասին տրված վկայությունը. «Ահա Գառն Աստուծոյ, որ բառնայ զմեզս աշխարհի», հետևեցան Անոր (Հովհ. Ա 35—40)։

Ետքն ավելի պաշտոնապես կանչվեցավ առաքելության իր եղբոր Պետրոսի հետ (Մատթ. Գ 18—20)։

Քիչ բան ըսված է իր մասին Ավետարաններու մեջ. ոչինչ՝ Գործք Առաքելոցի մեջ։ Իր անունը հիշված է հացերու հրաշքին կապակցությամբ, ուր ինքն է որ կհայտնէ, թե պատանիի մը քով հինգ գարեղեն հաց և երկու ձուկ կգտնվի, զորս Հիսուս օրհնելով բազմացուց և բաշխեց ավելի քան հինգ հազար բազմության (Հովհ. Զ 2—8. տես նաև Հովհ. ԺԲ 22)։

Ըստ ավանդության եղած է քարոզիչ սկյութացիներուն, առանց մնայուն հետք կամ եկեղեցի մը ձգելու անոնցմէ։ Քարոզած կնկատվի նաև Հյուսիսային Հունաստանի մեջ և նահատակված Բաթրաս քաղաքը, բազմապատկության նշանին նման խաչի մը վրա, որ այդ իսկ պատճառով կկոչվի ա. Անդրեասի Խաչ։ Սկովտիո եկեղեցին և Հունաց Տիեզերական Պատրիարքությունը զայն կնկատեն իրենց պաշտպան սուրբը։ Հայ եկեղեցին կհիշատակէ զայն Փիլիպպոս առաքյալի հետ, Հիսնակի պահոց Բարեկենդանի նախորդ 2ր. օրը։ Հույնք և լատինք՝ նոյ. 30։

11. Հակոբոս Զեբեդյան առաքյալ

Զատորոշվելու համար իր բազմաթիվ անվանակիցներեն կկոչվի նաև «Մեծն Հակոբոս»: Բայց հայոցս մեջ ծանոթ է որպես «Գլխադիր առաքյալ»: Երեց եղբայրը Հովհաննես Ավետարանիչի և որդի՝ գալիլիացի ձկնորսապետ Զեբեդիոսի: Առաքյալներեն այս երկու եղբայրներուն մայրն ալ ծանոթ է Ավետարանի էջերեն, և կկոչվի Սոդոմեն, որ Քրիստոսի հետևող կիներեն մեկն էր, որ համարձակություն ունեցավ իր գավակներուն հետ խնդրելու Անկե որ բարձրագույն տեղերը գրավեն իր որդիները Անոր արքայության մեջ (Մատթ. Ի 20—23):

Հակոբոս, Պետրոս և իր եղբոր Հովհաննեսի հետ կկազմեն այն սեղմ շրջանակը, որոնց ավելի կվստահեր Հիսուս, և որոնք ավելի սերտ կապված էին իրենց վարդապետին: Հայրոսի աղջկան հարության, այլակերպության և Գեթսեմանիի տագնապին ներկա են այս երեքը միայն: Երբ սամարացիները մերժեցին հյուրընկալել Հիսուսը և իր աշակերտները, գալիսացան Զեբեդյան եղբայրները և Հիսուսեն հրաման ուզեցին որ Եղիայի պես կրակ թափեն այս մարդոց գլխուն (ՂԱ. Թ 54): Հիսուս հանդիմանեց անոնց հախտուն և վրեժխնդիր ոգին: Այս և այլ նման դեպքերեն որ այս երկու եղբայրները չափազանցալ եռանդ կցուցաբերեին, կոչվեցան «Բաներեգես», այսինքն «Որդիքն Որոտման», և այդպես ալ ծանոթ են մեր մեջ (Մրկ. Գ 17):

Հակոբոս միակ առաքյալն է, որուն մահը պատմված է Գործք Առաքելոցի մեջ: Առաքելական խոսքին մեջ իբրև աչքի զարնող և եռանդուն անձնավորություն մը, Հերովդես ձերբակալել տվավ զայն և գլխատեց (Գործ. ԺԲ 1—2), շուրջ 99 թվին, Երուսաղեմի մեջ, այսպես հանդիսանալով առաջին նահատակը առաքելական խոսքին: Ըստ ավանդության իր մարմինը Յոֆայի ծովը նետված՝ և ալիքները զայն հանած են Սպանիո եզերք, որ կվայելէ մեծ ժողովրդականություն: Սակայն իր անունը ավելի սերտորեն կապված է հայոցս հետ: Ըստ ավանդության Հակոբոսի գլուխը քերված է Հակոբոս Տյառնեղբայր առաքյալին, որ Երուսաղեմի մայր եկեղեցիին առաջին եպիսկոպոսն էր, որ թաղած է այս պատվական գլուխը իր տան պարտեզին մեջ: Այս տան տեղն է որ կառուցված է Երուսաղեմի մեր սրբոց Հակոբյանց մայր տաճարը, որուն հյուսիսային պատի մեջ բացված փոքր մատրան մը մեջ կցուցվի իր գլուխին գերեզմանը, այսինքն՝ ԳԼԽԱ-ԴԻՐը, որ իբրև մակդիր գործածված է ժողովրդային խավերու մեջ այս առաքյալին

համար: Կտոմվի իր եղբորը հետ ս. Ծնունդը կանխող «Ավագ տոներուն» իբրև վերջինը:

Հուլյն՝ ապրիլ 30: Լատին՝ հուլիս 25:

12. Հովհաննես առաքյալ

Ամենեն պայծառ ու խոփուն դեմքը առաքելական դասուն: Սիրտ աշակերտը, Աստվածաբան Ավետարանիչը. Հայտնությանց Տեսանողը:

Հովհաննես, հակառակ թերևս մտքերու մեջ կազմված հանդարտաբար անձի մը պատկերին, Ավետարաններուն մեջ նախ կներկայանա իբրև անհանդուրժող, վրեժխնդիր, կոբովի և փառասեր երիտասարդ մը, սակայն միշտ նվիրումով լեցուն Քրիստոսի հանդեպ: Երեք տարիներու աշակերտություն մը Քրիստոսի դպրոցին մեջ բավական եղավ որ ան փոխակերպվի Ավետարանի ամենեն շքեղ դեմքերեն մեկին: Իր մեջ ներդաշնակված են նկարագրի մը հակադիր կարծված գիծերը, եռանդը և հանդարտությունը, բաշխությունը և բարությունը, մեծությունը և խոնարհությունը, սերը և խստությունը:

Առաքելոց մեջ կրտսերագույնը ըլլալ կրթի, սակայն ապրեցալ երկարագույնը: Իր բարեմունքն ընավորության, նվիրումին և ալ ազնիվ հատկությանց համար արժանացած է Հիսուսի մասնավոր սիրուն, այն աստիճան որ տիրացած է «Սիրելի աշակերտ» տիտղոսին: Այս սիրուն արժանի կացուց ինքզինք Հովհաննես, որ բան Հիսուսի ի պաշտպանություն իր ինչ-ինչ միամիտ ելույթներով, բայց մանավանդ Հիսուսի ձերբակալման գիշերը, երբ մյուս աշակերտները ձգեցին ու փախան, ինք հավատարմորեն հետևեցալ իր սիրելի վարդապետին չարչարանաց ամբողջ գիշերը՝ խաչի ճամբան՝ մինչև Գողգոթա, որ արժանացալ արդարև գերագույն շնորհին. Հիսուս իր մայրը հանձնեց Հովհաննեսին, և զայն ալ իր մորը որդին հայտարարեց: Ու Հովհաննես ունեցալ իր բարեպաշտ մորը կողքին երկրորդ և նույնքան հարազատ ու անզերազանցելի մայր մը, հանձին Աստվածամոր:

Միաշաբաթի առավոտ երբ իմացալ Հիսուսի գերեզմանին պարապ գտնվիլը, Պետրոսին հետ վազեց գերեզման, տեսալ ահն բան և «հավատաց» Քրիստոսի հարության առանց Հարուցյալը տեսած ըլլալու:

Առաջին եկեղեցիի «Սյուներեն» մեկն է Հովհաննես, Հակոբոս Տյառնեղբայր առաքյալին և Պետրոսի հետ, որմն անբաժան է հաճախ իր անունը Գործք Առաքե-

լոցի սկիզբները: Օրինակ ի ծնե կաղ մարդու մը բժշկությունը կվերագրվի երկուքին հավասարապես, որ մեծ խնդիր հանեց հրեից մեջ և պատճառ եղավ երկուքին ձերբակալվելուն և բանտ դրվելուն: Հաջորդ օր հանվեցան իրենց Ազգ. Գերագույն Ժողովին առջև, որ համարձակ պատասխաններ տվին ու մեծամեծները «տեսնելով Պետրոսի և Հովհաննեսի համարձակությունը, և վերահասու ըլլալով որ տգետ և առանց դպրության մարդիկ են, զարմանքի մատնված էին»: Օրինական պատճառ մը չգտնելով զանոնք պատժելու պարզապես արգիլեցին «ամենևին չխոսիլ և չուսուցանել Հիսուսի անունով: Իսկ Պետրոս և Հովհաննես պատասխան տվին ըսելով.— Դուք դատեցեք, ո՞րն է շիտակը. ձեզի՞ լսել, թե՛ Աստուծո: Սակայն մենք չենք կրնար չբարոզել մեր տեսած և լսած բաներու մասին: Անոնք սպառնացին և արձակեցին զանոնք», հաշվի առնելով ժողովուրդը, որ փառք կուտար Աստուծո պատահած հրաշքին համար (Գործ. Դ 1—22):

Երուսաղեմի ժողովեն հետո առաքյալներ գրեթե մի առ մի ցրվեցան զանազան երկիրներ: Ավանդաբար կպատմվի թե Հովհաննեսն ալ գացած է Եփեսոս, որ մնացած է երկար տարիներ և ընդարձակած Պողոս առաքյալին այնտեղ սկսած գործը, մինչև որ արքայված է Եգեականի կղզիներեն Պատմոս, որ տեսած է այն խորհրդավոր տեսիլքները, որոնք մեզի ներկայացված են «ՅԱՅՏՏՆՈՒԹԻՒՆ ՅՈՎ. ՀԱՆՆՈՒ» գրքին մեջ:

Հովհաննեսի մեծագույն փառքն է իր Ավետարանը, որ գրված է նախորդ երեքեն տարբեր ոճով ու տարբեր ոգիով, որուն նպատակն է մեզի ներկայացնել Քրիստոսը, իբրև Որդի Աստուծո: Այս գիրքը ամենեն խորունկը ու ամենեն հոգևորն է Նոր Կտակարանի 27 գիրքերուն: Այս Ավետարանին մեջ Քրիստոս ավելի խոր և ավելի լրիվ հայտնություն մը կուտա ինքզինքին և Աստուծո մասին: Հովհաննեսի Ավետարանը լրացուցիչն է առաջին երեքին: Գրեթե գրքին կեսը հատկացված է Հիսուսի կյանքի վերջին օրերու խոսքերուն և գործերուն: Հրաշալի է մանավանդ գրքին հառաջաբանը, որ կներկայացվի Քրիստոս իբրև Աստուծո «Բան»-ը, այսինքն անձնավորյալ իմաստությունը, որ «Ի սկզբանէ, Է. Առ Աստուած Է. և Աստուած Է». Նկատելի պարագա մըն է, որ այս Ավետարանին մեջ հանվանե չեն հիշատակված ոչ ինք, ոչ իր եղբայրը և ոչ ալ՝ իր մայրը: Սա նախ ուղղակի կարևոր փաստերեն մեկն է այս Ավետարանին Հովհաննեսի կոմեն

գրված ըլլալուն, և երկրորդ՝ իր համեստության ու խոնարհության:

Հովհաննեսի անունով Նոր Կտակարանին մեջ կան նաև երեք թուղթեր. առաջինը հինգ գլուխներն բաղկացած հույակապ գրություն մըն է, որուն նպատակն է հավատացյալները զգուշացնել մեղքի և սուտ բարոզիչներու դեմ, զորացնելով իրենց հավատքը ի Քրիստոս, և հավաստիք ներշնչելով անոնց՝ հավիտենական կյանքի մասին: Բանալի բառերն են «սեր» (ավելի բան քան անգամ գործածված), «գիտություն» կամ անոր համագոր բառեր (երեսուն անգամ) և «հաղորդություն»: Երկրորդ և երրորդ թուղթերը մեկական գլուխով Նոր Կտակարանի կարճագույն գրություններն են, ուղղված անհատներու. առաջինը «առ ընտրյալ Կյուրիա (Տիրուհի) և իր որդյակները»: Նոր Կտակարանի միակ թուղթը, որ կնոջ մը ուղղված է. այստեղ ալ բանալի բառերը «սեր» և «ճշմարտություն» են: Երկրորդ գրվածքն է «Գալիոս սիրելիին»: Թե Ավետարանը և թե թուղթերը գրված են առաքյալի կյանքի վերջին տարիներուն: Իր մահը պատահած կնկատվի 100 թվականին, շուրջ 95 տարեկան: Թեև շատ չարանքներ տեսած՝ բայց մահը տեղի ունեցած է խաղաղ պայմաններու տակ Եփեսոսի մեջ: Կպատմվի որ ծերության տարիքին երբ երկար չէր կրնար խոսիլ, եկեղեցի կուգար լոկ ըսելու համար. «Մանկունք սիրեցեք զիրար»: Իր գերեզմանին վրա փառավոր եկեղեցի մը կառուցված էր, որուն ավերակները միայն կանգուն կմնան այսօր:

Հուլյն՝ սեպտ. 26 և մյս. 8. լատին՝ դեկտ. 27 և մյս. 6:

28. Մատթեոս առաքյալ

Կափառնաուսի մեջ մաքսավոր մը, այսինքն պետական հարկահավաք պաշտոնյա մըն էր Մատթեոս: Մաքսավորները հրեից աչքին ատելի մարդիկ էին երկու պատճառներով: Նախ օտար պետության մը հրեա պաշտոնյաներն էին, որոնք ժողովրդային խավերուն հետ ուղղակի շփում ունեին տուրք գանձելով ի հաշիվ ատելի իշխող ժողովուրդին: Երկրորդ՝ իրենց սահմանվածեն ավելի կգանձեին՝ իրենք ալ հաքստանալու համար: Ասոնք նույնացած էին «մեղավորներու» հետ, և առհասարակ միասին կհիշվին: Հակառակ այս իրողության մաքսավորներ նպաստավոր լույսի ներքև ներկայացված են Ավետարաններու մեջ: Օրինակ, Հովհաննես Մկրտչի մկրտվելու եկող ապաշխարողներու մեջ կան

նաև մաքսավորներ, որոնք կհարցնեին մարգարեին, թե ինչ պարտ էին ընել: Հովհաննես կատարասխանե. «Ձեզի հրամայված (տուրքեն) ավելին մի առնեք» (Ավ. Դ 12—13): Ծանոթ է առաջը Փարիսեցիին ու Մաքսավորին, որոնք աղոթքի համար տաճար կերթան, ու մաքսավորը ընդունելով իր մեղավոր ըլլալը Աստուծոյն քաւորութուն կհայցե իր վրա. և Հիսուս կհաստատեն որ «Սա ավելի արդարացած իջաւ իր տունը քան փարիսեցին», որ քարեպաշտութեան տիպարն էր երբայական չարիանկշռներով: Ծանոթ է նաև Զաքքեոս մաքսավորին դարձը, իր ինչքերուն կեպ աղքատներուն տալով և իրմե անիրավիքին քառապատիկ հատուցում ընելու պատրաստակամութեամբ:

Աստուծոյն մեկն էր նաև Լևի Ալիսանը, որ Մատթեոսի նախկին կամ հրեական անունն է: Նստած էր Կափառնաումի իր մաքսատան մեջ, երբ Հիսուս անցաւ այնտեղէն: Սրտագետն Աստուծոյ Որդին տեսաւ անոր մեջ առաքելական առաջն և պարզապէս ըսաւ. «Ետեաւ եկուր»: Մատթեոս ամենայն հավանականութեամբ լսած էր Հիսուսի քարոզությունը Կափառնաումի ժողովարանին մեջ, ու ականատես կամ ականջալոր եղած էր Անոր հրաշքներուն, և հետևաբար լավ տրամադրված էր հանդէպ Հիսուսի, այնպէս որ երբ Անկէ կոչ տուցաւ՝ սիրով և պատրաստակամութեամբ «ձգեց ամեն քան» և Հիսուսի հետեւեցաւ:

Մատթեոս սակայն, նախ քան իր գործեն և ընկերային շրջանակեն հրաժարիլը, մեծ ընդունելություն մը սարքեց իր տան մեջ, որուն հրավիրեց իր բոլոր պաշտոնակիցները և Հիսուսը իր աշակերտներով: Ասիկա գորավոր տրտուճքի տեղի տվաւ դպիրներու և փարիսեցիներու կողմէ, թե Հիսուս «մեղավորներու և մաքսավորներու հետ սեղան կնստի», որոնց Հիսուս տվաւ իր նշանավոր պատասխաններեն մեկը. «Առողջները բժիշկի պէտք չունին, այլ հիւսիսները, զոցեք և տրուեցեք թե ինչ կնշանակեն ողորմություն կուգեմ և ոչ զոհ» (մարգարեական խոսքը): Բաց աստի ավելցուց Հիսուս. «Եւ չեկա արդարեւոր կանչելու, այլ՝ մեղավորները» (Մատթ. Թ 9—13):

Այսչափ է մեր գիտցածը Մատթեոսի մասին Ավետարաններեն. մնացյալը կկործնէ լրացնել ավանդությունը, որ զայն քարոզության կողմէ մինչև Հապեջիստան, կամ Պարսկաստան ու Պարթևաստան ուր և նահատակված կկնատվի:

Մատթեոսի անկապտելի փառքը իր Ավետարանն է, առաջին գիրքը Նոր Կա-

րանի և հարմարագույն օղակը Հին Կտակարանը նորին կապող: Արդարև այս գրքին առաջին էջը կբացվի հիշատակություն Հին Կտակարանի «հիմնադիր հայրերու» և արքայական զարմերուն, իբրև օրինական նախահայրերը Հիսուս Բրիստոսի «Որդոյ Դաթի, Որդոյ Արքանամոս»: Երկրորդ՝ նվազագույն վաթսուն անգամ ակնարկություն կա իր գիրքին մեջ Հին Կտակարանի մարգարեությանց և քառասուն անգամ մեջբերումներ կատարված են անոնցմէ, իբրև կատարումը անոնց մարգարեության: Հետևաբար քանակի քառ մըն է այս գրքին մեջ «կատարվեցաւ ըսվածը» այսինչ մարգարեին կողմէ: Եվ «երկրի թագաւորութիւն» բացատրությունը, որ երեսուն-քառասուն անգամ կհիշվի այս գրքին մեջ: Նպատակն է հաստատել թե Հիսուս Նազարեցին ակնկալված Մեսիան էր: Նշանավոր է Մատթեոսի Ավետարանին «Լեռան քարոզը» (Ե—Է գլուխներ), որ Նոր Ուխտի Օրինագիրքը կամ Սահմանադրությունը կարելի է նկատել, և որ միաժամանակ համամարդկային կրոնաքարոզական գրականության զագաթը կրկազմէ:

Մատթեոս մեր մեջ կտոնվի իր երեք մյուս ավետարանիչ ընկերներուն հետ, ինչի վեցերորդ կիրակիի նախընթաց շաբաթ օրը: Հուլիս՝ նոյ. 16: Լատինք՝ փետր. 24:

14. Բարթողոմեոս առաքյալ

Թեև մեր տոնացույցին անցած է Բարթողոմեոս կամ Բարթողոմեոս ձևերով, բայց իր շիտակ անունն է ԲԱՐԹՈՂՈՄԵՈՍ, որ կնշանակէ Թողոմեի որդի: Հայոցս «Առաջին Լուսավորիչներ» հորջորջված երկու առաքյալներեն մեկը: Հովհաննու Ավետարանին մեջ իր առաքելության կոչումը կկատարվի ՆԱԹԱՆԱՅԵՆ, անվան տակ:

Փիլիպպոս առաքյալ Հիսուսի կողմէ «գտնվել» հետո իր կարգին «կգտնեն Նաթանայելը» և կըսեն անոր.

— Ան, որու մասին գրած է Մովսէս Օրենքի գրքին մեջ, և մարգարեները—իբրեւ գրքերու մեջ—մենք գտած ենք արդեն: Նույն ինքն Հիսուսն է, Հովսէսի որդին, Նազարեթեն:

Նաթանայել որ Նազարեթին մոտիկ Կանա գյուղէն էր, լավ կհանճար այդ քաղաքը և հետևաբար ըսաւ անկեղծորեն.

— Իսկ Նազարեթեն կրնա՞ միթե քարի բան մը ելլել: Փիլիպպոս չփորձեց տարհամոզել, այլ ըսաւ պարզապէս.

— Եկուր և ինքդ տես:

Երբ Հիսուս տեսավ Նաթանայելը, որ իրեն կուգար, ըսավ.

— Ահա արդարև իսրայելացի մը, որուն մեջ նեղություն չկա:

— Ուրկե՞ կճանչնաս զիս, ըսավ Նաթանայել նույն համարձակությամբ:

— Նախքան Փիլիպպոս քեզ կանչելը ես քեզ տեսա թզենիին տակ, վրա բերավ Հիսուս: Թե ինչ կճանաչեիր այդ ակնարկությունը մեզի համար մութ կմնա այսօր, բայց հստակորեն հասկցվեցավ Նաթանայելի կողմն, որ անմիջապես փոխեց իր կարծիքը առնվազն Նազարեթցի Հիսուսի մասին և բացագանչեց.

— Ռաբբի, դու Աստուծո Որդին ես, դուն Իսրայելի թագավորն ես: «Թագավոր Իսրայելի» պարզապես կճանաչե «Մեսիա» ակնկալված Փրկիչը: Այս դավանությամբ Նաթանայել կժառանգե «Նախադավան առաքյալ» փառավոր կոչումը: Աստվածային նախախնամությամբ և նախատեսությամբ արժան և իրավ էր, որ «նախադավան» ազգին առաքյալը ըլլար նաև առաջինը զՀիսուս «Որդի Աստուծո» դավանողներուն մեջ:

Նաթանայելի անունը կերևի նաև առաքյալներու այն յոթնյակին մեջ, որոնք Հիսուսի հարությունեն հետո Գալիլիա վերադարձած Էիմ, զԱյն վերստին տեսնելու


հույսով, սակայն սպասելէ ձանձրացած օրին մեկը ձկնորսության կելլեն հավաքաբար, երբ արդարև խորհրդավոր պայմաններու ներքև արժանի կրլան հարուցյալ Փրկչի տեսության:

Բարթողոմեոս, ըստ ավանդության Իրանի բարձրավանդակի զանազան երկիրները քարոզելէ հետո կմտնէ Հայաստանի սահմանները, և կշարունակէ իրմէ առաջ հոն եկած Թադեոս առաքյալի գործը: Ինք ալ կթափանցե արքունիք և թագավորի քույրը դարձի կբերէ, որուն պատճառով կձեռքակալվի Հայոց Սանատրուկ թագավորին կողմն, սաստիկ չարչարանքներու կենթարկվի, մինչև իսկ մորթագերծ ըլլալով կնահատակվի Հայաստանի հարավարևելյան մասին մեջ: Իր գերեզմանին վրա, ի Հաղբակ, փառավոր տաճար մը կառուցված էր, և վանք մը հաստատված, որ այսօր ավերակույտ մըն է միայն:

Կտոնենք զայն Հայաստանի մյուս «Լուսավորիչ» Թադեոս առաքյալի հետ, Հիւնակի առաջին կիրակիի հաջորդող շաբաթօրը: Հուլնք՝ հունիս 11 և օգս. 25: Լատինք՝ օգոս. 25:

(Ծարունակելի)

(«Աստվածաշնչական սուրբեր», Իսթանպուլ, 1977, էջ 151—162)



Քեզը եկեղեցիներ



ՔԵՆԹՐԲԵՐԻԻ ԱՐՔԵՊԻՍԿՈՊՈՍ ԴՈԿՏ. ՖՐԵԴԵՐԻԿ ԴՈՆԱԼԴ ԿՈԳԱՆ

Սույն թվականի հոկտեմբերի սկզբներին պաշտոնական այցով Մայր Աթոռ Կժամանի Քենթրբերիի արքեպիսկոպոս դոկտ. Ֆրեդերիկ Դոնալդ Կոգանը՝ ի գլուխ անգլիկան եկեղեցու բարձրաստիճանի հոգևորականներից բաղկացած մի պատվիրակության:

Հայ և անգլիկան եկեղեցիների հարաբերությունների պատմության մեջ սա կարևոր մի իրադարձություն է, երբ, առաջին անգամ լինելով, անգլիկան եկեղեցու գերագույն պետը պաշտոնական այցելություն է տալու Ամենայն Հայոց Հայրապետին և Մայր Աթոռ ս. Էջմիածնին:

«Էջմիածին» ամսագրի 1977 թվականի հոկտեմբերի համարում մանրամասնորեն անդրադառնալու ենք սույն այցելությանը և այդ առթիվ կազմակերպվելիք հանդիսություններին:

Ստորև մեր ընթերցողների ուշադրության ենք ներկայացնում Քենթրբերիի արքեպիսկոպոսի համառոտ կենսագրությունը:

Դոկտ. Ֆրեդերիկ Դոնալդ Կոգանը ծնվել է Հայգեյթում (Լոնդոն) 1909 թվականի հոկտեմբերի 9-ին: Նախնական կրթությունն ստացել է «Մրչնոթ Թեյլոր» դպրո-

ցում, ապա իր ուսումը շարունակել է Քենթրիջի «Սենտ Զոնա» կոլեջում: Այնուհետև նա իր հոգևոր դաստիարակությունն ստացել է Օքսֆորդի Վալկլիֆ Հոլլում և դասախոսական աշխատանքի անցել Մանչեստրի համալսարանի սեմական լեզուների և գրականության ֆակուլտետում:

1934 թվականին սարկավագ և ապա, մեկ տարի հետո, ձեռնադրվել է քահանա՝ ծառայելով որպես հովիվ օգնական Իգլինգթոնի ս. Մերի եկեղեցում: 1937 թվականին մեկնել է Կանադա, որպես Նոր Կտակարանի մեկնության պրոֆեսոր, դասախոսելու Տորոնտոյի Վալկլիֆ կոլեջում:

1944 թվականին վերադառնալով հայրենիք՝ վարել է Լոնդոնի «Պիլիմիտի» կոլեջի տեսչությունը, մինչև 1956 թվականը: Այդ ընթացքում նա ձեռնադրվել է Բրեդֆորդի եպիսկոպոս:

1961 թվականի սեպտեմբերի 13-ին բարձրացել է Յորքի արքեպիսկոպոսական Աթոռին: Այդ պաշտոնում նա 19 տարի մեծ արդյունավորությամբ ծառայելուց հետո, փոխադրվել է Քենթրբերի՝ ծավալելով էկումենիկ մեծ աշխատանք «Հյուսիսային կանչ» կոչվող շարժման մեջ, մասնավոր-



ՔԵՆԹՐԱՅԵՐԻԻ ԱՐՔԵՊԻՍԿՈՊՈՍ ԴՈՎՏ. ՖՐԵԴԵՐԻԿ ԴՈՆԱԼԴ ԿՈԳԱՆ

րապես գործակցելով Լիվերպուլի կաթոլիկ շրջանակի հոգևոր ղեկավարների հետ:


1975 թվականի հունիսի 24-ին դոկտ. Կոզանը անգլիկան եկեղեցուն և իր ժողովրդին մատուցած մեծ ծառայությունների համար կոչվել է զբաղեցնելու Քենթրբերիի պատմական Աթոռը որպես գերագույն պետոր անգլիկան մեծ եկեղեցու:

Որպես բազմակողմանիորեն պատրաստված հոգևոր անձնավորություն, դոկտ. Կոզանը երկար տարիներ ծավալել է քարոզչական, սուրբ գրական բեղուն գործունեություն՝ քրիստոնեական գրականությունը տարածելու և մասսայականացնելու ուղղությամբ: Նրա գրչին են պատկանում կրոնաշունչ բովանդակությամբ շուրջ տասը գիտական-քարոզչական լուրջ աշխատություններ:

Քենթրբերիի նորընտիր արքեպիսկոպոսը եղել է եկեղեցիների ի Քրիստոս միության և համագործակցության ջերմ պաշտպաններից և ակտիվ գործիչներից մեկը: Այդ նպատակով նա կատարել է բազում

ճանապարհորդություններ՝ եղբայրական ջերմ հարաբերություններ հաստատելով շատ երկրների եկեղեցիների և եկեղեցական կազմակերպությունների հետ: Առանձնապես պետք է այստեղ արձանագրել նրա պատմական այցելությունը հռոմեական կաթոլիկ եկեղեցու պետ Նորին Սրբություն Պողոս Զ Պապին, Կ. Պոլսի Տիեզերական Պատրիարք Դեմետրիոսին, Կ. Պոլսի հայոց պատրիարք տ. Ծնորհք արքեպիսկոպոսին, ինչպես նաև Ժնևի եկեղեցիների համաշխարհային կենտրոնին:

Միջեկեղեցական այս հանդիպումների և այցելությունների ճանապարհի վրա Քենթրբերիի արքեպիսկոպոսի առաջիկա այցելությունը Մոսկվա՝ ուս պրավոսլավ եկեղեցու պետ Նորին Սրբություն Պիմեն Պատրիարքին, և ապա ս. Էջմիածին՝ Ամենայն Հայոց Հայրապետին, կհանդիսանան մեր ժամանակաշրջանի միջեկեղեցական էկումենիկ հարաբերությունների պատմության մեջ մի նշանակալից և կարևոր իրադարձություն:





ԵԿԵՂԵՑԱԿԱՆ ԲԵՄ. ԼՈՒՐԵՐ

Օգոստոսի 3-ին, չորեքշաբթի.—Այսօր, առափնյայն, Վեհափառ Հայրապետը մեկնեց Կիսլովոդսկ՝ հանգստանալու «Կրասնի կամնի» առողջարանում:

Հայոց Հայրապետին ուղեկցում էր Նոր Նախիջևանի և Ռուսաստանի հայոց թեմի առաջնորդական փոխանորդ տ. Տիրան վրդ. Կյուրեղյանը:

• • •

Օգոստոսի 7-ին, կիրակի.—Այսօր Մայր տաճարում քահանայական իր առաջին ա. պատարագն է մատուցում տ. Ավագ արեղա Ասատուրյանը և «Հայր մեր»-ից առաջ քարոզում՝ «Քեզ ասեմ, արի ա՛ն գմահիճն քո՝ և երթ ի տուն քո» (Մարկ. Բ 11) բնաբանով:

Հավարտ ա. պատարագի կատարվում է հոգեհանգստյան մասնավոր պաշտոն՝ Կիսլովոդսկի հանրապետության նորոգ հանգուցյալ պրեզիդենտ Տ. Մակարիոս արքեպիսկոպոսի հիշատակին:

Այս տխուր առիթով, Ամենայն Հայոց Վեհափառ Հայրապետը օգոստոսի 5-ին հետևյալ ցավակցական հեռագիրը ուղար-

կեց Կիսլովոդսկի Հունաց արքեպիսկոպոսա-րան.

**Սրբազան տեղապահ
Քրիստոսոմոս Փափու.**

Հայ եկեղեցու անունից, խորը վշտով Մեր ցավակցություններն ենք հալտնում Կիսլովոդսկի հանրապետության նախագահ Մակարիոս արքեպիսկոպոսի վաղաժամ մահվան առթիվ:

Նրա հիշատակը պայծառ կմնա հայ եկեղեցու և հայ ժողովրդի հիշողության մեջ իբրև բացառիկ դեմքի և իր ժողովրդին նվիրված մեծ առաջնորդի: Աղոթում ենք առ Աստված՝ նրա արդար հոգու խաղաղության և լուսավորության համար:

Կիրակի, օգոստոսի 7-ին, ա. Էջմիածնի Մայր տաճարում հանդիսավոր հոգեհանգիստ կկատարվի տ. Մակարիոս արքեպիսկոպոսի հոգու հանգստյան համար:

Վ.Ա.Զ.Գ.Ե.Ն. Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

5 օգոստոսի 1977 թ.

* *

Օգոստոսի 14-ին, կիրակի.—Վերափոխումն ա. Աստուածածինը.

Այսօր Մայր տաճարում, մեծ տոնի առիթով, հանդիսավոր ա. պատարագ է մատուցում տ. Արսեն եպ. Բերբերյանը և «Հայր մեր»-ից առաջ քարոզում՝ «Խնկի ծառի նման ես, բարի պտուղ բերեալ ես, պտուղ դու քաղցրահամ ես, Աստուածածին մեղալքեզ» տաղի բնաբանով:

Այս առթիվ Մայր Աթոռ ուխտի էր եկել հավատացյալների հոծ բազմություն՝ ներկա լինելու օրվա հանդիսություններին, ստանալու համար հոգևոր մխիթարություն և բերկրանք:

Հավարտ ա. պատարագի, տ. Արսեն եպիսկոպոսի նախագահությամբ «կատարի օրհնությունն խաղողոյ» կարգը:

* *

Օգոստոսի 15-ին, երկուշաբթի.—Յիշումն մեռելոց.

Այսօր Մայր տաճարում ա. պատարագ է մատուցում տ. Նշան քն. Բեյլերյանը:

Հավարտ ա. պատարագի կատարվում է հոգեհանգստյան պաշտոն՝ «վասն համօրէն մեռելոց»:

* *

Օգոստոսի 21-ին, կիրակի.—Այսօր Մայր տաճարում ա. պատարագ է մատուցում տ. Մովսիս վրդ. Սարգսյանը և «Հայր մեր»-ից առաջ քարոզում՝ «Մեր սիրեցուք զԱստուած, վասն զի նա նախ սիրեաց զմեզ» (Ա. Հովհ. Դ 19) բնաբանով:

* *

Օգոստոսի 27-ին, շաբաթ.—Այսօր Կիւլովողակից Մայր Աթոռ վերադարձավ Վեհափառ Հայրապետը՝ «Կրասնի կամնի» առողջարանում շուրջ մեկ ամիս հանգստանալուց հետո:

Վեհափառ Հայրապետին ողբեցել էր Նոր Նախիջևանի և Ռուսաստանի հայոց թեմի առաջնորդական փոխանորդ տ. Տիրան վրդ. Կյուրեղյանը:

* *

Օգոստոսի 28-ին, կիրակի.—Այսօր Մայր տաճարում ա. պատարագ է մատուցում տ. Մասիս վրդ. Գալստյանը և «Հայր մեր»-ից առաջ քարոզում հավոր պատշաճի:

Ա. պատարագին ներկա էր Վեհափառ Հայրապետը:

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆՆԵՐ ՆԵՐՔԻՆ ԹԵՄԵՐԻ ԵԿԵՂԵՑԻՆԵՐԻ ՀԱՄԱՐ

1977 թվականին էլ, Վեհափառ Հայրապետի բարեհաճ արտոնությամբ, կատարվեցին քահանայական մի քանի ձեռնադրություններ ներքին թեմերի եկեղեցիների համար:

Քահանայական թեկնածուները որոշ ժամանակով իրենց ուսումը կատարելագործեցին հոգևոր ճանապարհի մասնավոր դասընթացներում՝ ձեռք բերելով եկեղեցագիտական, ծիսապաշտական և շարականագիտական անհրաժեշտ գիտելիքներ:

Նախապատրաստական այս աշխատանքներից հետո թեկնածուներն իրենց մտավոր պատրաստության մասին քննիչ հանձնաժողովի առաջ քննություն հանձնեցին: Քննիչ հանձնաժողովի դրական վկայությունից հետո, Վեհափառ Հայրապետը բարեհաճեց արտոնել ընծայացուների ձեռնադրությունը:

Նորոգծա քահանաներն են.

1.—Տեր Ներսես քն. Տեր-Ներսիսյան. որը Արարատյան հայրապետական թեմի

առաջնորդական փոխանորդ տ. Կոմիտաս արքեպիսկոպոսի ձեռամբ Երևանի ա. Սարգիս եկեղեցում քահանա ձեռնադրվեց՝ Կամո քաղաքի ա. Աստվածածին եկեղեցու համար:

2.—Տեր Դավիթ քն. Ջելվեյան, որը վրահայոց թեմի առաջնորդ տ. Գևորգ եպիսկոպոսի ձեռամբ ա. Հոփսիսմե վանքի եկեղեցում քահանա ձեռնադրվեց՝ Թրիփսիի հայոց ա. Էջմիածին եկեղեցու համար:

3.—Տեր Տիրատուր քն. Կարվանյան, որը Շիրակի թեմի առաջնորդ տ. Նարեկ եպիսկոպոսի ձեռամբ Լենինականի ա. Աստվածածին եկեղեցում քահանա ձեռնադրվեց՝ Կիրովական քաղաքի ա. Աստվածածին եկեղեցու համար:

Հիշյալ նորոգծաներն իրենց քահանայական քառասունը անցկացրին Մայր Աթոռում և ապա մեկնեցին իրենց պաշտոնատեղիները՝ նվիրվելու իրենց հոգևոր ապաստարանի գործին:

չտեսան անմիջական իրենց ապրած պատմությունները գրի առնելու:

Առաջինը եղավ Մարկոս Ավետարանիչը՝ որ գրեց իր Ավետարանը 65 թվականներում, գոհացում տալու համար հունա-հռոմեական հեթանոսությունն դաժած քրիստոնյա հասարակության պահանջքին, որոնք կփափաքեին գիտնալ իրենց հավատացած Հիսուսի կյանքին, վարդապետության, Հարության մասին, և այլն: Ավետարանը կակսի Հովհաննես Մկրտիչի մկրտությունն: Ոչ մեկ խոսք Հիսուսի ծննդյան մասին: Հետո Մատթեոս գրեց իր Ավետարանը 68—70 թվականներում միջև: Սահկա կիսուսի Քրիստոսի ծննդյան մասին միայն Հովսեփի կողմեն դիտված: Երրորդը պիտի ըլլար Դուկաս Ավետարանիչը, որ գրեց իր Ավետարանը 70—75 թվականներում միջև, ուր լայնորեն նկարագրեց Հիսուսի ծննդյան դեպքերը և: Կույսին կողմեն ներկայացված: Իսկ 95 թվականներում, Հովհաննես Ավետարանիչ գրելով իր Ավետարանը, տեսակ մը պիտի ամբողջացներ նախորդները: Եվ պիտի շեշտեր. «Եվ ուրիշ շատ բաներ ալ կան, գորոնք Հիսուս ըրավ, որոնք եթե մեկիկ-մեկիկ գրված ըլլային՝ կարծես թե աշխարհ ալ բավական պիտի չըլլար պարունակելու այն գիրքերը՝ որ գրված ըլլային» (Հովհ. ԻԱ 25):

Ուրեմն չորս Ավետարանիչները քիչ բան պատմած են մեր Տիրոջ մասին: Սկզբնական շրջանին բոլոր պատմությունները, պատգամները միայն բերանացի ավանդվեցան երկար ժամանակ. այսպես անգիր կերպով սերունդն սերունդ փոխանցվեցան մինչև որ օր մը գրի առնվեցան և կոչվեցան «ավանդություն»: Ուրեմն ավանդության սկիզբը առաքելական ծագում ունի, այս է ամենեն կարևորը անշուշտ: «Եւ որպէս աւանդեցի ձեզ, աւանդութիւնսն ունիցիք» (Ա Կորնթ. ԺԱ 2): Թարգ. «Ինչպէս ավանդեցի ձեզի, ավանդությունը կպահեք»: «Եվ ուրիշ բաներ ձեզի եկած ատենս պիտի պատվիրեմ» (Ա Կորնթ. ԺԱ 34): Ինչ որ կնշանակե՝ որ առաքյալին քարոզած ճշմարտությունը, իր պատվիրած սովորությունները կամ օրենքները միայն գրված չեն, այլ շատ բան «պատվիրած» է, այսինքն ավանդած է, որոնք սակայն չեն գրված: Ուրիշ առթիվ ալ, Հովհաննես առաքյալը կգրէ. «Ծատ բան ունեի ձեզի գրելու, բայց չուզեցի թուղթով ու մեղանով գրել, վասնզի հույս ունիմ, որ ձեզի գամ, և բերան առ բերան խոսիմ» (Բ Հովհ. 12): Ուրիշ տեղ մը նաև. «Եվ երբ այս թուղթը ձեր մեջ կարդացվի, ապա Լավոդիկեցվոց եկեղեցվո մեջ ալ կարդալ տվեք, և դուք ալ Լավոդիկիայէ եկած թուղթը կարդացեք»

(Կող. Դ 16): Այսպէս պատվեր կուտա Պողոս առաքյալ՝ Կողոսացիներուն: Դժբախտաբար, սակայն, Լավոդիկեցվոց հիշյալ այս թուղթը մեզի չէ հասած, չենք գիտեր որ առաքյալը ինչէ՞ր գրած կամ ավանդած պիտի ըլլար մեզի: Այս բոլորը կփաստեն՝ թե առաքյալները իրենց գրածներեն զատ շատ բաներ ավանդած են եկեղեցիին, որ պահած և իր կարգին ավանդած է զայն եկող սերունդներուն: Ասոնցմէ օրինակ մը. «Երանելի է տալը՝ քան թե առնելը» (Գործ. Ի 35): Հիսուս ըսած էր այս երանությունը, որ սակայն Ավետարաններում մեջ չէ հիշված, այլ Պողոս առաքյալ միայն կհիշէ առիթով մը: Թերևս ասոր մասն շատ մը պատգամներ, ճշմարտություններ կային, որոնք բերանացի կգործածվեին քարոզի ընթացքին. դժբախտաբար, սակայն, գրի չեն առնված: Բարեբախտաբար այս վերոհիշյալ երանությունը Պողոս առաքյալն հիշված ըլլալով՝ վավերական կդատու, թե ոչ ետքը, ավանդություն է ըսելով՝ պիտի չընդունեին կարգ մը եկեղեցիներ:

Ահա այս ավանդությունն է որ մեզի կստովեցնէ Աստվածամոր վերափոխման ճշմարտությունը: Եթե երբեք Աստվածամայրը երկինք վերափոխված չըլլար, ինչո՞ւ առաքյալները սկզբնական շրջանին սուտ և մանավանդ «հակասութեամբ» պատմությունները պիտի հնարեին ժողովուրդին մեջ անոնք ալ իրենց կարգին այս ավանդությունը հաջորդ սերունդին պիտի ավանդեին՝ եթե հիմ կամ ճշմարտություն չունենար: Եվ ասոնք պարզապէս սուտ վկաներ պիտի ըլլային՝ հաստատելով թե Քրիստոս իր մայրը երկինք վերափոխած էր: Հոս կրնանք պատշաճեցնել Պողոս առաքյալի բերած փաստը Քրիստոսի Հարության վկաններում մասին (Ա Կորնթ. ԺԵ 15):


Սակե զատ, այս վերափոխման վարդապետությունը «հակասութեամբ» կոչված է, ըսի կարգ մը եկեղեցիներու կողմէ: Սակայն ի՞նչպէս ասիկա հակասութեամբ կրնա ըլլալ, քանի որ Հին Ուխտին մեջ արդեն ունինք երեք անձեր, որոնք արդեն երկինք վերափոխված էին: Այսպէս. «Հավատքով Ենովք երկրէ փոխադրվեցաւ որպէսզի մահ չտեսնէ. և տեղ մը չէր գտնուիր, վասնզի Սաստիմ փոխադրեց զայն. քանզի անոր փոխադրվելէն առաջ վկայվեցաւ թե Աստուծո հաճելի էր» (Եբր. ԺԱ 5): Ապա Եղիա մարգարեին հրեղէն կառքերով երկինք փոխադրվիլը (Դ Թագ. Բ 11—12): Վերջապէս Մովսէս մարգարեին մահը և երկինք փոխադրվիլը: «Մինչև այսօր Մովսէսի գերեզմանը մարդ չգտաւ» (Բ Օրգ. ԼԴ 6): Հուդա Հակոբյան առաքյալն է որ կամբողջացնէ զայն. «Բայց Մի-


բայել հրեշտակապետը երբ սատանայի դեմ դնելով Մովսեսի մարմնի համար կվիճեր...» (Հուդ. 9):

Այս համարով ի հայտ կու գա մեզի դարերու ընթացքին պահված ավանդություն մըն ալ: Մովսեսի կյանքի և գործունեության մասին Հնգամատյանի չորս գիրքերը (Ելից, Ղևտ., Թվոց, Բ. Օրին.), որոնք երկարորեն և մանրամասնորեն գրած են. այս համարը, սակայն, չգտնվիր ոչ մեկ տեղ: Ուրեմն Հուդա առաքյալ այս իրողությունը նշադն դարերու ընթացքին հասած բերանացի ավանդութենն:

Այս վերի օրինակներով կոտանենք թե Քրիստոսի մայր ըլլալը հարկավոր չէր անպայման երկինք վերափոխման համար: Ինչպես Ենովքի համար կկարդանք. «Աստուծո հաճելի էր», «Աստուծո հետ քալեց» (Ծննդ. Ե 24) այսքան միայն: Իսկ Աստվածամոր համար՝ Աստուծո մայր եղած ըլլալը՝ քավական է արդեն, «Վասնզի ո՞վ գիտցաւ Տիրոջ միտքը, կամ ո՞վ անոր խորհրդակից եղաւ» (Հոռմ. ԺԱ 34):

(Վաչե վրդ. Իգնատիոսյան, «Աստվածամայրը», Վեներիկ, ս. Ղազար, 1977 թ., էջ 23—27)





Մ Ա Հ
ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ
ՍԱՐԳԻՍ ՏԻԳՐԱՆԻ ԳԱՍՊԱՐՅԱՆԻ

(1917—1977)

Օգոստոսի 25-ին, 60 տարեկան հասկում, հանկարծամահ եղավ Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Սարգիս Տիգրանի Գասպարյանը:

Հայոց Հայրապետը և Մայր Աթոռ ս. Էջմիածինը մեծ ու ծանր կորուստ կրեցին Ս. Գասպարյանի անակնկալ մահվամբ:

Ծնրջ 15 տարի հանգուցյալը, որպես հայրենասեր և բարձր կրթության տեր մարդ, ձեռնհաստրեմ և անիրավով գլխավորեց Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահի պատասխանատու պաշտոնը և իր եռանդուն ու շինարար մասնակցությունը բերեց Հայոց Հայրապետի հայրենասիրական ու խաղաղասիրական գործունեությանը, Նրա մշակութային, կրթական, շինարարական կարևոր ձեռնարկումներին:

Ս. Գասպարյանի անակնկալ մահը խորապես ազդեց Հայոց Հայրապետի, ինչպես նաև Մայր Աթոռի միաբանության և աշխատավորության վրա:

Ս. Գասպարյանը ծնվել է 1917 թվականին Լեռնային Ղարաբաղի Ինքնավար Մարզի Հադրութ գյուղում: 1935 թվականին ավարտելով տեղի մանկավարժական տեխնիկումը, ուսուցչական աշխատանքի է անցնում հայրենի գյուղում:

1937 թվականին նա մեկնում է Բաքու և ընդունվում պետական մանկավարժական ինստիտուտի ուսաց լեզվի և գրականության ֆակուլտետ և այն ավարտում 1941 թվականին:



Հայրենական պատերազմի առաջին իսկ օրից Գասպարյանը մեկնում է ռազմաճակատ՝ կատարելու իր հայրենասիրական-զինվորական ծառայությունը:

Այնուհետև, 1943 թվականից սկսած նա վարում է մի շարք դիվանագիտական հայրենակներ պաշտոններ ՍՍՀՄ և ՀՍՍՀ արտաքին գործերի մինիստրություններում,

ՀՍՍՀ ռադիոկոմիտեում, դասախոսում երեվանի պետական համալսարանում և այլ բարձրագույն ուսումնական հաստատություններում, ձեռնհասաբեռն և մեծ արդյունավորությամբ գլխավորում է աշխատանքները, որպես միևնույն, ՀՍՍՀ կինեմատոգրաֆիայում, հայրենադարձների ընդունման և տեղավորման կոմիտեում և, վերջապես, ՀՍՍՀ Միևնույնների սովետին առընթեր հայ եկեղեցու գործերի խորհրդում, որպես կոմիտեի նախագահ:

Ս. Գասպարյանը բազմակողմանիորեն զարգացած և խորը գիտելիքների տեր անձնավորություն էր և գիտական աշխատություններ է թողել հայ ժողովրդի և գաղթաբանների պատմության, հայրենագիտության տարբեր ճյուղերի ուսումնասիրության վերաբերյալ, ինչպես նաև կատարել է ռուս և օտար գեղարվեստական գրականությունից հայերեն թարգմանություններ:

Սարգիս Գասպարյանի մահվան տխուր առիթով Հայոց Հայրապետը ցավակցական հետևյալ հեռագիրը ուղարկեց ՀՍՍՀ Միևնույնների սովետի նախագահ Ֆ. Սարգսյանին.

Հանուն Մայր Աթոռ ս. Էջմիածնի ու Գերագույն հոգևոր խորհրդի, վշտով Ձեզ ենք ներկայացնում Մեր ցավակցությունները Հայկական ՍՍՀ Միևնույնների սովետին առընթեր հայ եկեղեցու գործերի խորհրդի նախագահ Սարգիս Գասպարյանի վաղաժամ մահվան տխուր առիթով:

Հանգուցյալը երկար տարիներ իր հայրենակներ աշխատանքով սերմանացել էր բոլորիս հարգանքին ու գնահատանքին՝ որպես ազնիվ մարդ ու որպես անբասիր ու իմաստուն պետական գործիչ: Նրա հիշատակը միշտ պայծառ կմնա մեր մեջ՝ սուրբ Էջմիածնում:

Մարդում ենք Ձեզ քաջառողջություն և միշտ փալլուն հաջողություններ՝ ի խնդիր է՛լ ավելի ծաղկման մեր մայր հայրենիքի, որին նվիրել էր իր ողջ կյանքը նաև ողբացյալ Սարգիս Գասպարյանը:

Վ. Ա. Զ. Գ. Ե. Ն. Ա.

Կարողիկոս Ամենայն Հայոց

Հայոց Հայրապետը նույն տխուր առիթով ցավակցական հեռագիր հղեց նաև հանգուցյալի կնոջը՝ տիկին Մերի Գասպարյանին, միաթարության և տիտիանի ջերմ արտահայտություններով:

Օգոստոսի 27-ին, շաբաթ օրը, ժամը 16-ին, կատարվեց Ս. Գասպարյանի հու-

ղարկավորությունն ու թաղումը: Հանգուցյալի մարմինը դրվել էր Երևանում, Արվեստի աշխատողների տան դահլիճում:

Հանուն Վեհափառ Հայրապետի հուղարկավորությանը մասնակցեցին տ. Կոմիտաս և տ. Արսեն սրբազանները, «Էջմիածին» ամսագրի խմբագիր Արթուր Հատիսյանը, Մայր Աթոռի Միջեկեղեցական հարաբերությունների բաժնի քարտուղար Պ. Ծաֆազյանը, որոնք հանուն Վեհափառ Հայրապետի խոր ցավակցություն հայտնեցին հանգուցյալի այրուն և հարազատներին:

Ս. Գասպարյանի աճյունը ամփոփվեց Երևանի քաղաքային պանթեոնում:

Մեպտեմբերի 4-ին Մայր տաճարում, հավարտ ս. պատարագի, Հայոց Հայրապետի նախագահությամբ կատարվեց մասնավոր հոգեհանգստյան պաշտոն հանգուցյալ Սարգիս Գասպարյանի հիշատակին:

Ս. պատարագին և հոգեհանգստյան արարողությանը ներկա էին հանգուցյալի այրին՝ տիկին Մերի Գասպարյանը, իր զավակների և հարազատների հետ, ՀՍՍՀ Միևնույնների սովետին առընթեր հայ եկեղեցու գործերի խորհրդի անդամները՝ գլխավորությամբ տեղակալ Ս. Հասարյանի, հանգուցյալի ընկերներն ու բարեկամները:

Հոգեհանգստյան արարողությունից առաջ Վեհափառ Հայրապետը, ոգևորվելով անմոռաց հիշատակը հանգուցյալ Սարգիս Գասպարյանի, խոսեց հետևյալ սրտաշարժ դամբանականը.

«Յանուն Հօր և Որդույ և Հոգույն սրբոյ ամեն»:

«Քանզի ամենայն մարմին իբրև զխոտ է և ամենայն փառք մարդոյ իբրև ծաղիկ. խոտն ցամաքեցաւ և ծաղիկն թթափեցաւ» (Ս. Պետ. Ա. 24):

Միբլի ժողովուրդ,

Հիսուս Քրիստոսի աշակերտներից Պետրոս առաքյալի տողերն են սրանք իր զբրած նամակներից մեկում, որտեղ նա, խոսելով կյանքի և մահվան խորհրդի մասին, մարդկային կյանքը նմանեցնում է մի բույսի, իսկ նրա կյանքի գործերը, նրա փառքը նմանեցնում է ծաղկի: Պետրոս առաքյալ այս հակիրճ խոսքերի մեջ խտացնում է հավիտենական և տիեզերական օրենքը՝ կյանքի և մահվան, ալնքան պատկերալից, ալնքան ճշմարտացի, ալնքան հուզիչ կերպով: Տիեզերական օրենք և խորհուրդ, որ վեր է մեր մարդկային իմացության ուժերից և անհիմանալի մեզ համար: Մարդկորեն թեև դժվար ենք հաշտվում մահվան հետ, հոգեբանորեն սա էլ ճշմարտություն է: Սակայն պետք է խորհինք, թե երևի գերագույն մի իմաստություն կա այս տիեզերա-

կան օրենքին մեջ, և որի առջև ստիպված ենք խոնարհվել և հաշտվել մարդկային երկրավոր կյանքի ժամանակավորության գաղափարի հետ, այն քրիստոնեական փրկարար հույսով, որ ինչպես նյութական տիեզերքում ամեն ինչ հոսում է, փոփոխվում է, բայց ոչինչ չէ կորչում, այնպես էլ մարդկային հոգու աշխարհում փոփոխվում են գոյության կերպերը, ձևերը, սակայն ինչ որ հոգեկան մի իրողություն մնում է անթառամ կյանքի մյուս ափին:

Հավիտենական կյանքի հույսն է այդ քրիստոնեական, որ մխիթարում է մարդկանց հոգիները ահա երկու հազար տարիներ է ի վեր ու այսօր էլ մարդիկ այնքան քաղցրությամբ ապրում են այն, իբրև հույս, իբրև խորհուրդ և հավատք:

Միբելի ժողովուրդ, հատկապես մեր արտերը վշտով են լցվում այն պարագաներին, երբ մահը գալիս է վաղաժամ կերպով և հեռացնում մեզանից մեր սիրելին, մեր հարազատը: Անկապելի է, որ հարազատների արտերը չլցվեն աչքող վշտով ու կարոտով, երբ իրենց սիրելին չկա այլևս իրենց շուրջ, իրենց տան մեջ, հավաքական կյանքի մեջ: Սվելին, տակավին կան մահեր, որոնք սուգ են պատճառում և վիշտ ոչ միայն ննջեցյալի հարազատներին, ընտանիքի անդամներին, այլ նաև ամբողջ հասարակության, ամբողջ ժողովրդին: Ահա այսպիսի մի կորուստի առջև ենք զբաղվում մենք այսօր, և այժմ պատրաստվում ենք հոգեհանգստյան պաշտոն կատարել հոգվո խաղաղությանը համար այն անձնավորության, որ բաժանվեց մեզանից ընդմիջտ, սուգի մատնելով ոչ միայն իր ընտանիքի անդամները, այլ նաև շատ-շատերին մեր երկրում, ընդ որում նաև մեզ բոլորին՝ Մայր Աթոռ Ս. Էջմիածնի պաշտոնության, աշխատողներին, հոգևորականության, Գերագույն հոգևոր խորհրդին և նաև անձամբ Մեզ: Սրանից մոտ մի շաբաթ առաջ, իր մահկանացուն կնքեց մեր հայրենիքի ակաճավոր պետական գործիչներից մեկը՝ Սարգիս Տիգրանի Գասպարյանը, անակնկալ մահով և խիստ վաղաժամ, տակավին իր ուժերի հասունության տարիքում, երբ առնվազն 15—20 տարիներ ևս նա կկարողանար ծառայել յուր հայրենիքին, յուր ժողովրդին և մեր Մայր Աթոռին:

Ս. Տ. Գասպարյանը նոր սերնդի մեր երկրի ամենաազնիվ և ամենաակաճավոր պետական գործիչներից մեկը եղավ: Տակավին երիտասարդ հասակին նա պատասխանատու պաշտոններ ստանձնեց արտասահմանում սովետական դեսպանատան մեջ, ապա Հայաստանում եղավ Ներգաղթ

կոմիտեի լիազոր, Ներգաղթ կոմիտեի նախագահ և Կիևնմատոգրաֆիայի միևնադր և բազմաթիվ տարիներ եղավ նախագահը եկեղեցական-պետական խորհրդին, Միևնադրների սովետին կից: Աշխատանքի ասպարեզում նա ամեն տեղ ցուցաբերեց ինք իրեն իբրև ազնիվ և հավատարիմ քաղաքացի մեր պետության, իբրև գործարար աշխատող, իբրև հոգով և ձեռքերով մաքուր գործիչ, իբրև ժրջան և ստեղծարար պաշտոնատար: Ամեն տեղ, որտեղ նա աշխատեց, մի պայծառ հետք թողեց և սքանչելի մի հիշատակ և օրինակ այլոց: Հատկապես իբրև եկեղեցական գործերի նախագահի, Մենք երախտապարտ ենք նրան բազմաթիվ տեսակետներից, որոնց Մենք չենք անդրադառնա այսօր մանրամասնորեն, բայց կասենք մեկ մեծ ճշմարտություն, որ նա հավասարապես իմացավ ծառայել և օգտակար լինել և՛ պետության, և՛ եկեղեցուն: Մեր ժամանակներում, նա բացառիկ դեր կատարեց այս տեսակետից: Մենք նրա հետ գործակցեցինք շուրջ տասնևհինգ տարիներ և տեսանք նրա մեջ թե՛ ազնիվ մարդը, թե՛ նվիրյալ և հավատարիմ քաղաքացին և թե՛ բոլոր հարցերին մարդկայնորեն մոտեցող անձնավորությունը, հարցեր, որոնք կապված են եղել մեր եկեղեցու, մեր ժողովրդի հոգևոր կյանքի զարգացման և հատկապես ս. Էջմիածնի պաշտոնության և ծաղկման հետ: Պիտի ասենք առանց չափազանցության, որ եթե Մեր գահակալության տարիների ընթացքում ունեցանք մեծ հաջողություններ շինարարական և այլ տեսակետներից այստեղ Մայր Աթոռ Ս. Էջմիածնում, ապա այդ պարտական ենք կարևոր չափով նաև մեր եկեղեցական գործերի նախագահ Ս. Գասպարյանին: Իհարկե, սա Մեր հայրենի պետության քաղաքականությունն է ընդհանրապես եկեղեցու և ս. Էջմիածնի նկատմամբ, սա ճշմարիտ է, բայց Ս. Գասպարյանը այդ անձնավորությունը եղավ, որ նաև իր շնորհքը բերեց այս ասպարեզում, այս գործին առավել հաջողության համար: Ահա թե ինչու Մենք այսօր բաժանում ենք բոլորս սուգը, վիշտը նրա սզակիր ընտանիքի, բաժանում ենք վիշտը նրա ընկերներին և հարազատներին, բաժանում ենք վիշտը մեր պետական իշխանության, որ կորցրեց իր հավատարիմ բարձր պաշտոնյաներից մեկին:

Ներկայացնում ենք Մեր խորագգաց ցավակցությունները իր ազնիվ տիկնոջ՝ տիկին Մերի Գասպարյանին, նրա զավակներին, նրա քույրերին և բոլոր հարազատներին՝ վստահեցնելով նրանց, թե նաև այստեղ Մայր Աթոռում միշտ պայծառ

կպահենք արդար հիշատակը, բարի հիշատակը Սարգիս Գասպարյանի: Թող նրա հոգին խաղաղությամբ բարձրանա դեպի երկինք և արժանի լինի երկնային հավիտենական կյանքին: Հայցում ենք նաև ձեզ բոլորիդ, սիրելի ժողովուրդ, աստվածային խաղաղություն և օրհնություն այժմ և միշտ. ամեն:

Հավարտ եկեղեցական արարողության Վեհաբանում Հայոց Հայրապետը ընդունեց Սարգիս Գասպարյանի ընտանիքի անդամներին, նրա հարազատներին, գործի ընկերներին և մի անգամ ևս անձամբ Իր և Մայր Աթոռ ս. Էջմիածնի անկեղծ և խորը ցավակցությունը հայտնելով՝ հայրական սիրտի անքննելի խոսքերով մխիթարեց սգակիրներին:

Ոգեկոչելով Սարգիս Գասպարյանի բարի անունն ու հիշատակը ու նրա հայրենակներ գործունեությունը, հարգանքի և մխիթարության ջերմ խոսքեր արտասանեցին «Էջմիածին» ամսագրի խմբագիր Ա. Հատիտյանը և Մայր Աթոռին աղբյուր


ճարտարապետների հանձնաժողովի անդամ Գրիգոր Խանջյանը:

Այնուհետև Հայոց Հայրապետին ողբով և շնորհակալության և երախտագիտության ջերմ ու հուզմունալից խոսք ասաց հանգուցյալի այրին՝ տիկին Մերի Գասպարյանը՝ իրենց ընտանիքի մեծ դժբախտության առթիվ Հայոց Հայրապետի ցույց տված հայրական մխիթարության և ուշադրության համար՝ մխիթարություն և ուշադրություն, որոնք թեթևացրին իրենց վիշտը և մեղմեցին կորստի ծանրությունը:

Սարգիս Տիգրանի Գասպարյանի հիշատակն ու անունը, որպես պետական եռանդուն և իմաստուն գործչի, որպես Հայոց Հայրապետի անձնական բարեկամի, միշտ վառ ու անմոռաց կմնա այս սուրբ հաստատության մեջ, որ Մայր Աթոռ ս. Էջմիածինն է, ու նրան ճանաչող բոլոր մարդկանց երախտագետ սրտում:

Հանգիստ և խաղաղություն Սարգիս Գասպարյանի արդար հոգուն:

Ա. Հ.



ԳՐԱԽՈՍՈՒԹՅՈՒՆ

ՇՆՈՐՀՔ ԱՐՔԵՊԻՍԿՈՊՈՍ ԳԱԼՈՒՍՏԵԱՆ
«ԱՍՏՈՒԱԾԱԾՆՉԱԿԱՆ ՍՈՒՐԲԵՐ», ԻՍԹԱՆՊՈՒԼ, 1977, 207 էջ

Սեդանիս վրա է Թուրքիայի հայոց բազմաբնակչություն և վաստակաշատ տ. Շնորհք պատրիարք Գալուստյանի նոր ու արժեքավոր ուսումնասիրությունը՝ «Աստուածաշնչական սուրբեր», որն ամբողջացնում է սրբազան հեղինակի մինչև այժմ հրատարակած «Մեծ պահքի կիրակիներու ոսկի շղթան» (1971), «Գունագեղ կիրակիներ և Հոգեգալուստ» (1972), «Ասագ շաբաթ» (1971) կրոնական մատենաշարը: Հրատարակելի է այդ շարքից վերջին գիրքը՝ «Տաղաար օրեր»:

Տերունի և պահոց օրերին նվիրված ուսումնասիրություններից հետո «Սրբոց օրեր»-ին հատկացված սույն աշխատությունը բաղկանում է երեք գրքերից.

Ա. Աստվածաշնչական սուրբեր.

Բ. Համաքրիստոնեական սուրբեր.

Գ. Հայազգի սուրբեր:

Այժմ լույս է տեսել միայն սույն շարքի առաջին գիրքը, որով ընթերցողի սեղանին է դրվում Աստվածաշնչական սրբերի ուսանելի կյանքն ու գործունեությունը՝ ըստ մեր եկեղեցական տոնացույցի:

Հատուրը բաղկանում է երկու մեծ մասերից.

Մասն առաջին. Հին Կտակարանի սուրբեր (էջ 33—134) և

Մասն երկրորդ. Նոր Կտակարանի սուրբեր (էջ 136—207):

Գրքի առաջին մասում Հին Կտակարանի սրբերի մեջ մեզ ներկայացվում է կյանքը Նախահայրերի, այդ թվում՝ Ադամի, Աբելի, Սեթի, Ենոքի, Ենոքի, Նոյի, Մեքքիսդեկի. Նահապետների՝ Աբրահամի, Իսահակի, Հակոբի, Հովսեփի. (Սինա) Ամապատի առաջնորդների՝ Մովսեսի, Ահարոնի, Եղիազարի, Հեսուի. Դատավորների՝ Բարակի, Գեդեոնի, Հեթթայի, Սամսոնի, Դավիթ թագավորի. Մարգարեների՝ Սամվելի, Եղիայի, Եղիսեի, Հոբի, ապա Գիրք ունեցող չորս մեծ մարգարեների՝ Եսայի, Երեմիայի, Եզեկիելի, Դանիելի, և 12 կրտսեր մարգարեների՝ Ովսեի, Հովելի, Ամուսի, Աբդիուի, Հովնանի, Միքեի, Նավումի, Ամբակումի, Սոփոնիայի, Անգեի, Ջաբարիայի, Մաղաքիայի:

Հին Կտակարանի սրբերի շարքը լրացնում են Նաբուգոդոնոսոր թագավորի հրամանով հաքելոնում հնոց նետված Սեդրակ, Միաք և Աբեթնագով՝ «Երեք Մանկունք»-ը (Դան. Գ 1—100); ապա Եզր կամ Եզրաս, հայրենասեր Մակաբե յոթ եղբայրները՝ «Սրբոցն Մակաբայեցոցն Եղիազար քահանային և Շամունեայ և Եթն որդոց նորին»:

Սրբազան հեղինակը գրքի Ա մասը եզրափակում է հիշյալ սրբերին ներկայացնելով ճշմարտապես, իբրև հավատքի հերոսներ կամ դյուցազներ, բարեպաշտության

քաջամարտիկներ (էջ 131)՝ վկայակոչելով այս առթիվ Երրայեցվոց թղթի Ժ, ԺԱ և ԺԲ գլուխների համապատասխան համարները, որոնցով բնութագրվել են սպառնալից կերպով Հին Կտակարանում հավատքի մարդկանց կյանքն ու գործունեությունը.

ՇԵՈՐՀԲ ԱՐՔԵԳԻՍԿՈԳՈՍ ԳԱՆՈՒՍՏԵԱՆ

ԱՍՏՈՒԱԾԱՇՆԶԱԿԱՆ ՍՈՒՐԲԵՐ

Ի Ս Թ Ա Ն Պ Ո Ւ Լ

1977

«Արդարը պիտի ապրի հավատքով... Ի՞նչ է հավատքը, եթե ոչ՝ հուսացված բաների հաստատումը և ապացույցն այն բաների, որոնք չեն երևում, բանգի **նախնիք** նրանով վկայություն ստացան: Հավատքով ենք իմանում, որ աշխարհներն առեղծվել են Աստուծո խոսքով՝ անտեսանելի բաներից տեսանելիներ դառնալով...»: Հին Կտակարանի սրբերը առավելապես իբրև հավատքի մարդիկ **հավատք-ով** «պարտության

մատնեցին թագավորություններ, գործեցին արդարություն, հասան խոտմանը, փակեցին աշույթների բերանները, հանգցրին կրակի զորությունը, փրկվեցին սրի թևաններից, զորացան տկարությունից հետո, կտրիճներ եղան պատերազմի մեջ, հաղթեցին օտար բանակների»: Նրանցից շատեր «քարկոծվեցին, սղոցվեցին, սրով սպանվեցին, թափառեցին ոչխարների և այծերի մորթիներով, ապրեցին կարիքի մեջ, նեղության մեջ, չարչարանքների մեջ» (Եբր. ԺԱ 1—38):

Գրքի երկրորդ մասում ներկայացվում են «Նոր Կտակարանի սուրբեր»-ը, որոնք հանդիսացան **եկեղեցիի հիմքեր և հիմնադիրներ**:

Նոր Կտակարանի սրբերը, շեշտում է սրբազան հեղինակը, «ուղիղ գիծով շարունակությունը կկազմեն Հին Ուխտի արդարներուն, թե՛ ֆիզիքական և թե՛ հոգևոր մարգերուն մեջ» (էջ 136):

Հին և Նոր Կտակարանների սրբերն ունեն «նույն ոգին, նույն գաղափարները և կծառալեն նույն Աստուծո»: Այդ երկու կարգի սրբերի մեջ հիմնական և գլխավոր տարբերությունը կայանում է նրանում, որ Հին Կտակարանի սրբերը մասնախազակեցին Մեսիայի գալուստը և Աստծո թագավորության հաստատումը երկրի վրա՝ արդարության և խաղաղության պայմանների մեջ, իսկ Նոր Կտակարանի սրբերը ծանուցին մարդկային կյանքի պատմության մեջ սկզբնավորությունը **նոր դարաշրջանի, նոր ժամանակների**, և նրանցից շատերը «տեսան ու շոշափեցին» Մեսիային և գործակիցները հանդիսացան Քրիստոսի քրտություն և Նրա հիմնած եկեղեցու առաջին սպասավորները:

Սրբազան հեղինակը Նոր Կտակարանի սրբերի մեջ մասնախառնում է «այն արդար հոգիներու մասին», որոնք հանդիսացան **նախակարապետները Քրիստոսի** և «գետինն պատրաստեցին» Նրա փրկագործական առաքելության և եղան վկաները Նրա Մարդեղության:

Այս խմբի մեջ են Հովակիմ և Աննա՝ նախածնողները Քրիստոսի (էջ 137), ապա «Հովսեփ աստվածամայրը»—Հիսուսի հայրագիրը—(էջ 139) և ամուսինը ա. Կույսի, ապա ա. Մարիամ Աստվածամայրը՝ «գեղազույց սուրբը բոլոր սուրբերուն» (էջ 141), Զաքարիա և Եղիսաբեթ՝ Հովհաննես Մրկրաչի ծնողները, ապա մեծ կարապետը՝ Հովհաննես Մկրտիչ. «Հիսուսն վերջ մեծագույն դեմքը Ավետարաններու մեջ և գլխավոր գործիչը Նոր Կտակարանի քրկերները: Աստուծո թագավորության, ալ-

սինքն՝ քրիստոնեական եկեղեցիի դարաշրջանը պաշտոնապես բացողը եղավ Հովհաննես (Էջ 146):

Քրիստոսի նախակարապետների մեջ հիշվում են նաև «Բեթլեհեմի մանուկները», որոնք իրենց «ամենել արյունը թափեցին Քրիստոսի համար» (Էջ 149): Նրանք հրեաների Հերովդես չար թագավորի հրամանով «մեռան Աստծո Որդին ֆիզիքապես ապրեցնելու համար» (Մատթ. Բ 16—18):

Գրքի երկրորդ մասի երկրորդ գլուխը հատկացվել է Քրիստոսի առաքյալների կյանքին և քարոզությանը: «Առաքյալները կկազմեն երկրորդ և կարևորագույն խումբը՝ Նոր Կտակարանի սուրբերուն մեջ» (Էջ 151):

Հիսուսն իր երկրավոր կյանքի ընթացքում, իր քարոզչական գործունեության հենց սկզբին, ընտրեց 12 առաքյալներին, որոնք ակամատես և ակամաջալոր եղան Նրա քարոզության, Նրա հրաշքերին, հզոր գործերին և հանդիսացան մանավանդ առաջին վկաները Նրա չարչարանքների և Հարության: Առաքյալները եղան նաև «հիմքերը և հիմնադիրները եկեղեցիին, այսինքն Քրիստոսի եկեղեցիին առաջին անդամները, առաջնորդները, վարիչները և կազմակերպիչները» (Էջ 151):

Մեր եկեղեցին առաքյալների տոնը կատարում է զույգ-զույգ կամ երեք առ երեք տարվույն զանազան օրերուն» (Էջ 152):

Այս սրբազան հեղինակը մանրամասն, և ըստ Ավետարանների վկայության, սպառնիչ կերպով ներկայացնում է Պետրոս, Անդրեաս, Հակոբոս Զեբեդյան, Առաքյալ Նովոս, Փիլիպպոս, Թովմաս, Թադեոս, Հակոբոս, Ծմալոն և Մատթաթիա առաքյալների կյանքն ու քարոզչական գործունեությունը: Լայն տեղ է հատկացված նաև «տասներեքերորդ» «հեթանոսաց» մեծագործ առաքյալ Պողոսին, որը «համամարդկային կազմավորությամբ արդարև կատարելագույն անձն էր, քրիստոնեությունը հավասար ձեռներեցությամբ քարոզելու հրեական, հուդայական և հռոմեական երեք շրջանակներու մեջ ալ» (Էջ 167):

Գրքի երկրորդ մասի երրորդ գլուխը նվիրվել է Քրիստոսի 72 աշակերտներին:

Սրբազան հեղինակը Նոր Կտակարանի սրբերի մեջ ըստ մեր տոնացույցի անհրաժեշտ է համարել նաև հիշատակել Հովսեփ Արիմաթացուն, որը ըստ Ավետարանների որպես մեծահարուստ մարդ, «նախարար», «խորհրդական» կամ «ծողովական», քառություն ունեցավ գլխավորելու Քրիստոսի՝ պատվով թաղման արարողությունը, իր ընտանեկան նոր գերեզմանում:

Ղազարոսը, Արա երկու քույրերը՝ Մարթան և Մարիամը, Քրիստոսի սիրած ընտանեկան խաղաղ ու համակերպի շրջանակն էին կազմում: Այդ ընտանիքի հետ Հիսուսը կապված էր մեծ բարեկամությամբ: «Ամեն անգամ որ Հիսուս Երուսաղեմ գար, առհասարակ կիջեանէր ասոց տանը, որ կգտնվէր Երուսաղեմի մոտիկ Բեթանիա գյուղը Զիթենյաց սարի հարավ-արևելյան լանջին» (Էջ 175): Հիսուսը, ինչպես պատմում է Ավետարանը, հարություն տվեց չորսօրյա մահացած և թաղված Ղազարոսին (Հովհ. ԺԱ 1—44): Ղազարոսի «հարությունը մեծապես կնպաստեր Հիսուսի համբավին և ժողովրդականության տարածման» (Էջ 175): Այս երեքի տոնը մեր եկեղեցին միացրել է Հովսեփ Արիմաթացու տոնին:

Նոր Կտակարանի սրբերի մեջ հիշվում են նաև անունները «իշխաբեր կանանց»՝ Մարիամ Մագդաղենացու, Մարիամ Կղեովալի, Սողոմեի, Հովհաննայի և ուրիշների: Այս բարեպաշտ և առաքինի կանայք Քրիստոսի առաջին հավատացյալներից էին և իրենց «ինչքերով» հոգում էին Քրիստոսի և առաքյալների նյութական կարիքները, որպես երախտագիտություն և անմնացորդ նվիրում: Այս կանայք եղան նաև առաջին ավետաբերները Քրիստոսի հրաշալի Հարության (Էջ 178):

«Իշխաբեր կանանց» գործունեության և մահվան մասին Ավետարանները ոչինչ չեն պատմում: Բայց եկեղեցին խմբովին մեծարում է նրանց հիշատակը: «Երջանկագույն հոգիներ որոնք մաս կկազմեն այն 120 հոգիե բաղկացած խումբին, որ կորիզը կազմեց քրիստոնեական եկեղեցիին և որոնք հավաքաբար ստացան ս. Հոգին Պենտեկոստի օրը» (Էջ 179):

Գործք Առաքելոց-ի մեջ հիշվում են նաև երկու սրբեր՝ Հակոբոս «Տեսողաբար» կամ «Փոքր Հակոբ» և Ստեփանոս Սարկավագ Նախավկան: «Հակոբոս կհիշվի իբրև նախնական եկեղեցիի գլխավոր գործիչներեն մեկը՝ Երուսաղեմի առաքելական ժողովի ընթացքին, որուն որոշումը կբանաձևե» (Էջ 180):

Հակոբոսը հանդիսանում է նաև առաջին եպիսկոպոսը Երուսաղեմի Մայր եկեղեցիին և «սյուններեն մեկը առաջին քրիստոնեական եկեղեցիին, Պետրոսի և Հովհաննեսի հետ» (Գաղտ. Բ 9): Իսկ Ստեփանոս Նախավկա Սարկավագը «նախնական եկեղեցիի ամենեն շնորհալի դեմքերեն մեկն է, և առաջին քրիստոնյա նահատակը, որ իր արյունը թափեց Քրիստոսի սիրույն համար» (Գործք Զ):

Նոր Կտակարանի սրբերի մեջ հիշվում

են նաև Փիլիպպոս Սարկավազը, հերանոս Կոռնելիոս հայրապետը (Գործք Ժ 1—2):

Գրքի չորրորդ գլուխը նվիրված է «հեթանոսաց» մեծ առաքյալ Պողոսի գործակիցների և աշակերտների հիշատակին, այդ թվում՝ Անանիային, որ Դամասկոսի մեջ սկսեց Պողոսին (Գործք Թ 15—19), Բառնաբասին (Գործք 22—26, Թ 26, Ժ 11—12), Եղիային կամ Սիդանոսին (Գործք ԺԷ 4), Հովսեանես-Մարկոս Ավետարանչին (Կողոս Դ 10. Գործք ԺԲ 25. Բ Տիմոթ. Դ 11), Դուկաս Ավետարանչին (Փիլմ. 24. Կողոս Դ 14. Բ Տիմոթ. Դ 10), Տիմոթեոսին (Գործք Ժ 1—3. Բ Տիմոթ. Ա 5. Բ Կորնթ. Ա 1. Ա Թեսալ. Գ 2. Ա Տիմոթ. Ա 8), Տիտոսին (Տիտ. Ա 1. Բ Կորնթ. Բ 13, Ը 16—18, 23. Գալտ. Բ 1—5), Ոնեփոսին, որ «վերջինն է հանգանակե մեր տոնացույցին անցած ավետարանական սուրբերուն» (Էջ 198): Մեր եկեղեցական տոնացույցում հիշատակվում են նաև անունները Պողոս առաքյալի վերոհիշյալ աշակերտներից բացի նրա գործակիցների «ավելի քան 40 անուններ» (Էջ 201—204):

Տ. Շնորհք արքեպիսկոպոսի «Աստուածաշնչական սուրբեր» ուսումնասիրությանը կցված է մի կոտ և իմաստալից «Ներածություն» (Էջ 7—30), որ բացատրվում են, թե «ո՞վ է սուրբը», «ի՞նչ է սրբությունը», «սրբության իմաստին կիրարկումը», «սուրբերու հարգությունը մեր ժամանակներու մեջ», «սուրբերու մատուցված հարգանքին ուղիղ ըմբռնումը», «սրբոց հիշատակության ծագումը» և այլն:

Սուրբը Աստուծո գաղափարի վրա իր մտածումն ու զգացումները կենտրոնացրած անձնավորություն է, իր կյանքի բոլոր հանգրվաններում և իր գործունեության բոլոր բնագավառներում: Աստծով լցված, ներշնչված, Աստուծո ներկայությունը ապրող մարդը: Սրբերի կյանքը ապրված Ավետարան է: Իսկ սրբության գաղափարը մանավանդ քրիստոնեական կրոնի մեջ գրավում է մեծագույն տեղը (Էջ 7—8):

Քրիստոնեական կրոնի նպատակն է մարդուն հրավիրել ընթանալու սրբության ճանապարհով և ապրելու աստվածահաճո մարդու կյանքով, ըստ Ավետարանի պատվիրանների. «Ով որ կատարում է Աստուծո կամքը, ապրում է հավիտյան» (Ա Հովհ. Բ 27): Ցուրաբանչյուր մարդ, որ տեղծված է Աստուծո պատկերով, մաքրված պետք է լինի մեղքից և ապականությունից և դառնա տաճար ու բնակարան Աստուծո, որպես նոր «ստեղծագործություն» կամ «նոր արարած». «Նրե մեկը Քրիստոսի մեջ է, նա նոր արարած է, որովհետև հինն անցավ և այժմ ամեն ինչ նոր եղավ» (Բ

Կորնթ. Ե 17), «Աստված իր Միածին Որդուն աշխարհ ուղարկեց, որպեսզի նրանով կենդանի լինենք» (Ա Հովհ. Դ 9):

Սրբերից շատերը «առավել եռանդ և արդյունավորություն ցույց տված են եկեղեցիի ծառայության մեջ: Գերագույն նվիրումը և զոհողությունը հանձն առած են Աստուծո սիրուն և իրենց կրոնի ճշմարտության ի վկայություն: Ուստի եկեղեցին ալ ի նշան երախտագիտության, զանոնք արժանացուցած է տարեկան հիշատակության» (Էջ 19):

Այս առթիվ սրբազան հեղինակը առաջ է քաշում «մի կարևոր հարց»: «Տոնացուցական սուրբերը կճառայե՞ն մեր ժամանակներու մեջ այն նպատակին, որուն համար տոնացույցի անցած են» (Էջ 19):

Նշանակում է արդյոք, մեր օրերում անհրաժեշտ է զբաղվել սրբերի մասին ուսումնասիրություններ գրելով և նրանց կյանքն ու գործունեությունը ներկայացնելու մեր հավատացյալներին:

Սրբազան հեղինակի հետ չես կարող համաձայն չլինել, երբ նա որպես իր կոչման ու հոգևոր ծառայության հավատարիմ քարի հոգևորական, դառնությամբ և համարձակությամբ հաստատում է, խստովանում, որ «այսօր մեր եկեղեցիին մեջ սուրբերու հիշատակությունը հասած է այնպիսի վիճակի մը, որ ոչ անոնց պատիվ կրերե և ոչ ալ մեզի... Սուրբերուն անունները մնացած են լոկ մեր տարեկան օրացույցներուն մեջ... Անոնք դադրած են մեզի ներշնչումի աղբյուր դառնալի... կյանքի աչքաներից ազդակներու դեմ պայքարելու, քրիստոնեական իդեալներու տեք մնալու, անոնց վճռականությունեն քիչ քան կամ գրեթե ոչինչ կփոխանցվի ու կմնա մեզի: Տարվան մեջ քանի՞ տեղեր մեր ժողովուրդի զավակները լուր կունենան որ Համբարձման հիմնգաթին Սահակ-Մեսրոպի օրն է, որուն ներքև ա. Փրկիչ հիվանդանոցի օրացույցին մեջ ճանոթագրված Տօն Մեծ եկեղեցական, կատարի հանդես չամենայն եկեղեցիս», «իսկ Իսթանպուլի մեր եկեղեցիներու մեջ ո՞չ միայն «հանդես» չի կատարվիր, այլ երբեմն ա. պատարագ անգամ չմատուցվիր: Իսկ մեր վարժարաններեն ոչ մեկը բնականաբար կհանդգնի հիշեցնել իր աշակերտներուն, գեթ անցողակի կերպով թե այդ օրը մեր գիրերու հնարիչ, մեր սուրբ Գրքի թարգմանիչ և մեր դպրության հիմնադիր երկու սուրբերու հիշատակն է» (Էջ 19—20):

Պատկերը առավել կամ նվազ չափով նույնն է շատ տեղերում, «իսկ արտասահմանի մեջ,—հաստատում է սրբազանը,—քանի՞ տեղեր արդյոք կնշվի այդ օրը իբրև

«Տօն ազգային»: Բեյրութի պես հոժ համայնքի մը մեջ և անոր անքան ազատ պայմաններու մեջ գործող «ազգային» վարժարաններեն քանի՞ հատը արդյոք «տօն» կամ «հանդէս» կսարքէ այն օր...» (էջ 20):

Ահա նաև «ազգային» այս մտահոգություններն առաջնորդված տ. Շնորհք արքեպիսկոպոսը գովելի և ազնիվ նախաձեռնությունն է ունեցել հրատարակության պատրաստելու կրոնական երկրորդ մի մատենաշար, որի առաջին հատորն է «Աստուածաշնչական սուրբեր» գրախոսվող սույն աշխատությունը:

Հեղինակը իր սույն օգտակար և շահեկան գիրքը շարադրելիս «միակ աղբյուր է» ունեցել «նույն ինքն ս. Գիրքը, որմե համառոտելով միայն ներկայացուցած ենք զանոնք» (էջ 6):

Ինչպես հայտնի է, մեր եկեղեցական հին մատենագրության ամենահարուստ ժանրը վարքագրությունն է, այսինքն այն «վկայաբանությունները, որոնք քրիստոնեական հավատի համար չարչարվածների և սպանվածների նահատակության պատմություններ են, ինչպես և սրբախոսություններն ու վարքաբանությունները՝ «սրբերի» կենսագրությունները: Դրանք սահմանված են եղել բոլոր հավատացյալների ընթերցանության համար և կարդացվում էին նույնիսկ եկեղեցում: Այսպիսի երկերի հիմնական մասն է միայն պատմական: Սրբերի կյանքի իրական եղելություններից առնվում էր միայն այն, ինչ որ համապատասխանում էր վարքագրի նպատակին, մնացածը քերթողական ստեղծագործություն էր: Նպատակն էր տարածել և հետաքրքրություն առաջացնելով յուրացնել տալ եկեղեցու գաղափարները, եկեղեցու հավատքը: Հեղինակներն աշխատում էին ընթերցողների մեջ բարեպաշտություն գարթեցնել, կրոնական կրթություն տալ, ձգտում էին իրենց գրվածքների իդեալականացրած հերոսներով կենդանի օրինակներ առաջ բերել՝ ըստ քրիստոնեական աշխարհայեցողության առաքինի կյանքի, ճգնափորական անձնորացության և աշխարհորացության» (Մանուկ Աբեղյան, «Հայոց հին գրականության պատմություն», գիրք առաջին, Երևան, 1944, էջ 95—96):

Մեր եկեղեցական հին մատենագրության և պատմության մեջ հայտնի են Թադեոս և Բարթողիմեոս առաքյալների, Սահոյիստ Կույսի, Ոսկյանց և Սուքիասյանց (Լաբուրնա, Մովսես Խորենացի, Փավստոս Բյուզանդ), ս. Գրիգոր Լուսավորչի և Հովհաննիսյանց Կույսերի (Ագաթանգեղոս), ս. Մեսրոպ Մաշտոցի (Կորյուն), Վարդան

Մամիկոնյանի դստեր՝ Շուշանիկ Վարդենիի (Սուփերք հայկական, Թ) և ուրիշ հայ սրբերի վկայաբանություններ, «Վարք սրբոց», «Տօնական», «Հարանց վարք», «Ատոմագիրք», «Մաղղատիրք», «Յայսմատուրք» ժողովածուները, որոնք միաժամանակ իրենց կրոնական-դաստիարակչական բովանդակությունից և արժեքից բացի, «իսկապես գրական տիպի գեղարվեստական պատմներ են», «բանաստեղծական ոճով հորինված գեղեցիկ մանրագրույցներ» (Մ. Աբեղյան, նույնը, էջ 34, 108):

Սույն վարքագրությունները կազմվել են «ի յիշատակ սրբոց և յօգուտ վարուց ջերմեռանդ լսողացն» ըստ ճաղղատիրների վկայության:

«Գրել կամ հրատարակել «սրբոց վարք» մը, թերևս ոմանց համար ուշացած՝ ուրիշներու համար ալ ժամանակեն վրիպած ձեռնարկ մը նկատվի: Այդպիսիներ հավանական է որ հագիվ ունենան տեղեկություն թե ժամանակին Աստվածաշունչի ու քանի մը աղոթագիրքերու հետ միասին, ընթերցանության միակ գիրքերեն ու հոգևոր դաստիարակչական գլխավոր միջոցներեն էին «սրբոց վարք»-երը» (Թորգոմ պատրիարք Գուշակյան, «Սուրբք և տօնք», Երուսաղեմ, 1939, «Յառաջաբան», էջ Է):

Սույն մտահոգություններով առաջնորդված տ. Շնորհք արքեպիսկոպոսը ահա հրապարակ է հանել իր «Աստուածաշնչական սուրբեր» նոր ուսումնասիրությունը: Սրբազան հեղինակի նպատակը չի եղել գրել նոր «Յայսմատուրք» կամ «Սրբոց վարք» և «ոչ ալ հանգամանորեն անդրադառնալ սուրբերեն յուրաքանչյուրի կյանքին ու գործին», այլ մեր եկեղեցական տոնացույցի մեջ մտած սրբերը, դաստիարակչական, ուսուցողական նպատակով «հիշատակել իրենց մարդկային գիծերուն մեջ և մատնանշել աստվածային հատուկ միջամտությունը իրենց կյանքեն ներս. վասնզի առանց աստվածային միջամտության ոչ ոք կրնա սուրբ ըլլալ» (էջ 6): Ու սրբազան հեղինակը հաջողել է հասնել իր առաջ դրած նպատակին:

Կարելի է գոհունակությամբ արձանագրել մի անգամ ևս, թե տ. Շնորհք սրբազանի սույն ուսումնասիրությունը ևս, ինչպես նաև նախորդները, արդյունք են նրա հոգևոր երկարամյա և անբասիր ծառայության, հավատավոր ու բարի հոգեվորականի խոկմունքների, կրոնագրաց ապրումների և փորձառության: Շնորհք սրբազանը ամեն տարի հրատարակում է կրոնաշունչ ուսումնասիրությունների նվիրված մի մեծ հատոր, հակառակ իր վարչական գործերի ծանրության և իր պաշտոնի

և հանգամանքի այլ մտահոգությունների, հավատարիմ մնալով իր նախորդ գրասեր-գրագետ պատրիարքների ավանդություններին և օրինակին:

Ռսումնասիրությունը գրված է ջերմ սիրով, դեպի «սրբության» գաղափարը ունեցած նրա պայծառ հավատքով ու համոզմունքների կրակով: Ռսումնասիրության լեզուն պատկերավոր է, արտահայտիչ, գե-

ղեցիկ, կենդանի և կոտ: Վերլուծությունները, դատողություններն ու մեկնաբանությունները՝ խոր և բովանդակալից:

Հանձնարարելի է սույն ռսումնասիրությունը օգտագործել մեր վարժարաններում որպես դասագիրք Հին և Նոր Կտակարանների սրբազան պատմության: Այն կարդացվում է հոգեկան մեծ բավականությամբ և հարաճուն հետաքրքրությամբ:






ՌԱՖԱՅԵԼ ԻՍՐԱՅԵԼՅԱՆ

ԽԱՉՔԱՐԵՐ*

Այժմ տեսնենք, թե ինչպիսին է նոր կազմակերպված խաչքարը, որ միանգամայն իրավացիորեն կրում է այդ անունը:

չի երկու կողմից, աջ և ձախ, զարդարում են ներքևից վեր բարձրացող մեզ արդեն հայտնի տերևները: Նրանց տակ, քարի



Նկար 15


Հարե տախտակի մեջտեղում, նրա հիմնական մասում, քանդակվում է խաչը: Խա-

* Ծարունակվում է «Էջմիածին» ամսագրի 1977 թվականի № Է-ից:

տախտակի մեջտեղում, խաչի երկար թևի ներքևում, նույն կողմ ծաղիկն է՝ վարդը: Այդ վարդանման նկարը, որ արևի նշանն է, ապացուցում է մի շարք հուշարձանների վրա քանդակված վարդերը, որոնք

դեռ շատ վաղ շրջանում իրենց ուժը չէին կորցրել և քանդակվում էին խաչի հետ միասին:


Այսպես, մինչև 7-րդ դարի կառուցված տաճարների՝ Երեբունյի, Տեկոթի, Եղվարդի, Արամուսի պատերի վրա խաչերի հետ մենք հանդիպում ենք այդ վարդերին: Եղվարդի բազիլիկի հարավային դռան գլխին քանդակված է վարդը, իսկ ավելի փոքր երկրորդականի վրա՝ խաչը: Ահա թե ինչ-քան ուժեղ է եղել դեռ այն ժամանակ տարածված արևապաշտությունից եկած այդ հին սովորությունը:



Նկար 16

Իհարկե, վարդը բոլոր խաչքարերում պարտադիր կերպով չի քանդակվում, թեև խաչքարերի ճնշող մեծամասնության մեջ վարդի նկարը իր պատվավոր տեղն է գրավում: Վարդի նկարի բացակայությունը խաչքարերում պարզ բացատրելի է, չէ՞ որ դա միայն սովորության արդյունք էր, այլ ոչ օրենք: Եվ նա մեկ-մեկ փոխարինվում էր մի այլ հետաքրքիր տարրով՝ աստիճանավոր պատվանդանով, որն ինչ-որ ինձ անհայտ իմաստալից ծագում ունի: Գ. Չուրիանշվիլին այդ մասին ասում է, որ աստիճաններով տարրը խաչը բռնելու համար է, բայց դա համոզեցուցիչ չէ, և ես թողնում եմ այս հարցը բաց:

Արևի նշանը հետաքրքիր զարգացում ունի: Սկզբում լինելով վեց թևանի՝ համապատասխանում էր արևի նշանի միջոց ձևին: Հետագայում խաչքարի մեջ լուր բուրգաբնական իմաստը բոլորովին կորցնելով և կրկնվելով որպես ընդունված դեկորատիվ մաս, բանի գնում, բոլորովին կորցնելով էլ ավելի է աղլափոխվում, և եթե նա վաղ խաչքարերի մեջ ուներ ավելի քիչ թերթիկներ, ապա հետո նրանք քաղաքանում են, բարդանում և դառնում խճճված զարդանախշ, հիշեցնելով հին ձևը միմիայն իր կլորությամբ: Համեմատաբար վաղ ժամա-




Նկար 17


նակվա մի խաչքար ապացուցում է, որ նա սկզբում նկարվել է որպես ընդունված կարգ, նրա վարդը դեռ չի մտած խաչի անմիջական կազմված դաշտի մեջ, այլ դուրսըն է, ինչպես նկարվում էին եկեղեցիներում՝ խաչն ու վարդը իրար կողքի (նկ. 15): Նույն փոփոխությունները կատարվում են և տերևների հետ: Այդ ասկավաթիվ տերևները սկզբում դուրս են ելնում խաչի տակից պարզ քանդակված, իսկ հետագայում արդեն քաղաքական ձևերով մշակվում և հեռանում են հին ձևից, այլևս բոլորովին չունենալով տերևի տեսք:

Հետզհետե կատարելագործվում է դասական խաչքարը: Սկսում է կանոնավոր-

վել սալը, որ ընդունում է ավելի երկրաչափական ձևեր: Խաչքարի կողերը կոր ու ծուռ լինելուց արդեն ուղղվում են: Հարբստանում է և գարդը: Հարստանում է խաչի նկարը. փոխվում և բարդանում են շուրջը եղած զարդաքանդակները: Ավելի ուշ առաջ է գալիս խաչքարին հատուկ շրջանակը՝ կազմված քանդակազարդ բարդ գոտուց: Խաչքարն ի վերջո այնքան է ծածկվում, որ կարիք է զգացվում պաշտպանելու այդ նուրբ փորագրությունը: Ստեղծվում է քիվը (նկ. 16, 17):



Նկար 18



Նկար 19

Պատվանդանը նույնպես ենթարկվում է փոփոխության, մեծ և թանկարժեք խաչքարերում մշակվում որպես կամարակապ սյուներ, իհարկե դեկորատիվ ձևով (նկ. 18): Ծառ տարածված է մի այլ ձև ևս, որ հանդիպում ենք միացրած, խմբային խաչքարերի մեջ, երբ 2—3—4 խաչքար կանգնեցվում է մի պատվանդանի վրա (նկ. 19, 20): Այստեղ մշակումն ավելի ճշմարտացի է. հարթությունները երեսապատված են բազմանկյուն, հաճախ շախմատաձև ու լազմերանգ սալերի միջոցով:

Ահա խաչքարի հիմնական տիպի նկարագիրը:

Վել են մեծ հաղթանակով վերջացած մարտում: Հայաստանի պետական պատմական թանգարանում կա խաչքար Ջուղայից, որ կանգնեցված է եղել ի հիշատակ մարտից բարեհաջող դուրս եկած հոր և որդու, որոնց վրա հարձակվել են օտարազգի ավազակներ: Սրանց տիպին են պատկանում և այն խաչքարերը, որոնց հանդիպում ենք կա՛մ գերեզմաններից դուրս, կա՛մ առանձին կանգնած, կա՛մ էլ եկեղեցու պատի մեջ դրված «վասն փրկութեան հոգու»:


Ավելի բազմազան են խաչքարերը ըստ դասակարգման ու տեղի: Նախ կարելի է

բաժանել ըստ նյութի: Այս բաժանումը այն-
բանով է կարևոր, որ նյութը թելադրել է
որոշ չափով մշակման եղանակը, որը և
սուաջ է թերել քանդակի կատարելակերպ:

Խաչքարի համար նույն քարն էին օգ-
տագործում, ինչ առհասարակ կառուց-
վածքների համար: Դրանք հիմնականում
տուֆերն էին, որ ունեն կռպիտ կազմվածք,
և բազալտ, իսկ ավելի շատ՝ կրաքարն ու

դուրս չեն բերում սալի հարթությունից, այլ
մշակում են հարթ, այն պատճառով, որ
ներսում նրա կարիքը չի զգացվում (սուսը
վերաբերում է, իհարկե, այն խաչքարերին,
որոնք նախատեսված են ներսը կանգնեց-
նելու համար):

Առանձին գերեզմանոցներում կանգնեց-
րած խաչքարերի միջև տարբերությունը
նրանց անմիջական տեղի ընտրության և



Նկար 20

ավազաքարը, որ ավելի մանրամաստիկ է
և այդ պատճառով մշակվում են շատ ավե-
լի նուրբ, հակառակ տուֆին, որից քան-
դակված խաչքարի զարդաքանդակները
ընդհանրացած էին, ավելի խոշոր ու առ-
նական:

Խաչքարերը տեղադրվել են հիմնակա-
նում չորս ձևով գերեզմանոցներում, առան-
ձին կանգնած և ճարտարապետական կա-
ռուցվածքին կից ու վերջապես շենքի ներ-
սում: Խաչքարերի տարբերությունը գլխա-
վորապես կապված է ներսը և դուրսը
կանգնածների մեջ: Այդ տարբերությունը
արտահայտվում է ուղիղ և թեքվածով. ներսը փոր-
վածքը մեղմանում է. այս հանգամանքը էլ
ավելի զգալի է քիվի մեջ: Ներսում դրված
խաչքարերում կրկնելով քիվի ձևը, նրանց

չափի մեջ է:

Առաջին դեպքում ընտրվում էին ավելի
աչքի ընկնող վայրերը չափով զգալի մեծ,
քան գերեզմանոցում կանգնեցրած խաչքա-
րերը: Լինում են և խմբային: Մի քանի
հատ իրար կից շարված խաչքարերը դառ-
նում են ամբողջական, մոնումենտալ հու-
շարձան և ստանում են արդեն այլ ձև՝ հե-
ռանալով խաչքարի պարզ պատկերից (նկ.
21):

Ըստ տեսակների բաժանելիս պետք է
հիշել այն խաչքարերը, որոնք դրվում են
հատուկ կառուցվածքի մեջ և կորցնում ի-
րենց յուրահատուկ ձևը: Այս պատճառով
նրանց պետք է դիտել որպես այլ կարգի
հուշարձաններ, որոնք ավելի ուշ միջնա-
դարում զգալի տարածվում են, հաճախ


դատնալով ինքնուրույն հորինվածք (նկ. 22):

Գերեզմաններում խաչքարերը կանգնեցվում էին սովորական ձևով, քանդակագործ երեսով դեպի արևմուտք դարձած ու իրենցից չէին ներկայացնում որևէ կանխամտածված հորինվածք:

Այլ եմ խաչքարերը, երբ կանգնեցված են առանձին: Այստեղ նրանք գեղարվեստական ամբողջ ուժով եմ իրենց դրսևո-

ղարվեստական պատկեր: Այլ կերպ չի կարելի բացատրել այն հանգամանքը, որ գերեզմանը գտնվում է ոչ թե խաչքարի տակը, այլ զգալի հեռու, որտեղ հնարավոր է եղել փորել:

Այլ տեղ խաչքարը կանգնեցված է պատվանդանի վրա, որը ոչ սովորական քարերից շարվածք է, այլ մի բնական մեծ ժայռի կտոր, առանձին ցցված կանգնած (նկ. 24):



Նկար 21

րում: Վարպետն այս դեպքում ցույց է տալիս խաչքարը բնական միջավայրին ներդաշնակելու տարածական լուծման իր ձրգտումը (նկ. 23):


Մարտունու մոտ, Ադիաման գյուղի ճանապարհի վերևը, մի ժայռի գլխին, կանգնեցրած է խաչքար: Հեռվից արդեն երևում է այն, և այդ ժայռերը, որ մի կողմից ուղղահայաց բարձրանում են, ձուլում են իրենց հետ կանգնած խաչքարը, ստեղծելով մի ամբողջություն: Եվ այդ տեղի ընտրությունը տեսնելով համոզվում ես, որ վարպետը հակառակ ընդունված կարգի, հանում տարածական լուծման, ընտրել է այդ վայրը և դրանով իսկ ստեղծել է մեծ գե-

Այստեղ տեսնում եք վարպետի մեծ զգացմունքի հետ նկարչի վերաբերմունքը, որը ոչ միայն հմտորեն քանդակել է խաչքարը, այլ կարծես քանդակել է ամբողջ ժայռը, պսակելով այն խաչքարի ծավալով: Այստեղ հուշարձանը շնչում է ներքին ամբողջ ուժով և միանգամայն հասնում իր նպատակին՝ համոզելով դիտողին այդ միաձուլ կոթողի նշանակության մասին:

Ահա Կոշի ճանապարհին կանգնած մի ուրիշ խաչքար: Պայմաններն այստեղ այլ են, տեղը հարթ է և կոմպոզիցիան լուծվում է այլ կերպ: Սովորական խաչքարը յուր սովորական տարրերի հարաբերությունով այստեղ նպատակին չէր հասնի,

կիներ թույլ: Այդ պատճառով վարպետը փոխում է պատվանդանի և խաչքարի հարաբերությունը: Պատվանդանը կառուցում է զգալի բարձր, որի շնորհիվ խաչքարը (որ բացարձակ չափերով համարյա կրկնակի է ընդունված միջին չափի համեմատ) վեճ բարձրանում է, իշխելով այդ հարթավայրի վրա, և արդեն հեռվից երևում է նրա խիստ և ձիգ նկարված ուրվանկարը:

Մի այլ խաչքար: Կանգնած է Աշտարակում, ճանապարհի գլխին, ժայռի վրա:



Նկար 22

Այստեղ վարպետն այլ կերպ է լուծել խրեդիրը: Նա սարքել է աստիճաններ, որ տանում են դեպի խաչքար: Աստիճանները, որ պսակվում են խաչքարով, ուժեղ տպավորություն են թողնում դիտողի վրա, մնում հիշողության մեջ գլխավորապես ձևերի պարզության շնորհիվ (նկ. 25):

Հայ վարպետներն ստեղծում են հետաքրքիր և ուժեղ պատկերներ ոչ միայն բաց տեղում: Նրանք մեծ հաջողությամբ լուծում են խաչքարերի և շենքերի հետ կազմված համալիրները: Այսպիսի օրինակ են Սանահին նախագավթի կամարների մեջ դասավորված խաչքարերը, որ մինչ այսօր էլ հիացնում են ոչ միայն իրենց բարդ ու գեղեցիկ զարդաքանդակներով, այլ նախ և

սուաջ իրենց դրվածքով, վկայելով վարպետի շնորհքը, որ լայնածավալ վանքի տարածության մեջ ընտրել է հատկապես այս տեղ:

Շատ գեղեցիկ են կապվում եկեղեցիների մուտքերի սուաջ դրվածքով խաչքարերը: Հանդիպում ենք և սրանչեղի, բանաստեղծական բառյակ հիշեցնող հորինվածքների, ինչպես, օրինակ, Վայոց ձորում կառուցված մի խաչքար, որ վերածվել է աղբյուրի:



Նկար 23

Նկարագրածս խաչքարերը պատկանում են այն խմբին, որոնցում ամենամոժեղ կերպով արտահայտված են նրանց հիմնական հորինվածքների իմաստը, գեղարվեստական էությունը: Որպես հուշարձան, նրանում զուգակցվել է ճարտարապետական և քանդակային արվեստը, ստեղծելով օրգանական սինթեզ: Սխալ է այն կարծիքը, որի համաձայն խաչքարը գնահատվում է զարդաքանդակային հորինվածքի արժանիքներով: Էականը նրա կառուցվածքի ծավալային ձևն է: Իսկ զարդը պետք է դիտվի որպես նրա երկրորդ հատկանիշը: Վերջիվերջո այդ զարդերը կան և շենքերի վրա: Ծիշտ է, խաչքարերում նրանք հասնում են բացառիկ գեղեցկության ու նրբու-

թյան, բայց և այնպես առաջնությունը պատկանում է ընդհանուր կերպարին, այլ ոչ զարդաքանդակներին:

Ինքնըստինքյան պարզ է, որ մեծ քանակությամբ զարդաքանդակված խաչքարերը, փոխած պատմական Հայաստանի ողջ տարածքով, ունեցել են բազմազան ուղղություններ և տարբեր լուծումներ (թե՛ ընդհանուր հորինվածքի իմաստով և թե՛ իրենց ներքին կազմով ու ձևերի չափից դուրս հարուստ բազմազանությամբ):


Վերլուծել գեղարվեստական տեսակետից այդ ոճերը, պարզել և դասավորել: Ահա մի մեծ գործ, որով մենք դեռ չենք զբաղվել: Ահա մի ասպարեզ, որի պարզաբանումը և վերլուծումը կտա մեզ ժամանակակից ճարտարապետներին ուսանելի և հետաքրքիր տվյալներ:

Մի շարք ոճական հատկանիշների հիման վրա, խաչքարերը կարող ենք դասակարգել ըստ Հայաստանի շրջանների: Ծառ որոշակի կերպով կարելի է, օրինակ, տարբերել Սանահին-Հաղպատի խաչքարերի ոճը, Գոշի և ամբողջ այդ շրջանի, Կոտայքի (Զովեժ գյուղի խաչքարով հանդերձ), Ամաղուի Նորավանքի (որ իրենց ազդեցությանն են ենթարկել ամբողջ Վայոց ձորի շրջանը) խաչքարերի ոճից: Եվ վերջապես Զուղայի խաչքարերը, որ ճիշտ է, ժամանակով զգալի կտրվում են մյուս խաչքարերից, բայց և այնպես ինքնուրույն են, ու ժամանակվա ոճական կնիքն են կրում:

Սանահինյան խմբի ամենավաղ ներկայացուցիչն է Տուդեորդու խաչքարը՝ կանգնեցված մեծ և հարուստ պատվանդանի վրա: Այս խաչքարը բնորոշ է նախ, իհարկե, պատվանդանով (որ քիչ ավելի մեծ է, քան հարկավոր էր), ապա իր զարդաքանդակի ձևով, որը և ստեղծել է ոճը: Զարդաքանդակի ձևն այստեղ պղինձ է հիշեցնում, չունենալով քարին հատուկ քանդակման ֆակտուրա (նկ. 26): Խաչի հարթության վերնամասը կլոր է, և նրա վրա խաչը շեշտված է հակառակ ավելի թույլ նկարված Հաղպատի խաչերի: Ընդհանրապես ամբողջ քարը զարդաքանդակված է շատ մանր նկարով, հիմնականում երկրաչափական զարդանախշերով: Մինչև անգամ տերևներն այդ կատարելակերպն ունեն: Սրա գեղարվեստական արժանիքը ընդհանուր ուրվակարի, խաչի շեշտված ստեղծման մեջ է՝ կատարված նրբաքանդակված ֆոնի վրա: Այստեղ բոլոր մասնիկներն այլևս այն հին իմաստը չունեն, կիրառվում են զուտ որպես դեկորատիվ տարր, այդ պատճառով նրանց վարիափաները բազմաթիվ են:

Մեկ ուրիշը՝ Զովեժի խաչքարը: Կոփված

է տուֆ քարից, որի պատճառով և զարդանախշն իր նրբությամբ զգալի զիջում է Սանահինի խաչքարին: Վարպետը նրա ընդհանուր հորինվածքին տվել է ավելի սլացիկ ձև, որ շեշտված է քարի չափով և խաչի ձևով: Դրան օգնում է կողքերի տերևների քարակ և երկար մշակումը: Այս բոլորը մեկ անգամ ևս ընդգծվում է քարի կողքերին վերից վար իջնող զարդանախշով (որը վերնամասում չի ընդհատվում



Նկար 24

հորիզոնական գոտիով): Ծիշտ նույն լուծումն ունի ս. վանքի Հոփսիսմեի խաչքարը, այն տարբերությամբ, որ քիվը դրվագրծված է այլ նկարով և վարդի փոխարեն խաչի տակը քանդակված է աստիճանավոր պատվանդան: Հետաքրքրականը այն է, որ երկուսի քիվերն էլ կրում են շատ ավելի վաղ ժամանակվա նկարներ՝ նուրբ ու ականթի տերևներ: Անկախ դրանից, համաձայն այլ մանրամասների, խաչքարը 12-րդ դարի գործ պետք է համարել:

Կանգ առնենք ևս երկու խաչքարերի վրա, որոնք գլուխգործոցներ ենք համարում:


Եվ Սանահին, և՛ Հաղպատի խաչքարերը, և՛ մյուս այլ նրբատաշ կոթողները, որ ստեղծվել էին երկար ժամանակվա ընթաց-

քում, կարծես նախափորձեր էին, որոնք սկսեցին մի կողմից, որ հետագայում դարձավ նրանց թագն ու պարծանքը:

Խոսքս Դսեղի «Ժաշեղություն» կոչվող խաչքարի մասին է: Զարմանալի գուգադիպություն: Պետք էր որ այն հորինող մեծատաղանդ արվեստագետը յուր հրաշագործ ձեռքերով խաչքարը կանգնեցներ այնտեղ, որ մի քանի դար հետո ծնվում է

վաճքների մեջ, վարպետը նույնիսկ խաչը օգտագործել է արտահայտելու յուր ապրումները, յուր երազանքները: Մի՞թե սա չի հիշեցնում Գրիգոր Նարեկացու Տիրամոր գովքը, որ արտանկարված է, գուցե իր սինոս կնոջ նկարից ոճով ու մարմնակալ:

Նույն ժամանակները Գուգարքի լեռների մյուս լանջերին, որ Սևանին են հասնում, Գոշ գյուղում, հռչակավոր Մխիթար Գոշի



Նկար 25

հայ ժողովրդի մեծ երգիչ Հովհաննես Թումանյանը:

Ուշադրություն դարձրեք նրա ձիգ իրանին: Հետևեք նրա քանդակների ելևէջներին: Եթե հայտնի չլիներ մեզ նրա բացարձակ չափերը, ապա մենք համոզված պետք է լինեինք, որ դա արծաթի նրբագույն գործ է, և դուք հետևելով այս սքանչելի հորինվածքին լսում և զգում եք մի սիմֆոնիա, որ շղթում է ձեր լսողությունը: Եվ դուք գնալով դիտելով հասկանում եք, որ այնպես, ինչպես երգել ու հորինել է ժողովուրդը իր երազանք հեքիաթների խոսքերով, նույն հուզումները այս արվեստագետը կերտել է քարի վրա (նկ. 27):

Սա մի արտակարգ երևույթ է մեր արվեստում: Ընկղմելով ծաղիկների հյուս-


նիմնադրած Նոր Գետիկ վանքում կամ Գոշավանքում, կանգնեցվում են գույգ խաչքարեր: Սրանց հորինողը բազմաբանքար ու լուսահոգի Պողոսն է, հյուսվածքների մի ամբողջ աշխարհի կախարհ արարողը:

Նա կատուցում է փոքրիկ եկեղեցին, որի ամեն մի մասը կատարյալ հարստություն է, յուր սքանչելի գործվածքներով, իսկ ամբողջը՝ հնչում որպես ներդաշնակ երաժշտություն:


Երկու խաչքարերը դրված են եկեղեցու մուտքի աջ և ձախ կողմերում: Նրանց տխմաման մոտավորապես Զրվեծի խաչքարի նման է: Հարթությունը բաժանված է երեք մասերի. մեջտեղը լայն, կողքերը՝ նեղ շերտեր: Լայն մասում տեղավորված է խաչը, իսկ տակը՝ մեծ և ուժեղ նկարված

շրջան: Երկրորդ խաչքարը նույն կազմն ունի: Սալը վերջանում է լայն քիվով, որը նույնպես հարուստ զարդաքանդակված է: Կողքի նեղ շերտերի վրա, որ ծածկված է մեղեդու նման հնչող նուրբ նախշով, դրված են ավելի բարձր նախշեր, որ կարծես այդ մեղեդու շեշտերն են հիշեցնում:


Նույնն է կատարվում խաչի ֆոնի վրա, որն ավելի լայն ու փարթամ է: Այստեղ վարպետը այնպես է փորագրել այդ զարդերը, որ նրանց դարձրել է թափանցիկ, անջատելով փորվածքը հիմնական զանգվածից: Այս ձևը խաչքարին տալիս է լույսի ու ստվերի մի չտեսնված հարստություն, խաչքարի զարդը դարձնում օդային գործվածք: Սրանք մեր լավագույն ճարտարապետական կառուցվածքներից համագործակցություններ են, որ պետք է արվեստի պատմության մեջ գտնեն իրենց արժանի տեղը, դուրս գալով մեծ ու լայն արվեստի ասպարեզ (նկ. 28): Խաչքարերի ինքնատիպ արվեստը հետզհետե զարգացավ 12-րդ և 13-րդ դարերում հասնում է իր բարձրագույն աստիճանին և իր փայլուն արտահայտությունն է գտնում Պողոս վարպետի խաչքարում:



Նկար 27



Նկար 26



Նկար 28


Դրանից հետո գալիս են խմբային խաչ-
քարերը, որոնցում պակասում է խաչքարի
հատակ ու ուժեղ սիլոնալը: Այնուհետև
խաչքարը դրվում է կառուցվածքի մեջ, և
բոլորովին հեռանում իր նախկին ձևից:

Ոչ միջնադարում խաչքարերի արվես-
տը սկսում է անկում ապրել:

Ջողայում թեպետ խաչքարերը ընդհա-
նոր ամսամբ պահպանում են ձևը, բայց
իրենց համամասնությունը խիստ փոխում,
ձգվում վեր և դրանով էլ կորցնում խաչքա-
րին հատուկ հաստատուն տեսքը: Բացի
այդ դրանց մեջ մտնում են օտարամոտ

տարրեր, որոնք ավելի են հեռացնում խաչ-
քարի ձևը: Այս դեպքում խաչքարը դառ-
նում է արհեստավորի հմուտ գործ միայն,
որ այլևս չունի հին հյուրալի զարդանախ-
շը: Վարպետը կարծես աշխատում է տրա-
ֆարետով, ստեղծագործական նվազ ներ-
դրմամբ: Դրանից հետո ընդհանրապես
դադարում է զարգանալ հայ արվեստի այդ
հետաքրքիր բնագավառը: Այսպիսին է
խաչքարերի արվեստի կազմավորման,
զարգացման ու անկման ընդհանուր նկա-
րագիրը:





Հ. Ս. ԱՆԱՍՅԱՆ

«ԱՐՄԱՏ ՀԱՒԱՏՈՅ»-Ի ԱՂԲՅՈՒՐՆԵՐԻՑ*

ԻՐԵՆԵՈՍ ԼՈՒԳՆՈՆԱՑԻ

Մեր թվականության Բ դարի եկեղեցական մատենագիրներից է այս հեղինակը, որի կենսագրությանը վերաբերող տեղեկությունները սակավ են պատմական աղբյուրներում: Ծննդով նա Փոքր Ասիայից էր, ազգությամբ՝ հույն, աշակերտել էր Պոդիկարպոս Զմյուռնացուն. մի ժամանակ, Մարկոս Ավրելիոս կայսեր օրերին, երեց էր Լուգոնում (Ֆրանսիայի այժմյան Լիոն քաղաքը), իսկ 177/78 թվականին դարձել է նույն քաղաքի եպիսկոպոսը և այնտեղից էլ ժառանգել **Լուգոնացի** մականունը²: Մա-

հացել է Սեպտիմոս-Սևերոսի հալածանքների ժամանակ, 203 թվականին:

Ինչպես հունական և հռոմեական եկեղեցիների, այնպես էլ հայ եկեղեցու համար Իրենեոսը հեղինակություն է համարվել քրիստոնեության վաղագույն շրջանում գոյություն ունեցած վարդապետական տարակարծությունների հարցերում և կարևոր աղբյուր՝ հերձվածողական ու հերետիկոսական շարժումների պատմության համար: Նա գրել է բազմաթիվ երկեր, որոնցից պահպանվել են միայն երկուսը՝ «Ընդդեմ հերձուածոց» և «Ցույցք առաքելական բարոյութեանն»:

«Ընդդեմ հերձուածոց» երկը, որը բաղկացած է հինգ գրքերից, լրիվ կազմով հայտնի է միայն լատիներեն մի հին թարգմանությամբ³, որի ժամանակի մասին մաս-

* Այս շարքում, որ սկսում ենք հրատարակել սույն, նպատակ ունենք տալ ոչ թե «Արմատ հաւատոյ»-ի աղբյուրների տեսությունը, որը դուրս է մեր նպատակից, այլ քայլ առ քայլ քննել ու լուսարանել «Արմատ հաւատոյ»-ի և նրա աղբյուրների հարաբերակցության հարցերը, ցույց տալով նրանում ընդգրկված մատենագրական վկայությունների ծագումը՝ բնագրաբանական առումով, նյութերի ընդգրկման բնույթն ու եղանակները և այլն: Իրենեոսից հետո հաջորդաբար այսպիսի հետազոտություններ կնվիրենք նաև «Արմատ հաւատոյ»-ում հյուրընկալված մի շարք ուրիշ հեղինակների և անանուն աղբյուրների՝ առանց հետևելու նրանց ժամանակագրական հերթականությանը:

¹ Հմտ. B. Altaner, „Précis de patrologie“ (adapté par H. Chirac), Tournai, 1961, p. 209–213.

² Լիոն քաղաքի հին անունը սովորաբար հայտնի է **Լուգոն** անով՝ ըստ լատինականի և հունականի (կրճատել ենք վերջալորությունները), բայց հունարենում պատահում է նաև **Լուգոն** անով:

Ասորերենում այս անունը կարդացվում է **Լուգոն**, **Լուգոն**, **Լոգոն** աներով: Եվսեբիոս Կեսարացու եկեղեցական պատմության հայերեն հին թարգմանության մեջ այս անունը գրված է **Լաուդոնա** անով, իսկ նոր թարգմանության մեջ՝ **Լուգոն**, ըստ այնմ էլ՝ **Լաուդոնացի** և **Լուգոնացի**. հմտ. «Եւրեբիոսի Կեսարացոյ Պատմութիւն եկեղեցոյ յնդեալ յատույնց ի հայ ի հինգերորդ դարու», Վենետիկ, 1877, էջ 321, 322, 350, 351, 354:

«Արմատ հաւատոյ»-ի ձեռագիր օրինակներում Իրենեոսն աղավաղված աներով անվանվում է **Եպիսկոպոս Լոկոնոյ՝ Լոկոնաց՝ Լոկոնոյ՝ Լոկոնաց՝ Լոկոնոյ**:

³ „Sancti Irenaei Contra Haereses libri V... stu-

և միայն այն էր նշել, որ ժողովածուի կազմողն է «ոմն Վարդան»:

Այնուհետև Հ. Յորդանը փարիզյան վերոհիշյալ № 85 (=№ 153) և Էջմիածնի Մատենադարանի կար. № 1500 (այժմյան՝ Երևանի Մաշտոցյան Մատենադարանի № 2080) ձեռագրերի հիման վրա 1913 թվականին նորից էր հրատարակել Պ. Մարտենի հրատարակած այն հատվածները, որոնք, ինչպես ասացինք, «Արմատ հաւատոյ»-ի համառոտ խմբագրությանն են պատկանում¹¹։ այնուհետ Յորդանը բնագրական համեմատության կարգով նշել էր նաև տարբերությունները Տեր-Մկրտչյանի տված հրատարակության, առանց նկատելու, որ վերջինս «Արմատ հաւատոյ»-ի մի տարբեր խմբագրություն է ներկայացնում և այդ պատճառով զգալի շեղումներ է ցույց տալիս:

Հիշյալ հրատարակիչները չէին զբաղվել խնդրո առարկա հատվածների բնագրական հարցերով, այլ միայն դրանց վրա լասնագետների ուշադրությունն էին հրավիրել մատենագրական առումով, Իրենեոսի անունով հայ մատենագրության մեջ պահպանված նշխարները հավաքելու նպատակով: Նրանցից միայն Յորդանը, մի քայլ առաջ գնալով, փորձել էր իր կազմած համեմատական աղյուսակում հիման կարգով ցուցումներ տալ, թե ո՛ր պետք է որոնել իրենյան այդ հատվածների կամ նրանց մասերի ծագումը, ըստ որում՝ չորս հոլում տրվում էր դեպի «Ընդդէմ հերձ» երկը, մեկ հոլում՝ դեպի «Յույցք»-ը. իսկ երեք տեղեր մնում էին անպատասխան¹²: Ինչ խոսք, որ Յորդանի կատարած քայլը կարևոր էր, քայլ նրա աշխատանքը բնագրաբանական բնույթ չէր կրում: Նրա ցուցումներով կարելի էր աղբյուրներում զբոսնել երբեմն քառացի նույնություններ, երբեմն՝ ընդհանուր նմանություններ. քայց թե ինչպիսի եղանակներով էին կերպարանափոխությունների ենթարկվել այդ աղբյուրները «Արմատ հաւատոյ»-ի մեջ մուծվելու համար, դա չէր երևում Յորդանի կատարած աշխատանքում:

Այժմ մենք ուզում ենք ձեռնամուխ լինել «Արմատ հաւատոյ»-ի իրենյան հատվածների բնագրաբանական հարցերին, քայլ առ

քայլ տեսնել, թե այդ հատվածների մասերն ու մասնիկներն ի՛նչ ճանապարհով և ինչպե՛ս են կազմավորվել ու ստացել այժմյան պատկերը: Այսպիսի աշխատանքը կարևոր է ոչ միայն «Արմատ հաւատոյ»-ի բնական հրատարակության համար՝ իր աղբյուրագիտական նշանակությամբ, այլև նրա համար, որ հնարավորություն կտա տեսնելու, թե բոլոր դեպքերում չէ, որ «Արմատ հաւատոյ»-ում Իրենեոսի անունով ներկայացող հատվածները քառացիորեն նրա գրչին են պատկանում: Մենք կտեսնենք, որ դրանք երբեմն Իրենեոսի խոսքերի ո՛չ թե քառացի մեջբերումն են, այլ մեկնաբանումը, և ավելի հաճախ՝ խմբագրումն ու վերաշարադրումը: Այս հանգամանքը պիտի հաշվի առնեն Իրենեոսի մատենագրության հարցերով զբաղվող մասնագետները:

«Արմատ հաւատոյ» ժողովածուի կազմող Վարդան Այգեկցին Իրենեոսից վկայություններ քաղելու գործում օգտվել է տարբեր տեղերից և, հավանաբար, տարբեր ժամանակներում: Այդ են վկայում հատվածներին տրված հեղինակային վերագրերը, մի մասը՝ «Երանոսի հետևողի առաքելոցն», մյուս մասը՝ «Երանոսի Լուգդոնայ Եպիսկոպոսի»: Այսպես է թե՛ ընդարձակ, թե՛ համառոտ խմբագրություններում:

Մենք առիթ ենք ունեցել ցույց տալու, որ «Արմատ հաւատոյ»-ի ընդարձակ և համառոտ խմբագրություններն իրարից անկախաբար ծագում են հեղինակային նախօրինակից, քայց համառոտն ավելի նախնական վիճակ է ներկայացնում, քան ընդարձակը, թեև վերջինս իր կառուցվածքին կերպարանքով ավելի մոտ է նախօրինակին¹³: Նշանակում էր՝ եթե համառոտում ավելի նախնական վիճակով են պահպանվել մատենագրական վկայակոչումները, ապա ընդարձակում պահպանվել է նախօրինակի հիմնական կերպարանքը, ենթարկվելով վերջնական վերակառուցման, որն ըստ երևույթին տեղի է ունեցել ԺԳ դարի առաջին տարիներին, մինչև 1205 թվականը: Ծառ բնական է, որ վերակառուցողական աշխատանքը որոշ չափով կազդեր մատենագրական վկայությունների վիճակի վրա՝ ինչ-ինչ նյութերի տեղափոխություններով և տեղափոխությունների առթած հետևանքներով: Այդ իրողությունը

¹¹ Hermann Jordan, „Armenische Irenaeusfragmente mit deutscher Übersetzung nach Dr. W. Lüdtkke zum teil erstmalig herausgegeben und untersucht“ (Texte und Untersuchungen, XXXVI 3), Leipzig, J. C. Hinrichs, 1913, S. 22—24 (հայերեն բնագրեր), 163—166 (գերմաներեն թարգմանություններ).

¹² Ibidem, S. 162.

¹³ Հ. Ա. Անայան, «Հայ պատմա-դավանաբանական գրականության թանկարժեք հուշարձանը. Գիրք հաստատության և արմատ հաւատոյ», Էջմիածին (ամս.), 1972, № 8, էջ 30—32. № 9, էջ 45—46:

բացահայտվում է համեմատության դեկլովերկոյ խմբագրությունների համապատասխան նյութերը: Արդ՝ վերակառուցման աշխատանքներն անդրադարձել են նաև իրենց հատվածների կառուցվածքի վրա: Նախկին վեց հատվածներից մասեր հանվելով իրար են միացվել և որպես ինքնուրույն միավոր տեղափոխվել են ընդարձակ խմբագրության Ը գլխի մեջ, որը նվիրված է անապահանության հարցերին. իսկ այս փոփոխության հետևանքով նախկին միավորներ և կամ որոշ մասեր—հատվածներ կամ կիսահատվածներ—տեղափոխումների ենթարկվելով մի տեղից դեպի մյուսը, կազմել են նոր միավորներ և տեղափոխվել Դ գլխի մեջ, ուր ամփոփված են երկու բնությունների միասնության հարցին վերաբերող վկայություններ: Այսպիսով՝ միավորների քանակը թեև նույնն է մնացել, բայց որոշ միավորների կազմը փոփոխությունների է ենթարկվել: Այս տեղաշարժերը ճշգրտորեն նշելու համար մենք կիսահատվածների ենք վերածել ընդարձակ խմբագրության 1-ին, 2-րդ և 6-րդ հատվածները, իսկ համառոտի՝ 1-ին, 2-րդ և 3-րդ հատվածները: Մյուս հատվածները, որոնք չեն կիսվել, նույնպես ենթարկվել են տեղափոխումների: Ըստ այսմ՝ կունենանք հետևյալ համեմատական պատկերը (հավասարության նշանից ստաջ՝ ընդարձակ խմբագրության միավորները, հետո՝ համառոտ խմբագրության). $1a=1a$, $1b=3a$, $2a=2a$, $2b=2b$, $3=4$, $4=5$, $5=6$, $6a=1b$, $6b=3b$: Բացի այդ՝ որոշ հատվածներ կիսահատվածների վերածելն անհրաժեշտ էր լինում նաև բնագրական քննությունների համար, երբ պարզվում էր, որ հատվածի ծագումը երկու տարբեր տեղերից է:

Ստորև մեր քննությունը գնում է ընդարձակ խմբագրության հետևողությամբ (Երևանի Մաշտոցյան Մատենադարանի ձեռ. № 3295): Համառոտ խմբագրությունը վկայվում ենք միայն անհրաժեշտության դեպքերում (նույն Մատենադարանի ձեռ. № 2080):

1. Երանոսի հետեւողի առաքելոցն.

(a) Որք հերձնուն և պառառեն գմինն՝ գրորովամու պատուհասն ընկալցին. (b) քանզի ընդունայն և սնոսիք են որք երկու բնութիւնս ասեն բաժանեալ և ոչսնան գԱստուծոյ գփրկութիւնն, զոր ի մարդանայն իրում շնորհեաց մեզ: Էջ 342ա: a կիսահատվածը բացակայում է Իրենոսի ծանոթ երկերում, բայց «Կնիք հաւատոյ»-ում կա՝ այսպիսի բնութեցումով. «Որք հերձուն և բաժանեն գմի Քրիստոս՝

զՅորոքովամու պատուհասն կրեցին»¹⁴: Դժվար է ասել՝ «Արմատ հաւատոյ»-ի կազմողը «Կնիք հաւատոյ»-ի՞ց է վերցրել այս հատվածը՝ խմբագրման ենթարկելով, թե այն աղբյուրից, որից օգտվել է և «Կնիք հաւատոյ»-ն: Վերջինում այս նախադասությունը մաս է կազմում հետևյալ ընդարձակ հատվածի. «Նորին Երանոսի՝ ի բանէն, որ ընդդէմ Կողարբոսի և նորին համախոհաց, որք ըստ անկատարելութեանն և ախտից յինքնդարձութեան, և տրտմել երկնել Քրիստոսի»¹⁵: «Կնիք հաւատոյ»-ում գտնվող իրենցան այս հատվածի ծագումն անհայտ են համարում Յորդանը¹⁶ և Լըբոնը¹⁷:

Ի կիսահատվածում «Արմատ հաւատոյ»-ի խմբագիրը քանզի շաղկապով նախորդ կիսահատվածին կցորդում է Իրենոսի մի ծանոթ նախադասությունը՝ խմբագրման ենթարկելով: «Ընդ. հերձ.» երկում կարդում ենք. «Ընդունայնք և սնոսիք են ասենեին, որք զամենայն զսնարեւութիւնն անարգեն գԱստուծոյ և զմարմնոյս փրկութիւնն ուրանան»¹⁸: Սակայն, ինչպես երևում է, «Ընդ. հերձ.» երկի այն ձեռագրում, որ ձեռքի տակ ունեցել է Այգեկցին, «ընդունայնք և սնոսիք են» բառերից հետո նախադասությունը սխալ կետադրությամբ բաժանված է եղել երկու մասերի՝ «որ զամենայն զսնարեւութիւնն անարգեն» և «գԱստուծոյ և զմարմնոյս փրկութիւնն ուրանան». այնինչ պետք է տրոհված լինէր այսպես. «որ զամենայն զսնարեւութիւնն անարգեն գԱստուծոյ» և «և զմարմնոյս փրկութիւնն ուրանան»¹⁹: Բնագրի այսպիսի դրության առջև Այգեկցին, նախ պարզաբանելով «որ զամենայն զսնարեւութիւնն անարգեն» բառերը, որոնք Բանի մարդեղության էությունն աղավաղողներին են վերաբերում, և դրանք իր կողմից բաղկե-

¹⁴ «Կնիք հաւատոյ ընդհանուր տարբերակները յոդարմատ և տարբերակներ հարցն մերոց դատարանաց, յատուր Կոմիտաս կաթողիկոսի համահաւաքեալ: Հրատարակութիւն Կարապետ Եպիսկոպոսի [Տէր-Մկրտչեան], Էջմիածին, 1914, էջ 207 տ. 18—20:

¹⁵ Անդ, էջ 207—209:

¹⁶ H. Jordan, S. 162 u. 203.

¹⁷ J. Lebon, «Les citations patristiques grecques du Sceau de la Foi», *Revue d'Histoire Ecclésiastique*, XXV, 1929, p. 23.

¹⁸ «Ընդ. հերձ.», էջ 155 տ. 11—13:

¹⁹ Այսպես է ցույց տալիս և «Ընդ. հերձ.»-ի բառիկների թարգմանությունը. «qui universam dispositionem Dei contemnunt, et carnis salutem negant», *mk'n* J. P. Migne, «Patr. curs. compl.», ser. gr., t. VII, p. 1124.

դոնականներին հասցեագրելով, տալիս է այսպիսի ձևակերպում. որք երկու բնությունն առնելով, իսկ դրանից հետո՝ բնագրի «վստուծոյ եւ գմարմնոյս փրկութիւնն ուրանան» բառերը, որոնք բնականաբար աղավաղված երևոյթ ունեն և տրամաբանական միտք չեն արտահայտում, նա մեկնաբանության է ենթարկում՝ այսպէս. եւ ուրանան զվստուծոյ փրկութիւնն, գոր ի մարդանայն իրում շնորհեաց մեզ, այսինքն՝ «եւ ուրանում են այն փրկությունը, որ Աստված շնորհեց մեզ՝ իր մարդկության միջոցով»։ Թե՛ն այս հնարքը որպէս մեկնություն հիմքյան հաշոյ է, բայց, այնուամենայնիւ, չի արդարանում, բանի որ կառուցված է սխալ վերծանված բնագրի վրա։ «Արմատ հաւատոյ»-ի համառոտ խմբագրությունն այս կիսահատվածին համապատասխանող մասում չունի Այգեկցու ավելացրած որք երկու բնությունն առնելով բառերը։

2. Նորին՝ լեւ տակաւոց.

(a) Որ եկն եւ մի բնութիւն Աստուծոյ եւ մարդուն գործեաց, մեր ոչ կարացեալ կցորդ լինել անապականութեան. (b) որ աներեւոյթն է ի մեզ՝ եղև տեսանելի, զի ըստ ամենայն մասին կցորդութիւնն անցոք զանապականութիւնն։ Էջ 342բ։

ա կիսահատվածի սկզբի որ եկն բառեր, որոնք Իրենեոսի համապատասխան բնագրում չկան, մեր կարծիքով ծագել են վերջինիս «եթէ ոչ էր նորա եկեալ առ մեզ» բառերից²⁰։ «Արմատ հաւատոյ»-ից առաջ՝ այս իրողությանը հանդիպում ենք Գազիկ Արծրունու առ Ռոմանոս կայսր թղթում²¹, ավելի առաջ՝ Ստեփանոս Սյունեցու «Վասն անապականութեան մարմնոյն» երկում²² և դրանից էլ առաջ՝ «Կնիք հաւատոյ»-ում²³։ վերջինում՝ որ եկն բառերի փոխարեն գտնում ենք «ուրեմն» բառը, բայց կարելի է անտարակուսելի համարել, որ «Կնիք հաւատոյ»-ի նախնական օրինակում ևս եղել են «որ եկն» բառերը, որոնք աչքի վրիպումով ընդօրինակողի գոչի տակ դարձել են «ուրեմն»։ Նույնպիսի առնչություններ է ներկայացնում նաև նախադասության շարունակությունը՝ եւ մի բնութիւն Աստուծոյ եւ մարդուն գործեաց, որը սեղմումն ու մեկնաբանությունն է «գմարդն միատրեցոյց ընդ Աստուած եւ հասարակութիւն միաբանութեան Աստուծոյ

եւ մարդոյ գործեաց» խոսքերի²⁴։ «Արմատ հաւատոյ»-ի ձևակերպումը նույնն է հիշյալ երեք աղբյուրների հետ, այն միակ տարբերությամբ, որ Սյունեցին «մի բնութիւն» բառի փոխարեն դրել է «միատրութիւն»։ Այս ձևակերպման աղբյուրը, մեր կարծիքով, «Կնիք հաւատոյ»-ն է հանդիսանում. Այգեկցին Իրենեոսի բնագրի հետ զուգակցաբար օգտագործել է «Կնիք հաւատոյ»-ն։ Բայց նախադասության լրացուցիչ մասում Այգեկցին հեռանում է «Կնիք հաւատոյ»-ից և նրա հետևողներից, ինչպէս և իրենցան բնագրից, իր սեփական շարադրանքով՝ մեր ոչ կարացեալ կցորդ լինել անապականութեան, որը խմբագրումն է Իրենեոսի հետևյալ խոսքերի. «մեր ոչ կարացեալց ալարիմակաբար ինչ կցորդութիւն ընդունել զանապականութեանն»²⁵։ Ամբողջ նախադասության համար հմտ. նաև «Կնիք հաւատոյ»-ում հանդես եկող իրենցան մի ուրիշ հատվածի հետևյալ տողերը. «եթէ ոչ էր միատրեալ մարդն ընդ Աստուծոյ, ո՛չ էր կարացեալ կցորդութիւն ընդունել անապականութեանն»²⁶։

Եւ կիսահատվածը խմբագրված է Իրենեոսի այս խոսքերից. «Քանզի անտեսանելի եւ աներեւոյթ եղով անապականութիւնն, ոչինչ մեզ ազուտ առնէր. արդ տեսանելի եղել, զի ըստ ամենայն մասին կցորդութիւնն ընդունելութեան անցոք զանապականութեանն»²⁷։

3. Ի հաւատոյ բանէն Երանոսի Լոկիւսանայ (sic) եպիսկոպոսի.

Անջատեալ են բարք մոցա յԱստուծոյ եւ ոչ գիտելով զի տրա Բանն Միածինն որ միշտ ընդ մարդկութեան միատրեալ եւ ընդ սուս զանկեալ ընդ իրում ստեղծուածիս։ Էջ 342բ։

«Արմատ հաւատոյ»-ի համառոտ խմբագրությունում այս հատվածը սկսվում է Անջատելի են բանք մոցա յԱստուծոյ եւ ոչ գիտելով գտրա բանն. Միածինն որ բառերով (ձեռ. № 2080, էջ 24բ)։ Յորդանը նկատում է, որ հատվածի ծագումն անհայտ է²⁸, բայց ենթադրում է, որ այն պետք է լինի Իրենեոսի կորած «Προς Διόσκορον διὰ λόγον Βιαινης περί πίστεως λόγος» երկից²⁹։ Սակայն մենք կարծում ենք, որ անջատեալ են բարք մոցա յԱստուծոյ խոսքերը խմբագրված են «Ընդ. հերձ.» երկից, ուր գտնում

²⁰ «Յոյցք», էջ 24 տ. 12—13։

²¹ Տես «Գիրք թղթոց», Թիֆլիս, 1901, էջ 298 տ. 36։

²² Արարատ, 1902, էջ 374 տ. 3։

²³ «Կնիք հաւատոյ», էջ 243 տ. 7։

²⁴ «Յոյցք», էջ 24 տ. 9—11։

²⁵ Անդ, էջ 24 տ. 11—12։

²⁶ «Կնիք հաւատոյ», էջ 244 տ. 7—9։

²⁷ «Յոյցք», էջ 24 տ. 13—17։

²⁸ H. Jordan, S. 162.

²⁹ Ibidem, S. 165.

ենք այսպես. «որք զհերձուածն գործեն, իբրու զի թափուրք են յԱստուծոյ սիրոյն»³⁰. իսկ այստեղ անմիջապես շարունակվող «եւ զիրեանց զշահ ազտին միայն գիտեն, այլ ոչ զմիութիւն եկեղեցոյ»³¹ տողերից մեկնողաբար խմբագրված է «Արմատ հաւատոյ»-ի հատվածի լրացուցիչ մասը, որ է՝ **եւ ոչ զիտեղով...ստեղծուածիս**: Հմմտ. նաև «զմիութիւն Բանին Աստուծոյ առ ստեղծուածն իր»³²:

4. Նորին.

Զհերձուածն գործեն որ զսեմափառաւորեալ մարմինն Քրիստոսի բաժանեն եւ հատակոտորեն: Էջ 342բ:

Համատու խմբագրությունն ունի՝ **Ի հերձուածն գործ որ զսեմ եւ զփառաւորեալ... հատակոտորեն** (ձեռ. № 2080, էջ 24բ):

Քաղված է «Ընդ. հերձ.» երկի այն հատվածից, որ մասամբ նշեցինք վերևում (§3): Այստեղ բերենք ամբողջությամբ. «Եւ դասի եւ որք զհերձուածն գործեն, իբրու զի թափուրք են յԱստուծոյ սիրոյն եւ զիրեանց զշահ ազտին միայն գիտեն, այլ ոչ զմիութիւն եկեղեցոյ. եւ վասն փոքր եւ դուզնաբեայ պատճառաց զսեմ եւ զփառաւոր զմարմինն Քրիստոսի բաժանեն եւ հատկոտորեն»³³:

5. Նորին.

Եսայի ասէ. Մերձեցայ առ կին իմ մարգարէ եւ ծնաւ որդի՝ Սքանչելի, Խորհրդակից, Աստուած հզար, իշխան՝, քարոզելով զմիութիւն Բանին առ ի ստեղծուածն իր յայտնէին, քանզի Բանն մարմին եղեւ եւ Որդին Աստուծոյ՝ որդի մարդոյ: Էջ 342բ:

Հմմտ. «Ընդ. հերձ.» երկը. «Իսկ դարձեալ որք ասենն՝ Եւ մարդ է, եւ ո՞ր ծանցեղ գնա՞, եւ՝ Մերձեցայ առ կինն մարգարէ եւ ծնաւ որդի եւ կոչի անուն նորա Սքանչելի, Խորհրդական, Աստուած հզար՝, եւ զայն, որ ի կուսէն՝ Էմանուիլն քարոզելով՝ զմիութիւն Բանին Աստուծոյ առ ստեղծուածն իր յայտնէին, զի Բանն մարմին եղիցի եւ Որդին Աստուծոյ որդի մարդոյ»³⁴:

Այստեղից է քաղվածաբար խմբագրված մեր հատվածը: Սակայն «Արմատ հաւատոյ»-ի կազմողն, իր աղբյուրը խմբագրելիս, այլափոխել է այն:

Իրենետար, վկայակոչելով երկու մարգարեների՝ Երեմիային (ԺԷ 9. «Եւ մարդ է...») և Եսայուն (Ը 3, Թ 6 և Է 14. «Եւ

մերձեցայ...»), ասում է, որ նրանք, նախագուշակելով Քրիստոսի գալուստը և նրան «քարոզելով» (նշակելով) որպես «Էմանուիլ» (Աստված մեզ հետ), «զմիութիւն Բանին Աստուծոյ առ ստեղծուածն իր յայտնէին»:

«Արմատ հաւատոյ»-ում Իրենետի այս բնագրի քերականական ներքին կապակցությունները խախտվել են և առաջացել են նոր կապակցություններ: «Արմատ հաւատոյ»-ի խմբագիրը նախ դուրս է թողել վկայությունների հեղինակներից առաջինին (Երեմիա) և պահել է միայն երկրորդին (Եսայի). ուրեմն՝ նա ունի ոչ թե երկու եկթական, այլ միայն մեկ: Երկրորդ՝ նա «քարոզելով» դերբայը գրկել է նրա ուղիղ խնդրից՝ «զայն, որ ի կուսէն» բառերից և, որպես ուղիղ խնդիր, նրան տվել է զմիութիւն Բանին առ ի ստեղծուածն իր բառերը, այնինչ վերջիններս որպես ուղիղ խնդիր պատկանում էին «յայտնէին» բառին: Այսպիսով՝ «Արմատ հաւատոյ»-ի կազմողի գրչի տակ Իրենետի այս հատվածի հիմնական մասը քերականորեն այլալվել է: Այս այլափոխման հետևանքով, բնականաբար, պիտի դուրս բնկած լինե՞ր Իրենետի բնագրում երկու եկթականների ստորոգյալ հանդիսացող «յայտնէին» բառը, քանի որ վերականգնված նախադասության մեջ այլևս տեղ չէր մնում նրան: Եվ սակայն՝ նա թյուրիմացաբար մնացել է այնտեղ: Մենք «Արմատ հաւատոյ»-ի բնագրից պետք է հանենք՝ այնտեղ քերականորեն ոչ մի կապակցության չպատկանող և բացահայտ թյուրիմացություն հանդիսացող յայտնէին բառը:

6. Նորին ասացեալ.

(a) Անարգեն զՈրդին Աստուծոյ եւ ըզմարմնոյ փրկութիւն ուրանան եւ զվերստին ծնունդ նորա անպատուեն որք ոչ ասեն զնա լինել ընդունակ անապականութեան. (b) քանզի եկն Որդին Աստուծոյ եւ զզեցաւ մարմին անապական՝ յանապական կուսէն Մարիամայ: Էջ 357ա:

a կիսահատվածի համար հմմտ. «Ընդ. հերձ.» երկը. «Զամենայն զոմարեւութիւնն անարգեն զԱստուծոյ եւ զմարմնոյս փրկութիւն ուրանան եւ զվերստին ծնունդ նորա անպատուեն, ոչ գոյ ընդունական զսա ասելով անապականութեան»³⁵: Այս նույնը գրչական անհշան տարբերակներով կա նաև «Կնիք հաւատոյ»-ում³⁶, Կյուրեղ Աղեքսանդրացոյ «Պարապմանց» գրքում³⁷, Ստե-

³⁰ «Ընդ. հերձ.», էջ 111 տ. 2—3:

³¹ Անդ, էջ 111 տ. 3—4:

³² Անդ, էջ 114 տ. 14:

³³ Անդ, էջ 111 տ. 1—5:

³⁴ Անդ, էջ 114 տ. 10—16:

³⁵ Անդ, էջ 155 տ. 11—14:

³⁶ «Կնիք հաւատոյ», էջ 244 տ. 17—19:

³⁷ «Գիրք պարապմանց», Կ. Պոլիս, 1717, էջ 458:

փանոս Սյունեցու «Վասն անապականութեան մարմնոյն» երկում³⁸ և Խաչիկ Արշարունու առ Սեբաստիայի մետրապոլիտ պատասխան-թղթում³⁹:

Սակայն «Արմատ հաւատոյ»-ում բերված բնագիրը, որը խմբագրված վիճակ է ներկայացնում, հեռանում է հիշյալ աղբյուրներից, նրանց թվում և Իրենեոսի բնագրից, և բառացիորեն կապվում Սահակ կաթողիկոսի (Զորափորեցի?) «Բացալատութիւն» գրվածքի հետ⁴⁰: Այնտեղ է, որ Իրենեոսի «զամենայն զոմարէնութիւնն անարգեն զԱստուծոյ» բառերը փոխարինված են «անարգեն զՈրդին Աստուծոյ» բառերով, իսկ «ոչ գոլ ընդունական զսա ասելով» բառերը՝ «որք ոչ ասեն զնա լինել ընդունակ» բառերով: Սահակ կաթողիկոսի մոտ և «Արմատ հաւատոյ»-ում երևացող այս երկու փոփոխություններից առաջինը հիշեց-

նում է նաև Իրենեոսի «Ցոյցք»-ի մի տեղը՝ «զգալուստ զՈրդոյն Աստուծոյ եւ զոմարէնութիւն զմարմնութեանն նորա անարգեն»⁴¹: «Արմատ հաւատոյ»-ի այս կիսահատվածը եթե Սահակ կաթողիկոսից չի ծագում, ապա նրանք երկուսով ծագում են մի ընդհանուր աղբյուրից, որը մեզ ծանոթ չէ:

Ե կիսահատվածի աղբյուրը հայտնի չէ⁴²: Նրա սկզբի քանզի շաղկապը «Արմատ հաւատոյ»-ի խմբագրի ձեռքից է. իսկ բուն բնագիրը (եկն... Մարիամայ), գրչական աննշան տարբերություններով գտնվում է նաև «Կնիք հաւատոյ»-ում⁴³ և ուրիշ աղբյուրներում՝ Կյուրեղ Աղեքսանդրացի⁴⁴, Սահակ կաթողիկոս⁴⁵ և Ստեփանոս Սյունեցի⁴⁶:

³⁸ Արարատ, 1902, էջ 374 տ. 9—12:

³⁹ Տես «Ստեփանոսի Տաթևեցույ Ասողկան Պատմութիւն տիեզերական», Պետերբուրգ, 1885, էջ 222:

⁴⁰ Տես «Գիրք թղթոց», էջ 451 տ. 17—19:

⁴¹ «Ցոյցք», էջ 68 տ. 15—16:


⁴² Հմմտ. H. Jordan, S. 128—131.


⁴³ «Կնիք հաւատոյ», էջ 244 տ. 25—26:

⁴⁴ «Գիրք պարապմանց», էջ 458:

⁴⁵ Տես «Գիրք թղթոց», էջ 451 տ. 15—16:

⁴⁶ Արարատ, 1902, էջ 374 տ. 13—14:





ՎԻԿՏՈՐ ՄՆԱՑԱԿԱՆԻ ՊԵՏՐՈՍՅԱՆՑ

ԹԵՂԵՆՅԱՑ ՎԱՆՔԸ ԵՎ ՆՐԱ ԱՌԱՋՆՈՐԴՆԵՐԸ

Թեղենյաց վանքը գտնվում է Ապարանի շրջանի Բուժական գյուղի արևելյան կողմում, գյուղից երկու կիլոմետր հեռու, թեղիների բացատում: Առաջին մենակյաց վանականները այստեղ հաստատվել են 6-րդ դարի վերջերին: 7—8-րդ դարերում վանականների թիվը ավելացել է, շինությունները ընդարձակվել են: Դարերի ընթացքում այստեղ կառուցվել է ճարտարապետական մի ամբողջ համալիր՝ եկեղեցի, գավիթ (1167 թ.)¹, գրատուն, կից կառույցներ, կացարաններ:

Թեղենյաց համալիրը ճարտարապետական մտահղացման, ինքնատիպ, բնությանը միաձուլված հուշարձան է: Եկեղեցական կրթական այս օջախը կիսավեր վիճակում է: Կանգուն է միայն գավթի կենտրոնական մասը, որի երկու կողմերի պատերն ու զբոսայգիներն են: Կից կառույցները գրեթե լրիվ ավերված են:

Թեղենյաց վանքի առաջին հիշատակությունը վերաբերում է յոթերորդ դարի վերջերին: Հայտնավորքի Արեգ ամսի 1-ն մար-

տի 1-ը-ի օրվա ճառում գրված է, որ Վահան Գողթնեցին Թեղենյաց վանքից «եկն դարձեալ ի վանսն Յովհաննու: Եւ Յոհաննէս առաջնորդ սուրբ ուխտին ընկալաւ զնա»²: Մ. Ավգերյանը Վահան Գողթնեցու վկայարանության մեջ այդ մասին գրում է. «Եւ անտի զնաց ի Թեղենիսն, և արարեալ նաև վանս աւուրս ինչ, եկն յայլ վանս Սուլի (Հովհաննավանք—Վ. Պ.) անուն, ուր առաջնորդ ուխտին Յովհաննէս մեծաւ սիրով ընկալաւ զնա»³:

Զաքարիա Սարկավագը գրել է, որ Վահան Գողթնեցին մեռել է 703 թվականին⁴: Ամենայն հավանականությամբ Գողթնեցին Թեղենյաց վանքում հաստատվել է մահվանից առաջ՝ յոթերորդ դարի վերջերին:

Այդ և հաջորդ դարերում Թեղենյաց վանքի առաջնորդների մասին մատենագրության մեջ ոչ մի հիշատակություն չի պահպանվել: Առաջին առաջնորդը, որի մասին

² «Ճառ արքոց վկայիցն ճշմարտին Աստուծոյ... որ կոչի Յայսմաւոր», Կ. Պոլիս, 1706, էջ 622:

³ «Լիակատար վարք և վկայարանութիւն սրբոց», Վննեսիկ, 1810, էջ 35:


⁴ «Զաքարեայ Սարկավագի Պատմութիւն», հատոր Գ, էջ 29:

¹ Գարեգին արքեպ. Հովսեփյանց, Խաղրակյանք կամ Պողոյանք հայոց պատմության մեջ, մասն Ա, Վաղարշապատ, 1928, էջ 158:

խոսում է Աստղիկ պատմիչը՝ Երեմիան է։ Հիշելով Կիրակոս գիտնականին, Աստղիկը գրում է. «Եւ Կիրակոս գծնակերպ գիտնականն, որ վարուք առաւել քան թէ բանիւք վարդապետէր, որ բնակէր յոլովակի յանապատի, որ Թեղենիսն կոչի, ի Նիգ գաւառի, առ իօր Երեմիայի ճգնաւորին Քրիստոսի և ընկերակցի իմոյ»⁵։ Երեմիան և Կիրակոս գծնակերպ գիտնականը (իմչպես հուշում է գծնակերպ պատվանունը, մաթեմատիկոս

որ բարոք կարգաւորեաց զվանքն՝ զամենայն ինչ հասարակաց լինել և առանձին ոչ ինչ ստանալ...»⁶։

Վանքի հյուսիս-արևելյան կողմում, գերեզմանոցում կանգնած է մի գեղեցիկ, շքեղ որմնափակ խաչքար։ Խաչքարի վերին մասը կոտրված է։ Պատվանդանին փորված արձանագրությունը հողմնահարված-եղծված է։ Երկրորդ տողում դժվարությամբ կարդացվում է.



Թեղենյաց վանք. ընդհանուր տեսքը հյուսիս-արևմուտքից

կամ երկրաչափ է եղել) ապրել և ստեղծագործել են 10-րդ դարի վերջին և 11-րդ դարի սկզբներին։ Աստղիկի հիշատակությունից բացի նրանց մասին ուրիշ ոչինչ հայտնի չէ։

1208 թվականին, ի թիվս այլոց, Լոռի քաղաքում Ջաքարե ամիրսպասալարի հրավիրած կրոնական ժողովին մասնակցել է Թեղենյաց վանքի առաջնորդ Տուրքիկ վարդապետը։ Կիրակոս Գանձակեցին գրել է. «Եւ էին ի ժամանակին յայնմիկ վարդապետը երևելիք՝ Մխիթար, որ Գոշն կոչիւր, շինող վանացն Գետկայ ... Տուրքիկն ի Թեղենեաց,

.... եւ Ք(րիստո)սասիրի Մխիթար վարդապետ....

քառերը։ Արձանագրության վերջում նշված է թվականը։ Հարյուրավորին (Ո) հաջորդող տառը կոտրված է, սակայն տառահետքից պարզ երևում է, որ այդտեղ Ղ է եղել։ Այս վերականգնումից երևում է, որ Մխիթար վարդապետը մահացել է 1241 թվականին։ Հավանաբար նա հաջորդել է Տուրքիկ վարդապետին։


1302 թվականին Թեղենյաց վանքում Մրկըրտիչ գրիչը ավարտել է Գլաձորում սկսված «Մեկնութիւն սաղմոսաց Ներսիսի

⁵ «Ստեփանոս Տաթևեցույ Աստղիկան Պատմութիւն տիեզերական», ս. Պետերբուրգ, 1885, գլ. Թ, էջ 186։

⁶ Կ. Գանձակեցի, Պատմություն հայոց, Երևան, 1961, էջ 171—172։

Լամբրոնացու» ձեռագիրը և հիշատակարանում գրում է, որ այդ ժամանակ վանքի ստաջնորդը Դավիթն էր: «... ևս առաել հոգևոր հայ(ր)ս Դավիթ, որ էր առաջնորդ սուրբ ուխտիս...»⁷:

Դավիթից հետո հիշատակվում է ևս մեկ առաջնորդ: Տերտեր Երևանցի 1290/1300—1350/1360) բանաստեղծ-գրիչը սովորել է Թեղենյաց վանքի դպրոցում, Հակոբ վարդապետի օրոք: Այս Հակոբը ժամանակակից է Դավիթ վարդապետին և հավանաբար հաջորդել է նրան:



Թեղենյաց վանք. գավթի պուրները

Պատմությունը վանքի մյուս առաջնորդների մասին տեղեկություններ չի պահպանել:

10—14-րդ դարերում Թեղենյաց վանքը կրթական-լուսավորական, գրչության կենտրոն էր: Այստեղ 1198 թվականին Վարդան

և Թադևոս գրիչները օրհնակել են Հովհաննու մեկնությունը⁸, 1295 թվականին Դավիթ կրոնավորը Նահապետ կրոնավորի օգնությամբ գրում-ավարտում է Շմավոն և Քահանա եղբայրների սկսած ու կիսատ թողած Ավետարանը: Տասնչորսերորդ դարի սկզբներին Մկրտիչ գրիչը վանքի մասին գրել է. «չաստուածաբանակ և գերահոգակ»⁹:

Ցավոք, վանքում ստեղծված գրքերից միայն այս երեքն են հասել մեր օրերը: Դրանցից մեկը այժմ գտնվում է Երևանի Մատենադարանում, իսկ մյուս երկուսը՝ ար-



Թեղենյաց վանք. Մխիթար վարդապետի խաչքարը ՈՂ (1241) թ.

տասահմանյան տարբեր թանգարաններում:

Թեղենյաց դպրոցը ժամանակի առաջադիմական դպրոցներից մեկն է եղել: Վերը հիշատակված Տերտեր Երևանցին դպրոցի միակ շրջանավարտը չէ: Այդ դպրոցն են ավարտել նաև վանքում ստեղծագործած

⁷ «ԺՂ դարի հայերեն ձեռագրերի հիշատակարաններ», կազմեց Լ. Ս. Խաչիկյան, Երևան, 1950, էջ 6:

⁸ Հ. Ղ. Այվազյան, Այրարատ, Վենետիկ, 1890, էջ 257:


⁹ «ԺՂ դարի հիշատակարաններ», էջ 6:

գրիչները, դպիրները, սպասավորները: Թեղենյաց դպրոցի ավանդույթների օգտին է խոսում և այն փաստը, որ տասներեքերորդ դարի կեսերին դպրոցի ուսուցչապետը որոշ ժամանակով եղել է Վարդան Արևելցին: Թեղենյաց վանքում ապրել և ստեղծագործել է նաև հայ մշակույթի նշանավոր գործիչ Վանական Վարդապետը:

Թեղենյաց վանքի առաջնորդների ցուցա-

կը թերի է: Գրեթե ոչինչ հայտնի չէ նրանց օրոք կատարված շինարարական աշխատանքների, ստեղծած գործերի, վանքի դպրոցում ծավալված կրթական գործի մասին: Սակայն մեր օրերը հասած հատուկ ենտ հիշատակություններն անգամ հուշում են, որ Թեղենյաց վանքը եղել է ժամանակի կրթական-լուսավորական-մշակութային օջախներից մեկը:





ԷԿՈՒՄԵՆԻԿ

ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ (ԵՀԽ)
ԿԵՆՏՐՈՆԱԿԱՆ ԿՈՄԻՏԵԻ 30-ՐԴ ՆՍՏԱՐԱՐՁԱՆԸ

1977 թվականի հուլիսի 29-ից օգոստոսի 6-ը ժամում տեղի ունեցավ ԵՀԽ-ի Կենտրոնական կոմիտեի 30-րդ նստաշրջանը, որի թեման էր «Դավանող համայնքը»:

Կոնֆերանսի մասնակիցներին ողջույնի խոսքով դիմեցին ԵՀԽ-ի Կենտրոնական կոմիտեի ատենապետ արքեպիսկոպոս Էդվարդ Սրբոյը և գլխավոր քարտուղար Ֆիլիպ Փոթըրը:

Նստաշրջանի գլխավոր թեմայի շուրջ տեղի ունեցավ քննարկում, որը գլխավորեց ԵՀԽ-ի «Համաշխարհային առաքելություն և ավետարանչություն» հանձնախմբի դիրեկտոր դոկտ. Էմիլիո Կաստրոն: Գլխավոր թեման քննարկվեց 10 հատուկ աշխատանքային խմբերում և լիազումար նիստում: Վերջում Կենտրոնական կոմիտեն մշակեց և ընդունեց «Դավանող համայնք» վերնագրով մի կոչ՝ ողջված ԵՀԽ-ի անդամ եկեղեցիներին:

Սույն նստաշրջանում քննարկվեց նաև ԵՀԽ-ի կազմում նոր անդամ եկեղեցիներ ընդունելու հարցը: ԵՀԽ-ի անդամ ընտրվեցին.

ա. Ինդոնեզիայի քրիստոնեական-բողոքական եկեղեցին.

բ. Սուդանի եպիսկոպոսական եկեղեցին.

գ. Մեյանեզիի եկեղեցին.

դ. Մալայզիայի մեթոդական եկեղեցին: Իտալիայի քրիստոնեական ավետարանական-մկրտչական եկեղեցին և Սինգապուրի մեթոդական եկեղեցին ընտրվեցին գործակից անդամներ:

Այսպիսով, ԵՀԽ-ի կազմում այսօր գործում են 293 անդամ եկեղեցիներ:

Հաստատվեց Բոսնի Էկումենիկ ինստիտուտի կանոնադրությունը, վերակազմավորվեց ԵՀԽ-ի գլխավոր քարտուղարությունը, որը պետք է կազմված լինի գլխավոր քարտուղարից՝ իր երեք տեղակալներից, որոնցից յուրաքանչյուրը պետք է լինի ԵՀԽ-ի ծրագրային միավորներից մեկի ատենապետը և գլխավոր քարտուղարի օգնականը: Քննարկվեցին նաև ֆինանսական հարցեր և ընդունվեցին համապատասխան որոշումներ:

ԵՀԽ-ի արդեն գործող օրգաններին ավելացան ևս հետևյալները.

ա. Առանձին մի կոմիտե, որը կոչված է քննարկելու և վերանայելու ԵՀԽ-ի ծրագիրն ու գործունեությունը:

բ. Խորհրդակցական մի մարմին, որը զբաղվելու է «Արդար, դեմոկրատական և ինքնաապահովագրող հասարակություն» թեմայով:

«Հավատք և վկայություն» 1-ին Ծրագրային միավորի հանձնարարությամբ Կենտրոնական կոմիտեն քննարկեց և հաստատեց 1979 թվականին համաշխարհային մի կոնֆերանս կազմակերպելու հարցը՝ «Հավատի, գիտության ու տեխնիկայի ներդրումը արդար, դեմոկրատական և ինքնապահովագրող հասարակության համար պայքարում» նշանաբանով:

«Հավատք և եկեղեցական կառուցվածք» հանձնաժողովի զեկուցման համաձայն, որոշվեց շարունակել «Մեր մեջ եղած հույսի մասին» թեմայի ուսումնասիրությունը:

«Արդարություն և ծառայություն» 2-րդ Ծրագրային միավորի կոմիտեի հանձնարարությամբ Կենտրոնական կոմիտեն մասնավորապես քննարկեց և հաստատեց միլիտարիզմի, սպառազինության մրցավազքի դեմ պայքարի ծրագիրը: Այս կապակցությամբ սույն թվականի նոյեմբերին Ցյուրիխում տեղի է ունենալու հատուկ մի խորհրդակցություն:

2-րդ Ծրագրային միավորի կոմիտեն Կենտրոնական կոմիտեի հաստատմանը ներկայացրեց Հարավային Աֆրիկայի վերաբերյալ մի բանաձևի և խոշտանգումների ու նոր միջազգային տնտեսական կարգի մասին կազմված երկու դիմումների նախագծերը: Հարավային Աֆրիկայի վերաբերյալ բանաձևում քննադատվում է Ցան Սմիթի ապօրինի ռեժիմի կողմից Զինքաբվեի ժողովրդի ճնշումը և կոչ է արվում նեցուկ կանգնել այդ ժողովրդի ազատության համար մղվող պայքարին: Կենտրոնական կոմիտեն հաստատեց իր համերաշխությունը Նամիբիայի եկեղեցիների և ժողովրդի հետ, կոչ ուղղեց անդամ եկեղեցիներին պահանջել իրենց կառավարություններից, այդ թվում նաև Հարավ Աֆրիկյան Հանրապետությունից, որ նրանք գործեն համաձայն ՄԱԿ-ի Անվտանգության կոմիտեի 385 բանաձևի: Եկեղեցիները, հասարակական և կառավարական շրջանակները, ՄԱԿ-ը համատեղ ջանքերով պետք է պայքարեն ընդդեմ ֆիզիկական և այլ կարգի վայրագությունների ու անմարդկային արարքների:


Նոր միջազգային տնտեսական դասին կազմված դիմումը պաշտպանում է 1974 թվականի ՄԱԿ-ի Գլխավոր ասամբլեայի 6-րդ հատուկ նստաշրջանի որոշումը: Դիմումի մեջ նշված է, որ անցած երեք տարիների ընթացքում պետությունները քիչ բան են արել միջազգային նոր տնտեսական իրականացման ուղղությամբ: Դիմումի մեջ կոչ է ուղղվում նաև եկեղեցիներին և ոչ կառավարական կազմակերպություններին ու հասարակական միավորումներին ամեն կերպ օգնել իրականացնելու ապագա մարդկության բարօրության համար, ՄԱԿ-ի այդ խիստ անհրաժեշտ որոշումը:

ԵՀԽ-ի Կենտրոնական կոմիտեի նստաշրջանի օրերին տեղի ունեցան բազմապիսի հանդիպումներ, այդ թվում Կենտրոնական կոմիտեի ատենապետ արքեպիսկոպոս Էդվարդ Սքոթի ու գլխավոր քարտուղար Ֆիլիպ Փոթլրի հանդիպումը ԵՀԽ-ի Կենտրոնական կոմիտեի անդամ օրթոդոքս եկեղեցիների ներկայացուցիչների և ԵՀԽ-ի Ժնևի կենտրոնի օրթոդոքս աշխատակիցների հետ:

Այդ հանդիպումների ժամանակ քննարկվեցին ԵՀԽ-ի գործունեության մեջ օրթոդոքսների ներդրումը ուժեղացնելու հարցերը: Հանդիպում տեղի ունեցավ նաև Էդվարդ Սքոթի, Ֆիլիպ Փոթլրի, ԵՀԽ-ի կենտրոնի պատասխանատու աշխատակիցների ու Կենտրոնական կոմիտեի սույն նստաշրջանին մասնակցող սոցիալիստական երկրների եկեղեցիների ներկայացուցիչների միջև, հանդիպում, որը հանդիսացավ սույն թվականի մարտի 29—31-ը Բուդապեշտում նույն մակարդակի հանդիպման շարունակությունը:

ԵՀԽ-ի Կենտրոնական կոմիտեի 30-րդ նստաշրջանին, հանուն հայ եկեղեցու, որպես Կենտրոնական կոմիտեի անդամներ, մասնակցեցին տ. Ծախե արքեպիսկոպոս Աճեմյանը՝ Երուսաղեմի հայոց պատրիարքարանի դիվանապետ, և տ. Արսեն եպիսկոպոս Բերբերյանը՝ Մայր Աթոռի դիվանապետ:





Յ Ո Ւ Ց Ա Կ

ՄԱՅՐ ԱԹՈՒ Ա. ԷԶՄԻԱԾՆԻ ՆՈՐ ՍՏԱՅՎԱԾ ԶԵՌԱԳՐԵՐԻ*

№ 446
ՀՐՈՎԱՐՏԱԿ

Թերթերը՝ 2:— Պրակները՝ 1:— Մեծությունը՝ 34,1×22 սմ.:— Նյութը՝ կապույտ հասարակ բուրդ:— Կազմ՝ չումի:— Պահպանակներ՝ չումի:— Վիճակը՝ լավ:— Գրությունը՝ միասյուն:— Դատարկ թղթերը՝ 1ր—2ր:— Տողերը՝ 32:— Գծումները՝ առանց ճնշումի:— Գիրը՝ նոտրգիր:— Զարդագրություն՝ չումի:— Գրիչը՝ անհայտ:— Պատվիրատուն՝ անհայտ:— Ժամանակը՝ 1824 թ.:— Վայրը՝ շատ հավանաբար Ա. Էջմիածնի վանք:— Ծանոթություն՝ սույն հրովարտակն ստացվել է Կաթողիկոսարանի արխիվից 1974 թ. մարտի 16-ին:

ԲՈՎԱԴԱԿՈՒԹՅՈՒՆ

Փոխանորդ Արքայի Ապագա Միրզայի հրովարտակի օրինակն է, գոր գրել է վերայ Ներսէս Սըրբազանին (այս երկու տողը հետագայում ջնջված է.—Ն. Մ.):

Գերազան և գերատիճան, հաւատարիմ և բարեացակամ Ծառայ Բրիտտոսի Ներսէս Արքեպիսկոպոս և առաջնորդ ազգի հայոց: Խնամօք մեծութեան իմոյ գոր ունիմ առ քեզ, ուրախ լիք առաւելապէս, և զիտասջիր, զի գՔոյդ խնդրագրութեան թողթն գոր առաքեալ է իր ձեռամբ Գերազան և

* Ծարունակված «Էջմիածին» ամսագրի 1964 թվականի № ՆՆ Ը—Թ-ից, ԺԲ-ից, 1965 թվականի № ՆՆ Ը—Ժ-ից, 1968 թվականի № Է-ից, 1970 թվականի № ՆՆ Դ—Ե-ից, Ժ-ից, ԺԲ-ից, 1971 թվականի № ՆՆ Ե—Ը-ից, ԺԱ—ԺԲ-ից, 1972 թվականի № ՆՆ Ա—Բ-ից, Դ-ից, 1973 թվականի № ՆՆ Ա—Գ-ից, Ը-ից, 1974 թվականի № ՆՆ Գ-ից, Է—Ը-ից, 1975 թվականի № ՆՆ Ա-ից, Գ-ից, ԺԱ—ԺԲ-ից, 1976 թվականի № ՆՆ Բ—Ե-ից, Է—Թ-ից, ԺԲ-ից և 1977 թվականի № ՆՆ Գ—Է-ից:

գերապատուելի Հաւատարիմ Ծառայ Զաթնայի իսան բէկլարբէկտն (հետագայում է գրված: Նախապէս գրված է եղել և ապա ջնջված հետևյալը՝ «բէկիին» —Ն. Մ.) մատոյց առաջի արեգակնափայլ տէրութեան իմոյ, և ամենայն խնդրուածք քո գորս գրեալ է իր մի ըստ միոյժ յայտնի եղեն առաջի մեծք տէրութեան իմոյ: Այլև նոյն յիշեալ մեծագանն գնանբա բարութեան և բարոք կառավարութեան քոյ գոր ունիս այդրէն՝ գրաբեճն և կենցաղակցութիւնս քո ընդ մեծամեծս և իշխանս, և ընդ վարդապետս, ըստ իւրաքանչիւր արժանաւորութեանց և պատուոյ գովելի իմն եղանակաւ՝ պատմեաց առաջի տէրութեան իմոյ: Ընդ որս յայտ արար և զհանապազորոյ խնդրուածս և մարութ ալօթս քո, գոր ունիք միշտ վստմ ամենեցուն: Որովք և մեք գմայեցար արդարեւ Քանգի թէպէտ յատրն՝ յորում յեզր Երասխայ ներկայ եղև քոյին մեծագանութիւնն առաջի տէրութեան իմոյ, և քոյդ մտերմութիւնն և ճշմարտութիւնն յայտնի իսկ եղեն ինձ, գորս ըստ առաւելութեան (հետագայում է ավելացված, սկզբում գրված են եղել հետևյալ բառերը, որոնք ջնջված են հետո «որպէս առ անկի».—Ն. Մ.) շնորհացն իմ առ քեզ՝ գովարանեցի մի ըստ միոյժ առաջի ամացն, բացց ալծմ ի պատմութեան յիշեալ հաւատարմի իմոյ առաւելապատիկ քան զառաջիցն յսլով գրոյդ հարազատութիւն, սիրելի զքեզ գերազանց գովութեամբ: Եւ ըստ որում քո դիտաւորութիւնն և կամքն և հաւատարմութիւնդ քարի է յաղագս բարեաց տէրութեան մեր, և գովելի եղանակաւ կենցաղակցիս ընդ ամենեւին, մեր եւ օր աւոր ունիմք առաւելոյ ի վերայ քո գրադրք հաղեցողութիւն աչաց, և զշնորհ ողորմութեանց մերոց: Այլ խնդիր քո ի կողմանէ մեծ քանանապետ Եփրեմ կաթողիկոսին որպէս քոյդ կամք էր՝ յայտնի եղև ինձ, առաւել եւս այնու, զի մեծագան և գերբնութեալ մեծ իշխան քրիստոնէից Ենարալ Ալէքսէ Պետրովիչ Երմոլովն ի մասին ձեր, և վստմ այնուցիկ ամացն յանձնեալ էր մեծագան բէկլարբէկոյն

քանիք: Առ որ ահա և ես գիրովարտակ միամտութեան գրեալ առ մա առաքելի ընդ յիշեալ մեծագահին ըստ որոյ (հետագայում է ավելացված, հախապես գրված է եղել «և զի», ապա ջնջված—Ն. Մ.) և քոյր գերաստիճանութիւն տացէ մմա գմիամբտութիւն և առաքեսցէ ի տեղի իւր: Յետ որոյ և ես զամենայն զքանս նորին և զգործս տեղւոյն քարի կերպիւ ունիմ հաստատել, և զուրբ Էջմիածնայ բոլոր կառավարութիւն հաստատուն հրամանաւ հիմնաւորել յաղագս քարեաց և ապահովութեանց ամենից: Այլ վասն սուրբ Էջմիածնի պատկանեալ բոլոր գործոցն որպէս հրամայեալ եմ մեծագահ Ֆաթալի խանի, ունի պատմել ձեզ զամենայն, և դաշինս հաստատեալ ընդ ձեզ, ըստ որոյ ուրեմն դուք հաստատուլ ամենայն միամտութեամբ քանից և աստութեանց նորին, վերադարձուցիք զկաթողիկոսըն, և զիմ խնամքն առ ձեզ կատարեալ ծանիցիք: 19 ջօմատի էլ ավել ամսոյ 1240 (1824 թ.—Ն. Մ.) թուին:

ՀԻՇԱՏԱԿԱԳՐՈՒԹՅՈՒՆ

(Հետագայում ջնջված է վերնագրի երկու տողը և գրված է հետևյալը)

Թարգմանութիւն հրովարտակի ժառանգի տերութեան պարսից Ապպաս Միրզայ Ծահգատային առ Ներսէս արքեպիսկոպոսն հայոց ի Վրաստան:

№ 447

ՊԱՏԱՌԻԿՆԵՐ

Ա. Զարդանկարչութիւն

Թերթերը՝ 4 կտոր:— Մեծությունը՝ երկուսը՝ 25,7×20,3 սմ., իսկ մյուս երկուսն էլ՝ 24,7×19,3 սմ.:— Նյութը՝ թուղթ:— Կազմը՝ կպցված է դեղնավուն հաստ չորս ստվարաթղթի վրա:— Վիճակը՝ անքավարար:— Գիրը՝ բոլորգիր:— Զարդագրություն՝ սրանք պարունակում են բազմաթիվ գեղեցիկ զարդագրեր, թռչնագրեր և լուսանցագրեր, ինչպէս նաև մի քանի այլ նկարների նմուշներ (զըմբեթ, թռչուն և այլն): Բոլորը նկարված են կարմիր ներկով, բացի երկուսը, որոնք սպագիր են և սև գույնի (զազանագիր և զազանագիր-ձկնագիր):— Գրիչը՝ անհայտ:— Պատվիրատուն՝ անհայտ:— Ծաղկողը՝ անհայտ:— Ժամանակը՝ 16—17-րդ դարեր:— Վայրը՝ անհայտ:— Ծանոթություն՝ Վեհափառ Հայրապետը նվեր է ստացել մի ազգայինից և դրանք հանձնել Մայր Աթոռի Զեռագրատանը:

ԲՈՎԱՆԴԱԿՈՒԹՅՈՒՆԸ

20-րդ դարի չարագործ մի մարդ միջնադարյան արժեքավոր հայերեն մի ձեռագրից բարբարոսաբար կտրատել է շուրջ 200 զարդանկարչական և զարդագրական նմուշներ և կպցրել չորս ստվարաթղթի վրա, ըստ երևոյթին դրանց կրկնօրինակները հանելու համար: Թվում է, թե սրանք օգտա-

գործվել են որպէս նմուշ զարդանկարչության և զարդագրության հետագա աշխատանքի համար:

ա. Առաջին կտորն ունի 43 տառեր և զարդանկարներ: Տառերի մեծ մասը «Ե»-ն է, կա նաև Ա, Գ, Ի, Ս և Յ տառերի նմուշներ: Բոլորն էլ մեծատառով են գրված:

բ. Երկրորդ կտորն ունի 45 տառեր և լուսանցագրեր: «Ե» տառից կան մի տասնյակ միայն, իսկ Ա և Ի տառերից՝ մի քանի հատ միայն: Բոլորը մեծատառեր են:

գ. Երրորդ կտորն ունի 49 տառեր և լուսանցագրեր: Տառերից կան հետևյալ նմուշները՝ Գ, Դ, Ե, Ժ, Ի, Ս, Յ և Տ: Նկարների մեջ կա թռչուն, ծաղիկ և գմբեթ:

դ. Չորրորդ կտորն ունի 58 տառեր և լուսանցագրեր: Մեծատառերի մեծագույն մասը «Ե»-ն է. Կա նաև մեկական Դ և Ի տառերից: Լուսանցագրերի քանակը 10—11 է:

Բ. Զարդանկարչութիւն

Թերթերը՝ 1 կտոր:— Մեծությունը՝ 24,4×18,6 սմ.:— Նյութը՝ թուղթ:— Կազմը՝ կպցված է դեղնավուն հաստ ստվարաթղթի վրա:— Վիճակը՝ անքավարար:— Գիրը՝ բոլորգիր:— Զարդագրություն՝ պարունակում է գեղեցիկ զարդագրեր, լուսանցագրեր և գլխագրեր:— Գրիչը՝ անհայտ:— Պատվիրատուն՝ անհայտ:— Ծաղկողը՝ անհայտ:— Ժամանակը՝ 17—18-րդ դարեր:— Վայրը՝ անհայտ:— Ծանոթություն՝ Վեհափառ Հայրապետը նվեր է ստացել մի ազգայինից և այն հանձնել Մայր Աթոռի Զեռագրատանը:

ԲՈՎԱՆԴԱԿՈՒԹՅՈՒՆ

Նախորդի նման չարագործ մի ձեռք միջնադարյան արժեքավոր հայերեն մի ձեռագրից բարբարոսաբար կտրատել է հայկական զարդանկարչության 54 գեղեցիկ փոքրիկ նմուշներ և կպցրել մի ստվարաթղթի վրա, շատ հալանքաբար կրկնօրինակները հանելու կամ հետագայում նկարչական իր աշխատանքում օգտագործելու համար:

Այստեղ կան գեղեցիկ երեք գլխագրեր, բազմաթիվ լուսանցագրեր, երեք գմբեթներ, բազմաթիվ խաչեր և զարդագրեր, մի քանի թռչնագրեր:

Գ. Զարդանկարչութիւն

Թերթերը՝ 1 կտոր:— Մեծությունը՝ 37,5×30,2 սմ.:— Նյութը՝ թուղթ:— Կազմը՝ կպցված է ոչ ուղորկ խումացած մի ստվարաթղթի վրա:— Վիճակը՝ անքավարար:— Գիրը՝ բոլորգիր:— Զարդագրություն՝ պարունակում է միջնադարյան հայկական զարդանկարչության գեղեցիկ նմուշներ:— Գրիչը՝ անհայտ:— Պատվիրատուն՝ անհայտ:— Ծաղկողը՝ անհայտ:— Ժամանակը՝ 16—17-րդ դարեր:— Վայրը՝ անհայտ:— Ծանոթություն՝ Վեհափառ Հայրապետը նվեր է ստացել մի ազգայինից և այն հանձնել Մայր Աթոռի Զեռագրատանը:

ԲՈՎԱՆԳԱՎՈՒԹՅՈՒՆ

Նախորդների նման չարագործ մի մարդ միջնադարյան արժեքավոր հայերեն մի ձեռագրից բարբառաբար կտրատել է հայկական զարդանկարչության 111 գեղեցիկ նմուշներ և կպցրել մի ըստ վարաթղթի վրա, ըստ երևույթին կրկնօրինակները հանելու կամ հետագայում իր աշխատանքում օգտագործելու համար:

Այստեղ կան բազմաթիվ սիրուն լուսանցազարդեր, զարդագրեր, թռչնագրեր, ծառեր ու ծաղիկներ: Կան նաև մի քանի գմբեթներ, մարդագրեր և զարդեր:

Պատտիկի կոնակում կպցված են Կ. Պոլսի հայկական թերթի կտրոններ, որոնք ցույց են տալիս, որ այս պատտիկը Ս. Էջմիածին է հասել Ստամբուլից:

Գ. Զարդանկարչություն

Թերթերը՝ 1 կտոր:— Մեծությունը՝ 42,6×27,5 սմ.:— Նյութը՝ թուղթ:— Կազմը՝ կպցված է դեղնավուն բարակ թղթի վրա:— Վիճակը՝ անբավարար:— Գիրը՝ բոլորգիր:— Զարդագրություն՝ պարունակում է հայկական զարդանկարչության գեղեցիկ նմուշներ՝ լուսանցազարդեր և զարդագրեր:— Գրիչը՝ անհայտ:— Պատվիրատուն՝ անհայտ:— Ծաղկողը՝ Սամվել:— Ժամանակը՝ 16—17-րդ դարեր:— Վայրը՝ անհայտ:— Մանրություն՝ Վեհափառ Հայրապետը նկեր է ստացել մի ազգային և այն հանձնել Մայր Աթոռի Զեռագրատանը:

ԲՈՎԱՆԳԱՎՈՒԹՅՈՒՆ

Նախորդների նման չարագործ մի ձեռք միջնադարյան արժեքավոր հայերեն մի ձեռագրից բարբառաբար կտրատել է հայկական զարդանկարչության 31 գեղեցիկ նմուշներ և կպցրել մի թղթի վրա, շատ հավանաբար կրկնօրինակները հանելու կամ հետագայում իր աշխատանքում օգտագործելու համար:

Այստեղ կա սիրուն մի գմբեթ, մարդագլուխ երկու թռչուններ, մի քանի զարդագրեր (Ա, Բ, Ե, Թ, Ի, Մ, Ս և Ս) լուսանցազարդեր: Բացի այդ կա նաև ծաղկավոր մի կտորեղենի փոքրիկ նմուշներ (թվով 28 հատ), ինչպես նաև վեց կտոր գործվածքեղեն, հինգը՝ մեծ և մեկը՝ փոքր:

Պատտիկում կան նաև բազմաթիվ գրություններ (սև և կարմիր), կտրատված ձեռագրից, որոնցից մի մասը արվում է ստորև.

Չորրորդ կիրակին կարդա և զմրագրադու զՍամուելս յիշես:

... ուրախ լինին ժողով:

Չորրորդ ատուրն ՍՂ. գովես Էմ Զա:

Շաբաթ Շողակաթին տեղեան Սրբոյն Գրիգորի: Ընթերց(ուածս) ի Սոփոնիայ մարգարէ:

... թին. ՍՂ. Հիմունք նորա ի լեա: Ընթ...

Հերանաաց վա ...

Անտարան ըստ Մաթեոսի:

... լսելոյ լուիցէ: Շաբաթ Շողակա ...

... գշի Նունէ և Մանէ ...

Սր. Խաչին հինգերորդ ատուրն:

Տերով կացցէ: Անտարան Յոհան:

Յիսուս ի տաճարին ի սրահին:

Մանկանցն Բեթղէմի, սղ եց իրն...

Ընթերցուածս յնաչկա մարգարէ:

Երեքշաբթի Գալիսանցն:

(Այս բոլորը տրված է որպես բոլորգրի նմուշներ):

Ե. Զարդանկարչություն

Թերթերը՝ 1 կտոր:— Մեծությունը՝ 29,7×23 սմ.:— Նյութը՝ թուղթ:— Կազմը՝ կպցված է դեղնավուն մի թղթի վրա:— Վիճակը՝ անբավարար:— Գիրը՝ բոլորգիր:— Զարդագրություն՝ պարունակում է հայկական զարդանկարչության գեղեցիկ նմուշներ՝ զարդագրեր և թռչնագրեր, լուսանցազարդեր և գլխազարդեր:— Գրիչը՝ անհայտ:— Պատվիրատուն՝ անհայտ:— Ծաղկողը՝ անհայտ:— Ժամանակը՝ 16—18-րդ դարեր:— Վայրը՝ անհայտ:— Մանրություն՝ Վեհափառ Հայրապետը նկեր է ստացել մի ազգային և այն հանձնել Մայր Աթոռի Զեռագրատանը:

ԲՈՎԱՆԳԱՎՈՒԹՅՈՒՆ

Նախորդների նման չարագործ մի մարդ միջնադարյան արժեքավոր հայերեն երկու ձեռագրերից բարբառաբար կտրատել է հայկական զարդանկարչության 103 գեղեցիկ նմուշներ և կպցրել մի թղթի վրա, ըստ երևույթին կրկնօրինակները հանելու կամ հետագայում իր աշխատանքում օգտագործելու համար:

Շատ հավանաբար վերոհիշյալ զարդանկարչական հինգ պատտիկները (թվով ութ հատ) չարանեց գործն է նույն անձի, որ մի քանի ձեռագրեր կտրատելով դրանք փչացրել է անխիղճ կերպով:

Այստեղ կան երկու տեսակի հայկական զարդանկարչության փոքրիկ նմուշներ, որոնցից մեկ մասը գեղեցիկ է և ավելի հին շրջանի, իսկ մյուս մասը միջակ որակի, ավելի ուշ շրջանի պատկանող:

Գեղեցիկ են երեք գլխազարդեր, բազմաթիվ լուսանցազարդեր, թռչնագրեր և զարդագրեր: Միջակ որակի են մնացած հինգ գլխազարդերը, մի քանի սրբերը և այլ զարդանկարները:

Պատտիկի թղթի կոնակում կպցված են պոլսահայ թերթի (1900 թվականի) չորս կտրոններ, որոնք բացահայտ կերպով ցույց են տալիս, որ այս և նախորդ մյուս զարդանկարչական պատտիկները ստացվել են Ստամբուլից: Շատ հավանաբար ձեռագրերի կտրատումը տևել է ունեցել 1900-ական թվականներին Պոլսում:

ՀԻՇԱՏԱԿԱԳՐՈՒԹՅՈՒՆՆԵՐ

Թղթի կոնակում թանաքով գրված են դրամական որոշ հաշիվներ, թվականներ և անուններ:

Ձանց առնելով հաշիվներն ու թվականները, ստորև ստորվում են ամուններն և մի քանի այլ տողերը:

(Ա) Աղբիսա ոսկանցին:

Գումարը ուրիշ տեղ գրած եմք:

Կաշին տեֆտերիս մեջ լե...:

Տիգրանակերտցի փոքր տղան:

Չնկուշցի Պորսեանը:

Հողեցի Ահարոն:

(Այս բոլորը գրված է 1900 թ. փետրվար, մարտ և ապրիլ ամիսներին):

Զ. Քարոզգիրք

Թերթերը՝ 1:— Մեծությունը՝ 15,7×14,8 սմ.:— Նյութը՝ սևացած և կեղտոտած բարակ թուղթ:— Վիճակը՝ անբավարար, ներքևի մի մասը կտրված է:— Գրությունը՝ միապույն:— Դատարկ թղթերը՝ 1ք:— Տողերը՝ 27:— Գծումները՝ առանց ճնշումի:— Գիրը՝ նոսրգիր:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 18-րդ դար:— Մանրությունը՝ պատռակիլ համված է 1755 թ. Կ. Պոլսում գրված Քարոզգրքի միջից (Ձեռագրատան № 183 ձեռագիրը), որ ստացվել է Թբիլիսիից:

Է. Աղթազգիրք

Թերթերը՝ 1:— Մեծությունը՝ 16×10,6 սմ.:— Նյութը՝ դեղնած և կեղտոտած թուղթ:— Վիճակը՝ անբավարար:— Գրությունը՝ միապույն:— Դատարկ թղթերը՝ 1ք:— Տողերը՝ 20:— Գծումները՝ առանց ճնշումի:— Գիրը՝ շղագիր:— Զարդագրություն՝ չունի:— Գրիչը՝ անհայտ:— Պատվիրատուն՝ Ուստիան:— Ժամանակը՝ 19-րդ դար:— Վայրը՝ անհայտ:— Մանրությունը՝ պատռակիլ համված է 1963 թ. Կահիրեից ստացված 1363 թ. Աղթազգրքի միջից (Ձեռագրատան № 250 ձեռագիրը):

ՀԻՇՍԱՍԱԿԱՐԱՆ

Թ. 1ա.—... (Դա) միել, Սեդրակ, Միսաք, Միսաել, Եզեկիայ, Գանձիայ, Սարմիայ, Ուրիել, Դաժիել, ուր այս անուանքս յիջեն անդադար, ոչ մերժեմայ օգնական և պահապան եղերուք ծառայիս Աստուծոյ Նդիսապեթի դուստր յնուսիամին:

Ը. Փոխտապալություն

Թերթերը՝ 2:— Պրակները՝ 1:— Մեծությունը՝ 17×12 սմ.:— Նյութը՝ սևացած և կեղտոտած բարակ թուղթ:— Կազմ՝ չունի:— Վիճակը՝ անբավարար:— Գրությունը՝ միապույն:— Դատարկ թղթեր՝ չունի:— Տողերը՝ 21:— Գծումները՝ ճնշումով:— Գիրը՝ նոսրգիր:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 18—19-րդ դարեր:— Վայրը՝ անհայտ:— Մանրությունը՝ համված է ձեռագրի միջից:

Թ. Հաշի

Թերթերը՝ 2:— Պրակները՝ 1:— Մեծությունը՝ 22,2×17,8 սմ.:— Նյութը՝ մաքուր բարակ թուղթ:— Կազմ՝ չունի:— Վիճակը՝ լավ:— Գրությունը՝ միապույն:— Դատարկ թղթերը՝ 1ք—2ք:— Տողերը՝ 19:— Գծումները՝ առանց ճնշումի:— Գիրը՝ նոսրգիր:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 19-րդ դար:— Վայրը՝ անհայտ:— Մանրությունը՝ սույն պատռակից ստացվել է Կաթողիկոսարանի արխիվից:

ԲՈՎԱՆԴԱԿՈՒԹՅՈՒՆ

Հաշիվը ցույց է տալիս օսմանյան, պարսկական և ռուսական ոսկեդրամների և արծաթ դրամների մի հավաքածու: Հավանաբար այն պատկանել է մի մափիու, կամ նույն ինքն Ս. Էշմիածնի թանգարանին: Յուրաքանչյուրի քանակը գրված է արաբական թվերով:

Թ. Նամակ

(Պարսկերեն)

Թերթերը՝ 1:— Մեծությունը՝ 21,2×12,4 սմ.:— Նյութը՝ դեղնավուն բարակ թուղթ:— Վիճակը՝ լավ:— Գրությունը՝ միապույն:— Դատարկ թղթերը՝ 1ք:— Տողերը՝ 9:— Գծումները՝ առանց ճնշումի:— Գիրը՝ արաբատառ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 19-րդ դար:— Վայրը՝ անհայտ:— Մանրությունը՝ պարսկերեն սույն նամակն ստացվել է Կաթողիկոսարանի արխիվից:

ՀԻՇՍԱՍԱԿԱՐՈՒԹՅՈՒՆ

Թ. 1ք.— Այստեղ կա փոքրիկ ձվաձև պարսկերեն մի կնիք, 1,8×1 սմ. չափերով, որտեղ գրված է հետևյալ անունը.

Նաֆի Մուհամմդ:

№ 448

ՖԵՐՄԱՆ

(Տաճկերեն)

Թերթերը՝ 1 կտոր:— Մեծությունը՝ 147,8×52,6 սմ.:— Նյութը՝ դեղնած հաստ թուղթ:— Կազմը՝ կոնակում կանաչ կտոր է կպցված:— Վիճակը՝ բավարար, միայն ներքևի մասում որոշ տեղ մաշված և ծակված է:— Գրությունը՝ միապույն:— Տողերը՝ 30:— Գծումները՝ առանց ճնշումի:— Գիրը՝ արաբատառ:— Զարդագրություն՝ ֆերմանի վերևի կիսում կա շատ գեղեցիկ մի զարդանկար, բրգաձև, որի լայնությունը 37 սմ. է, իսկ բարձրությունը՝ 57 սմ.: Բուրգի ներքևի մասում նախշազարդ գեղեցիկ ֆոնի վրա ոսկեգույն կապրերով գրված է երկրի

սույթանի անվան խորհրդանիշը (դոտան): Բուրգի մեջ նկարված են մի շարք գեղեցիկ վարդեր, ծաղիկներ, տերևներ և այլ զարդեր: Բուրգից դուրս, վերևի մասում, աջակողմյան և ձախակողմյան մասում կան տերևաձև երկու զարդեր, որոնց ոսկեգույն ֆոնի վրա նկարված է մեկական գեղեցիկ ծաղիկներով: Այս բոլորի համար օգտագործված են ոսկեգույն, վարդագույն, կարմիր, կանաչ, սև, կապույտ և այլ գույներ: Այս ֆերմանը հանդիսանում է 19-րդ դարի սկզբի տաճկական զարդանկարչության շատ գեղեցիկ նմուշներից մեկը:— **Գրիչը**՝ անհայտ:— **Պատվիրատուն**՝ օսմանյան սուլթան Սելիմ Գ. Դազի (1788—1808 թթ.):— **Մադկողը**՝ Կուսանայտ:— **Ժամանակը**՝ 1802 թ.:— **Վայրը**՝ Կուստանդնուպոլիս:— **Մանրություն**՝ սույն ֆերմանն ստացվել է Կաթողիկոսարանի արխիվից 1974 թ. մարտի 16-ին:

ՀԻՇԱՏԱԿԱԳՐՈՒԹՅՈՒՆ

(Ֆերմանի կոճակի ներքևի մասում գրված է)
Սուլթան Սելիմ թագաւորին օսմանցոց լանուն Դաիթ (Դավիթ Ե. Էնգեթեթի—1801—1807 թթ.—Ն. Մ.) կաթողիկոսին երկրորդ անգամ շնորհեալ բարաթն է ի ՌՄԾԱ (1802 թ.—Ն. Մ.) թուին:

№ 449
ՖԵՐՄԱՆ
(Տաճկերեն)

Թերթերը՝ 1 կտոր:— **Մեծությունը**՝ 141,2×49 սմ.:— **Նյութը**՝ դեղնած հաստ թուղթ:— **Կազմը**՝ կոճակի վերևի կես մասում կանաչ կտոր է կպցված:— **Վիճակը**՝ բավարար, միայն ներքևի մասում թղթից մի կտոր պոկված է:— **Գրությունը**՝ միապուր:— **Տողերը**՝ 31:— **Գծումները**՝ առանց ճնշումի:— **Գիրը**՝ արաբատա:— **Զարդագրություն**՝ ֆերմանի վերևի կիսում կա գեղեցիկ մի զարդանկար, բլր-գանձ, որի լայնությունը 31 սմ. է, իսկ բարձրությունը՝ 65 սմ.: Բուրգի ներքևի մասում կապույտ և կապույտ ֆոնի վրա ոսկեգույն կապերով գրված է երկրի սուլթանի անվան խորհրդանիշը (դոտան): Բուրգի մեջ նկարված են բազմաթիվ ծաղիկներ և տերևներ: Օգտագործված են ոսկեգույն, մանուշակագույն, կարմիր և կապույտ գույները: Բուրգի երկու կողմերում քաշված են զուգահեռ ոսկեգույն երկու գծեր, իսկ այս գծերից դուրս կան ոսկեգույն, կապույտ և կարմիր նախշեր: Այս ֆերմանը հան-դիսանում է 18-րդ դարի վերջի տաճկական զարդանկարչության գեղեցիկ նմուշներից մի օրինակ:— **Գրիչը**՝ անհայտ:— **Պատվիրատուն**՝ օսմանյան սուլթան Սելիմ Գ. Դազի (1788—1808 թթ.):— **Մադկողը**՝ անհայտ:— **Ժամանակը**՝ 18-րդ դար:— **Վայրը**՝ Կուստանդնուպոլիս:— **Մանրություն**՝ սույն ֆերմանն ստացվել է Կաթողիկոսարանի արխիվից 1974 թ. մարտի 16-ին:

ՀԻՇԱՏԱԿԱԳՐՈՒԹՅՈՒՆ

(Ֆերմանի կոճակի վերևի մասում գրված է)
Սուլթան Սելիմ թագաւորի պարաթն է, որ նա Տեառն մերոյ Դուկաս Սրբազան (Դուկաս Ա. Կաթողիկոս— 1780—1799 թթ.—Ն. Մ.) կաթողիկոսին:

№ 450
ՖԵՐՄԱՆ
(Տաճկերեն)

Թերթերը՝ 1 կտոր:— **Մեծությունը**՝ 186,5×74,7 սմ.:— **Նյութը**՝ դեղնած բարակ թուղթ:— **Կազմը**՝ կոճակի վերևի կես մասում կանաչ կտոր է կպցված:— **Վիճակը**՝ բավարար:— **Գրությունը**՝ միապուր:— **Տողերը**՝ 28:— **Գծումները**՝ առանց ճնշումի:— **Գիրը**՝ արաբատա:— **Զարդագրություն**՝ ֆերմանի վերևի կիսում կա շատ գեղեցիկ մի զարդանկար, բրգանձ, որի լայնությունը 26 սմ. է, իսկ բարձրությունը՝ 48,5 սմ.: Բուրգի ներքևի մասում կանաչ, կապույտ և կարմիր ֆոնի վրա ոսկեգույն կապերով գրված է երկրի սուլթանի անվան խորհրդանիշը (դոտան): Կապույտ ներկված ֆոնի վրա նկարված են շատ գեղեցիկ փոքրիկ ծաղիկներ կարմիր, վարդագույն, դեղին և բաց կապույտ գույներով: Բուրգի վերևի մասում ոսկեգույնով նկարված են ճյուղերի վրա ծաղիկներ և տերևներ: Բուրգից դուրս, երկու կողմերում կան երկու սիրուն ծաղիկներ: Ֆերմանի տեքստը գրված է երեք գույնով, առաջին տողը կարմիր ներկով, երկրորդը՝ ոսկեգույնով, երրորդը՝ սև թանաքով, և այսպես շարունակաբար մինչև վերջ: Սույն ֆերմանը հան-դիսանում է 18-րդ դարի վերջի տաճկական զարդանկարչության շատ գեղեցիկ նմուշներից մի օրինակ:— **Գրիչը**՝ անհայտ:— **Պատվիրատուն**՝ շատ հավանաբար օսմանյան սուլթան Արդուլ Համիդ Ա. Դազի (1773—1788 թթ.):— **Մադկողը**՝ անհայտ:— **Ժամանակը**՝ 1774 թ.:— **Վայրը**՝ Կուստանդնուպոլիս:— **Մանրություն**՝ սույն ֆերմանն ստացվել է Կաթողիկոսի արխիվից 1974 թ. մարտի 16-ին:

ՀԻՇԱՏԱԿԱԳՐՈՒԹՅՈՒՆ

(Ֆերմանի կոճակի վերևի մասում գրված է)
Սիմոն Կաթողիկոսի (Սիմոն Ա. Նրևանցի— 1763—1780 թթ.—Ն. Մ.) պարաթն է 1188 (միջ-րայի՝ ապրիլի 1774 թ.—Ն. Մ.) թուին տաճկի:

№ 451
ՖԵՐՄԱՆ
(Տաճկերեն)

Թերթերը՝ 1 կտոր:— **Մեծությունը**՝ 141,5×49,8 սմ.:— **Նյութը**՝ դեղնած հաստ թուղթ:— **Կազմը**՝ չունի:— **Վիճակը**՝ լավ:— **Գրությունը**՝ միապուր:— **Տողերը**՝ 34:— **Գծումները**՝ առանց ճնշումի:— **Գիրը**՝ արաբատա:— **Զարդագրություն**՝ ֆերմանի վերևի կիսում կա շատ գեղեցիկ մի զարդանկար, բրգանձ,

որի լայնությունը 31,5 սմ. է, իսկ բարձրությունը՝ 54 սմ.: Բուրգի ներքևի մասում վարդագույն և բաց կապույտ ֆոնի վրա ոսկեգույն կապերերով գրված է երկրի սուլթանի անվան խորհրդանշը (դոռան): Բուրգի մեջ, վերևում, կան տերևաձև չորս զարդեր, որոնց ֆոնը ոսկեգույն է, իսկ մեջն էլ նկարված է մեկական վարդագույն վարդ, կամայ տերևներ և կապույտ ծաղիկներ: Բուրգի կենտրոնում կա մի գեղեցիկ զարդանկար, որ բաղկացած է վարդագույն մի մեծ վարդից, որի շուրջ բոլորը կան վեց գունավոր (կապույտ, դեղին և նարնջագույն) փոքրիկ ծաղիկներ և կամայ տերևներ: Բուրգի գագաթում կա մի զարդանկար ևս, որի ոսկեգույն ֆոնի վրա նկարված է վարդագույն մի վարդ, շրջապատված դեղին, նարնջագույն և բաց կապույտ երեք փոքրիկ ծաղիկներով: Բուրգի մեջ մնացած տեղերը ոսկեգույնով նկարված են ծաղիկներ, տերևներ և ճյուղեր: Սույն ֆերմանը հանդիսանում է 19-րդ դարի սկզբի տաճկական զարդանկարչության շատ գեղեցիկ նմուշներից մի օրինակ:— **Գրիչը՝** անհայտ:— **Պատվիրատուն՝** շատ հավանաբար օսմանյան սուլթան Սելիմ Գ. Դազի (1788—1808 թթ.):— **Մաղկոդը՝** անհայտ:— **Ժամանակը՝** 19-րդ դար:— **Վայրը՝** Կոստանդնուպոլիս:— **Մանրություն՝** սույն ֆերմանն ստացվել է Կաթողիկոսարանի արխիվից 1974 թ. մարտի 16-ին:

ՀԻՇՍԱՏԱԿԱԳՐՈՒԹՅՈՒՆ

(Ֆերմանի կոնակի վերևի մասում գրված է)
Դաիթ (Դալիթ Ե. Էնեզեթի—1801—1807 թթ.—
Ն. Մ.) Կաթողիկոսի ֆերմանն է:
(Ֆերմանի կոնակի ներքևի մասում գրված է)
Դաիթ Կաթողիկոսի ֆերմանն է:
(Կողքը ռուսերեն գրված է հետևյալը)
№ 84 25 го Ридмеба
1228 г. Гед мнра:

№ 452
ԿԱՌՈՒԾԱԳԻՐ
(Պարսկերեն)

Քերթերը՝ 1 կտոր:— **Մեծությունը՝** 90,5×26,6 սմ.:— **Նյութը՝** դեղնած հասարակ թուղթ:— **Կազմը՝** կոնակում թուղթ է կպցված:— **Վիճակը՝** բավարար:— **Գրությունը՝** միապուն:— **Տողերը՝** 30:— **Գծումները՝** առանց ճնշումի:— **Գիրը՝** արաբատառ:— **Զարդագրություն՝** չունի:— **Գրիչը՝** անհայտ:— **Պատվիրատուն՝** Աբաս Դուլի խան:— **Ժամանակը՝** 18-րդ դար:— **Վայրը՝** հավանաբար Սպահան:— **Մանրություն՝** պարսկերեն սույն կալվածագիրն ստացվել է Կաթողիկոսարանի արխիվից 1974 թ. մարտի 16-ին:

ԲՈՎԱՆԴԱԿՈՒԹՅՈՒՆ

Ջեռագիրն ունի երեք մաս: Առաջին մասում խոսվում է Էջմիածնի Մայր Տաճարի քարերը քանդելու և Նոր Ջուղա տանելու, ինչպես նաև Մով-

սես վարդապետին նոր եկեղեցի կառուցելու մասին: Երկրորդ մասում խոսվում է Էջմիածնի վանքի ջրերի և կենդանիների, ինչպես նաև ջրի պակասի համար Թահմազ Դուլի խանին տրված բողոքի մասին: Երրորդ մասում խոսվում է այն մասին, որ քաղաքում (Էջմիածին) ջուր չի մտնում, որով բնակիչները նեղություն են կրում: Ջուրը շատացնելու համար նորոգում են ջրհորները և խնայում ջուրը:

ՀԻՇՍԱՏԱԿԱՐԱՆ

Կալվածագրում չորս տեղ կա Աբաս Դուլիի և Կնիքը, 1,8×1,3 սմ. չափերով, որի վրա գրված է «Աբաս Դուլի»:

ՀԻՇՍԱՏԱԿԱԳՐՈՒԹՅՈՒՆ

(Կալվածագրի կոնակում գրված է հետևյալը)
Ջմնսցե:

Ջուղայեցի Յակոբ Կաթողիկոսն գերիս արգս առնել Աբաս Դուլի խանին: Նախ խնդրե ունել ի վերայ իւր և ի վերայ Սրբոյ Աթոռոյս զխնամս, որ աւելս ասէ հայրն քոյ Ամիրխանայ խանն, և եղբայրն քոյ Թահմազ Դուլի խանն ունեցեալ են, և նոցին խնամօքն Աթոռն մեր զշինութիւնս է ստացեալ, (որոց զբարեբարութիւնսն յիշեցուցանէ յաւուրց Դաիթ և Մելքիսէթ Կաթողիկոսացն:) զի և այժմ ասէ ի շինութեանց: Երկրորդ՝ վասն Բաթրիմջ գիւղին, թէ գիտես դու, զի ի բնէ անդի գիւղն այն Սրբոյ Աթոռոյս օթակեանքն է, և ամենայն անասնոց կեցութիւն անդուստ լինի: Որոյ բնակիչքն քան զայս յառաջ փախեան յերկիրն օսմանցոց, և Ծափիւտ վաննն եկեալ ի միջի նորին նստաւ և զաւթեաց: Եւ յեն նոցա քիւրաքեան լու...ն զաւթեաց: Մեք արգ արարաք Խօսրօվ խանին, զի զնոսա անտի հանցէ, նա ոչ կարաց հանել: Յետոյ Ծափին արգ արարաք, և Ծափն զողամ ետ, և Մահմատ Դուլի խանին հրամայեաց հանել զնոսա անտի, որ և էհան: Եւ մեք ասէ յանձն առաք տալ վասն գեղջն ի տարուջն զէ թուման մուտախ: Եւ այժմ ևս ասէ զնոյն, և եւ զգեղն վերստին շինեցից: Իսկ թէ կամիցիս ասէ անկի առնուլ քան զէ թումանն, եւ ոչ կարն զգեղն շինել, և անդ ոայաթ ոչ մնայ: Եւ վասն է թուման տալոյն, և ոչ քան զայն անկի, ասէ հարց զդաւթարդարսն, և ի նոցանէ ստուգեա: Եւ Ալլահ վերտի ոմն գրէ և վկայէ թէ՛ յիրաւի է թուման էր մուտ որոյ արգն է վասն քանքանին՝ որ է ի մէջ Սրբոյ Աթոռոյս: Թէ զմեծ բարեբարութիւնս արարի ես, գեղջս ի քոյ աւուրս, որք Բ ամիս վասն ջրոց պաղելոյն՝ զմեծ վիշտս կրէին: Եւ հանի ասէ զքանքան մի, և ածի ի մէջ գիւղին և վանիցս: Եւ խնդրէ, զի եթէ զվարեցանս առնիցէ ի վերայ անլորդ ջր քնիս, հրամայեցէ զի մայրաքաղաք լիցի, և բահրայ մի առցի, և ոչ որ յայնցանէ զշիրթալ ինչ արասցէ: Եւ խանն զամենայն խնդիրսն կատարել ի ներքոյ իւր քան զիւր խնդրոցն գրէ զհրաման լինիլ այնպէս:

№ 453

ԿԱՆՈՒԱԾԱԳԻՐ

(Պարսկերեն)

Թերթերը՝ 1 կտոր:— Մեծությունը՝ 42,3×24,2 սմ.:— Նյութը՝ դեղնած և կեղտոտած բարակ թուղթ:— Կազմը՝ կոնակում ուրիշ թուղթ է կազմված:— Վիճակը՝ անբավարար:— Գրությունը՝ միասյուն:— Տողերը՝ 14:— Գծումները՝ առանց ճնշումի:— Գիրը՝ արաբատատ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 1673 թ.:— Վայրը՝ անհայտ:— Ծանոթություն՝ սույն կալվածագիրն ստացվել է Կաթողիկոսարանի արխիվից 1974 թ. մարտի 16-ին:

ԲՈՎԱՆԴԱԿՈՒԹՅՈՒՆ

Ձևագրում խափում է Էջմիածնի վանքի այգիների մասին և ասվում է, որ 14 թուման է տրված ծառեր տնկելու համար:

ՀԻՇՏԱՍԱԿԱԳՐՈՒԹՅՈՒՆՆԵՐ

(Առաջին Էջի աջակողմյան լայն լուսանցքում կա նետկալ կաթողիկոսական կարմիր հինգ կնիքները և չորս գրությունները.)

Ա. (Կլոր կնիք, 2,2 սմ. տրամագծով, որի մեջը գրված է նետկալը)

Յակոբ վարդապետ, թվ. ՌԸԴ (1655 թ.—Ն. Մ.):

(Իսկ կնիքի շուրջ բոլորը գրված է)

Քրիստոսի ծառայ Յակոբ կաթողիկոս:

(Կնիքի ներքևում նոտագրով գրված է Հակոբ կաթողիկոսի ձեռագրով նետկալը)

Յիսուսի Քրիստոսի ծառայ.

Յակոբ Կաթողիկոս, Աշտարակայ այգին ետո Սաղմոսավանդիցն, և գոր ինչ ի թղթոջս գրեալ է, իմով յօժարութեամբ է (Հակոբ Գ. Զուղայեցի, կաթողիկոս 1655—1680 թթ. —Ն. Մ.):

Բ. (Կլոր կնիք, 2,9 սմ. տրամագծով, որի մեջի գրությունը պղտոր է և չի կարդացվում: Միայն «Կաթողիկոս» բառի մի մասն է կարդացվում):

(Սրա ձախակողմում կա ձվաձև մի ուրիշ կնիք, 1,9×1,5 սմ. չափերով, որ դարձյալ պղտոր է և չի կարդացվում):

(Այս երկու կնիքների ներքևում նոտագրով գրված է Եղիազար կաթողիկոսի ձեռագրով նետկալը)

Ըստ շնորհի և հրամանաց Տեսուն Յակոբայ Կաթողիկոսի, առ Աստուած փոխեցելոյ: Եւ եւ նրուստ Եղիազար Կաթողիկոս հաճեցեալ հրամանաց հունէթիս, ետու զԱշտարակու զայգիցն, որ էր բնական վախճ Գարբիէլ վարդապետին, Սաղմոսավանդացն: Այլացողոյն ամօթալի լիցին առաջի Աստուծոյ: (Եղիազար Ա. Այնթապցի, կաթողիկոս 1681—1691 թթ.—Ն. Մ.):

Գ. (Անցանկյուն կնիք, 1,6×1,6 սմ. չափերով, որի մեջը կապերերով գրված է նետկալը)

է

Նախապետ Կաթողիկոս

ՌԸԸ (1691 թ.—Ն. Մ.):

(Կնիքի ներքևում նոտագրով գրված է Նախապետ կաթողիկոսի ձեռագրով նետկալը)

Յիսուսի Քրիստոսի ծառայ Նախապետ Կաթողիկոս ըստ վերոյ գրեալ Հայրապետացն և եւ գրեցի է կնիքիցի հաստատուն լինի, և այլայլոյցն նգովեալք Լոյիցից ի յԱստուծոյ: (Նախապետ Ա. Եղեւացի, կաթողիկոս 1691—1705 թթ.—Ն. Մ.):

Դ. (Ութանկյուն կնիք, 2,1×1,7 սմ. չափերով, որի մեջ կապերերով գրված է նետկալը)

է

Արքամամ Կաթողիկոս

ՌԸՀԹ (1730 թ.—Ն. Մ.):

(Կնիքի ներքևում նոտագրով գրված է Արքամամ Կաթողիկոսի ձեռագրով նետկալը)

Եւ եւ նուստ ծառայ Քրիստոսի Արքամամ Կաթողիկոսն վերոյ գրեալ լուսանոցի վեհացն վկայութեամբն վկայեմ յայսմ այգոյ Սաղմոսավանդից լինելոյն. եթէ որ այսուհետեւ խառնակէ նգովեալ Լոյիցի յԱստուծոյ և յամենայն սրբոյ նորա. Ամեն: Դարձեալ այս այգի Յովսէփ վարդապետի հօրեկոթ յիշատակն է, որքան ինքն կենդանի է Լոյն ձեզ իւրիւս չկայ (Արքամամ Բ. Խոշարեցի, կաթողիկոս 1730—1734 թթ.—Ն. Մ.):

(Կալվածագրի կոնակում գրված է նետկալը)

Կեանքիլիքն:

Զուղայեցի Յակոբ Կաթողիկոսն զայգի մի առնու ի յԱշտարակ ի ԺԴ թումանի, և յետոյ յիշատակ տայ Սաղմոսավանդից ի յառաջնորդութեան Ազնոյ Վանդից Գարբ(ի)էլ վարդապետին: Ի թուին տանկաց 1084 (1706 թ.—Ն. Մ.): Որոյ ոչ էքնեն Գեորգի և Ըմնսոնի սղգիրն և քուչն:

№ 454

ԿԱՆՈՒԱԾԱԳԻՐ

(Պարսկերեն)

Թերթերը՝ 1 կտոր:— Մեծությունը՝ 43,4×31,8 սմ.:— Նյութը՝ դեղնած հաստ թուղթ:— Կազմ՝ չունի:— Վիճակը՝ բավարար:— Գրությունը՝ միասյուն:— Տողերը՝ 16:— Գծումները՝ առանց ճնշումի:— Գիրը՝ արաբատատ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 1825 թ.:— Վայրը՝ Պարսկաստան:— Ծանոթություն՝ սույն կալվածագիրն ստացվել է Կաթողիկոսարանի արխիվից 1974 թ. մարտի 16-ին:

ԲՈՎԱՆԴԱԿՈՒԹՅՈՒՆ

Կալվածագրում խափում է Էջմիածնի վանքի այգու համար հարյուր թուման տուրք տալու մասին:

ՀԻՇՍԱՏԱԿԱՐԱՆ

(Ձեռագրի առաջին երեսում կա պարսկերեն մի կնիք (2 օրինակ), $2 \times 1,6$ սմ. չափերով, որի վրա գրված է հետևյալ առումը)

Մոհամեդ Աբաս:

Ձեռագրի ներքևում կա հիշրայի 1241 թվականը (այսինքն 1825 թ.—Ն. Մ.):

ՀԻՇՍԱՏԱԿԱԳՐՈՒԹՅՈՒՆՆԵՐ

(Ձեռագրի առաջին երեսում կա հայերեն մի կնիք (2 օրինակ), $1,6 \times 1,4$ սմ. չափերով, որի վրա գրված է հետևյալը)

Ք.(րիստոսի) Ծ(առայ)

Սարգիս

1823:

(Ձեռագրի կոնակում գրված է հետևյալը)

Մեր այդոյ դապալայն է:

(Կա ութանկյուն կարմիր մի կնիք, $2,3 \times 2,1$ սմ. չափերով, որի վրա կապգրեթով գրված է հետևյալը)

Յովհաննէս Կաթողիկոս

ՌՄԶ (1881 թ.—Ն. Մ.):

Ի 1884 ամի ի 8 յուլիսի զնշանակեալն յայսմ դասալայի զայգին, զոր գնեալ ենք մեք սեպհական արդեամբք մերովք ի Սարգսէ Տեղապահեան, շնորհեցաք քեզ քննորդույդ մերում Գրիգորիդ Սիմոնեան՝ ի մշտնջենաւոր ժառանգութիւն քեզ և որդոց քոց, յորում չունի ոք իշխանութիւն ոչ այժմ և ոչ առ ապսլն վեճ ինչ բանալ ընդ քեզ կամ ընդ ժառանգաց քոց: Վասն որոյ կնքեմք մերով Հայրապետական կնքով և ստորագրեմք:

Կաթողիկոս ամենայն Հայոց Յովհաննէս:

Զայն դարալայ որով շնորհեալ է ինձ սրբազանգոյն Հայրապետն զսեփական զայգին իւր գնեալն ի Սարգիսէ Տեղապահեան այժմ ես որովհետեւ ի սմայն նշանակեալ զայգին փոխարինեմ ընդ դապանլոյ անվան տամ սրբազան սինդոսի սրբոյ աթոռոյ էջմիածնի գրեցի իմով ձեռամբ և ըստօրագրեմ:

Գրիգոր Սիմոնեան Ներսէսեան

ի 1885 ի 24 յուլիսի, ի Սուրբ Էջմիածին:

№ 455

ԿԱՆՈՒԱԾԱԳԻՐ

(Պարսկերեն)

Թերթերը՝ 1. կտոր:— Մեծությունը՝ $51,1 \times 27,5$ սմ.:— Նյութը՝ դեղնած հաստ թուղթ:— Կազմ՝ չունի:— Վիճակը՝ բավարար:— Գրությունը՝ միասյուն:— Տողերը՝ 22:— Գծումները՝ առանց ճնշումի:— Գիրը՝ արաբատառ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 1858 թ.:— Վայրը՝ Պարսկաստան:— Ծանոթություն՝ սույն կալվածագիրն ստացվել է Կաթողիկոսարանի արխիվից 1974 թ. մարտի 16-ին:

ԲՈՎԱՆԴԱԿՈՒԹՅՈՒՆ

Ձեռագրում գրված է, որ Երևանի խանը մահացել է: Էջմիածնի վանքի մի հովակտոր վեճի առարկա է եղել, ապա այս վեճը լուծվել և վերջացել է:

ՀԻՇՍԱՏԱԿԱԳՐՈՒԹՅՈՒՆՆԵՐ

(Առաջին երեսում կա պարսկերեն երկու կնիք, ինչպես նաև հայկական երկու աճումն և երկու կընիք)

Ես Մէթի որդի խօճ(ա) Գրիգորն վկ(այ)եմ (կնիք):

Ես խօճ(ա) Սարգիս վկ(այ)եմ (կնիք):

(Կոնակում գրված է հետևյալը)

Քիրաշ շուս փիրի Թարիզի մքի դապալէն այս է: Ի մէջն գրեալ գոյ որպիսութիւն սորին, բաց կարդա: Քիրաշշունին է:

Մի գետնոյ վեճ ընդ մից տաճկի սուլֆ արարեալ աջոնդայ վեքիւն էջմիածնի տունալ է երեք թուման և գետիկն մնացեալ է Էջմիածնի:

Քրաշ լուի մուքն Փիրի և այս է նոյն Քիրաշլուն դարվիշի մուքն որ Սր. Էջմիածնայ ջախմէր գիլու տղա խան Մահմատն, իւր վարիս ներոջն, բաւի արաւ Դ թուման վ շիխն Սոֆարար Դաթարաւ տուինք այս դապալէս առինք, թիվն հազար հարուր երկու (1858 թ.—Ն. Մ.) և տաճկաց թիւն Ռկր (1858 թ.—Ն. Մ.):

Մէթի որդի խօճ(ա) Գրիգորն վկ(ա) (կնիք):

Խօճ(ա) Աւետիսն վկ(այ) (կնիք):

Արզումբէկի որդի խօճ(ա) Գրիգորն վկ(ա):

Դարմաներնց. Մարտիրոսն վկ(ա) (կնիք):

Տանուտէր Գապարն (վկա) (կնիք):

Տանուտէր Մարգարէն վկ(ա) (կնիք):

Թաթուն վկ(ա):

Ախիկենց Միրզայիսն վկ(ա) (կնիք):

Մէլիքի որդի Յակոբ Զանն վկ(ա) (կնիք):

Խօճ(ա) Սարգիսն վկ(ա) (կնիք):

Ղազարի որդի Կարապետն վկ(ա) (կնիք):

Աւաքի որդի Ազատի այն վկ(ա):

Զազարի որդի Մնացականն վկ(ա) (կնիք):

Ուստա Դաւութն վկ(ա) (կնիք):

Դանիէլն վկ(ա) (կնիք):

(Կնիք) (անընթեռնելի):

(Կնիք) Պետրոս:

№ 456

Ֆերման

(Պարսկերեն)

Թերթերը՝ 1. կտոր:— Մեծությունը՝ $53,8 \times 38,2$ սմ.:— Նյութը՝ դեղնած և կեղտոտած հաստ թուղթ:— Կազմ՝ չունի:— Վիճակը՝ լավ:— Գրությունը՝ միասյուն:— Տողերը՝ 14:— Գծումները՝ առանց ճնշումի:— Գիրը՝ արաբատառ:— Զարդագրություն՝ չունի:— Գրիչը՝ անհայտ:— Պատվիրատուն՝ պարսից Ֆաթալի շահ (1796—1834 թթ.):— Ժամանակը՝ 1804 թ.:— Վայրը՝ Պարսկաստան:— Ծանոթություն՝ սույն ֆերմանն ստացվել է Կաթողիկոսարանի արխիվից 1974 թ. մարտի 16-ին:

ՔՈՒՎԱՆԳԱԿՐՈՒԹՅՈՒՆ

Հերմանոս խոսում է Լեւոնի վանքի մասին, որ երբ տաճարի զանգերը դողանցեն, մարդ չխանարի և չարգելի: Մայր տաճար եկող ուխտավորներին չարգելել ապրանքներ բերելու: Ապա խոսվում է այն մասին, որ ոչ ոք իրավունք չունի տաճար մտնելու և մեջի իրերը գրավելու:

ՀԻՇԱՏԱԿԱՐԱՆ

(Ձեռագրի վերնում կա պարսկերեն ձվան մի կնիք, $1,7 \times 1,1$ սմ. չափերով, որի վրա գրված է հետևյալ անունը)

Ֆաթ Ալի:

(Ձեռագրի ներքևում կա հիջրայի հետևյալ թվականը)

1219 թ. (1804 թ.—Ն. Մ.):

ՀԻՇԱՏԱԿԱԳՐՈՒԹՅՈՒՆՆԵՐ

(Ձեռագրի կոնակում գրված է հետևյալը)

Ֆաթալի շահի ֆերմանի օրինակն է և Մայր Աթոռում և ի ստիկն: Ի ներկայ գրեցեալ ծանօթութիւնքն սխալմամբ են գրեցեալք, հազուդէ և օգտակար հղափաշտակ է այն վասն ամենայն հարկատուացն և վասն առիտաջոյ և զնոյն շահարիկ:

(Ներքոհիշյալը գրված և ապա ջնջված է):

Վասն Փիլիպպոս Կաթողիկոսին (Փիլիպպոս Ա. Աղբակեցի, կաթողիկոս 1632—1655 թթ.—Ն. Մ.):

Փոքր Շահ Ապասի հրովարտակ է վասն մաղաբութեան մըքաց Սրբոյ Աթոռոյս և տալարաց. այլն վասն զարեւոյ զմուլքսն Սրբոյ Աթոռոյս ոմանց և ոչ տալոյ ըստ օրինի. այլն վասն հրամանի գնալոյ յերուսաղէմ:

Բ հրովարտակք ևս զոն մի վասն Սրբազան Փիլիպպոս Կաթողիկոսին յերուսաղէմ գնալոյ և մի վասն Աղէքսանդր Կաթողիկոսին (Աղէքսանդր Ա. Ջուղայեցի, կաթողիկոս 1706—1714 թթ.—Ն. Մ.) յերկիրն օսմանցոց գնալոյ հրաման, և պատուէր, զի տեղապահի նոցին հպատակք լինիցին ամենեքին որպէս կաթողիկոսի, և թագաւորականք ևս ի պատուի ունիցին զտեղապահսն:

№ 457

ՀՐՈՒՎԱՐՏԱԿ

(Տաճկերեն)

Թերթերը՝ 1 կտոր:— Մեծությունը՝ $75,5 \times 51,7$ սմ.— Նյութը՝ սպիտակ հաստ թուղթ:— Կազմ՝ չունի:— Վիճակը՝ անբավարար, թղթի ձախակողմյան մասը կրծված է մկան կողմից:— Գրությունը՝ միասյուն:— Տողերը՝ 27:— Գծումները՝ առանց ճնշումի:— Գիրը՝ արաբատառ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 18-րդ դար:— Վայրը՝ Թուրքիա:— Ծանոթություն՝ սույն հրովարտակն ստացվել է Կաթողիկոսարանի արխիվից 1974 թ. մարտի 16-ին:

ՀԻՇԱՏԱԿԱԳՐՈՒԹՅՈՒՆՆԵՐ

(Առաջին երեսում կա ձվան մի փոքրիկ կնիք, $1,3 \times 1,2$ սմ. չափերով, որի վրա կա հետևյալ անունը)

Ռաթ Ասնալ Ամուր Համիդ:

(Ձեռագրի կոնակում հետևյալն է գրված)

Հոգեկոյս Սիմեոն Կաթողիկոսին Իշ Բիլիսէ բնակելոյն պէրաքն է:

№ 458

ԿԱՌՈՒԱՅՄԱԳԻՐ

(Տաճկերեն)

Թերթերը՝ 1 կտոր:— Մեծությունը՝ $216,5 \times 16,5$ սմ.:— Նյութը՝ կեղտոտած և դեղնած թուղթ, տեղ-տեղ մաշված և ծակված:— Կազմը՝ հետագայում կոնակում սպիտակ թուղթ է կպցված, $231 \times 23(24)$ սմ. չափերով:— Վիճակը՝ անբավարար:— Գրությունը՝ միասյուն:— Տողերը՝ 77:— Գծումները՝ առանց ճնշումի:— Գիրը՝ արաբատառ:— Զարդագրություն՝ չունի:— Գրիչը՝ անհայտ:— Պատվիրատուն՝ անհայտ:— Ժամանակը՝ 1488 թ.:— Վայրը՝ Թուրքիա:— Ծանոթություն՝ տաճկերեն սույն կապածագիրն ստացվել է Կաթողիկոսարանի արխիվից 1974 թ. մարտի 16-ին:

ՀԻՇԱՏԱԿԱԳՐՈՒԹՅՈՒՆՆԵՐ

Ձեռագրի առաջին երեսի ներքևի մասում կա երեք սև կնիք զանազան չափերի, իսկ վերևի մասում էլ, առանձին տեղերում, կա չորս սև կնիք, բոլորն էլ տաճկական ամուններով, սակայն անընթեռնելի:

(Ձեռագրի կոնակում կա հետևյալ արձանագրությունը)

Ի ՊՂԴԻ թուռն տաճկաց (1488 թ.—Ն. Մ.): Ամիրքեմալ Ապղին բէկ մեծ ոմն, որդի խօջայ Նարուզի տաճկի, որդւոյ խօջայ Հէյարիմ: Մալմ. Զհանշահի որդի Զարափա վարդապետին յերկրոջս երեսնու և ի Նամիկա Գաւնոյ՝ զՄանկուս գիւղն: Որոյ կողմանքն են Սանկկախուտ, Բագիրանակերտ, Թիքմաքար և Կուտի: Նաև զգիւղն Ասանկի, որ ևս է ի Գաւնի: Որոյ կողմունքն են Ղույունախ կոչեցեալ տեղին, Քեսուդարայն, Շիկավանքի ձորն, և լեռնակողմն՝ մինչ ի Մանկուս: Այլն զգիւղն Կուտիս: Որոյ կողմունքն են Քեսուդարայն, Սուրբ Սարգիս, Շիկավանքի ձորն և Քեղաքերդի բերդըն: Այլն զգիւղն Հայցոթառ: Որոյ կողմունքն են Բահիմերդ, Արուակ, Իշխանախաչ և Խաչաղբիւր: Այլն զԿուտուզվանք կոչեցեալ հանդըն: Որոյ կողմունքն են Գետախառնուրդ, Տաքիսունակ, Շիկաքար, և Աղջոց վանքի ջուրն: Այլն զԷլեմ Կոխթայ: Որոյ կողմունքն են Դարուտ գեղջ հանդն, Արթուզ գեղջ հանդն, Հուտտար և Թիքմաքար: Այլն զԱսանաքար կոչեցեալ հանդն: Որոյ կողմունքն են Աղեարու ձորն, ճանապարհն՝ որ դէպի տիզն երթայ՝ մինչ ի Արթուզ գիւղն, և Ղուտուշայն: Այլն զգիւղն Թերմիս: Որոյ կողմունքն են Անդուա-

խարու գետտուկն, Հայածոր կոչեցեալ ձորն, Վեղու ջուրն, և այն աղբեր ջուրն, որ Հունակ կոչի: Այն գետնոր-Մարգիս գիւղն: Որոյ կողմունքն են Աղմա-դանու սարն, Թիքմաքարն, Քարաղբիր և Ծիկա-վանք: Որք ամենքեան են է գիւղ, և Բ հանդ: Ո-րոց ամենից գինն է ԵՐ (5000—Ն. Մ.) դինար: Այս Ջաքարիս վարդապետս լեալ է Առաջնորդ Հա-յոց Թառու վանիցն Սրբոյ Ամենափրկչին: Եւ յայց գիւղորդիցս տակաւին ունի Սուրբ ուխտն, թէպէտ, ալժմ ինքն և գիւղորդացն աւեր կան: Նորոգեցաք գթողթս և գրեցաք զայս, ի ՌՄԺԸ (1769 թ.—Ն. Մ.) թուոջ մերում, և ի տաճկաց՝ ՌժԶԳ (1769 թ.—Ն. Մ.) թուոջն, ի Սուրբ Աթոռս Էջմիածին:

(Այլիկ ներքևում կա 20 տողանոց ռուսերեն մի գրություն 1839 թվականի և չորս ստորագրություն):

№ 459

ԿԱՆՈՒԱԾԱԳԻՐ
(Տաճկերեն)

Թերթերը՝ 1 կտոր:— Մեծությունը՝ 184×26 սմ.:
—Նյութը՝ դեղնած և կեղտոտած բարակ թուղթ:—
Կազմը՝ կոնակում թուղթ է կազմած, 185,2×34,7
սմ. չափերով:— Վիճակը՝ բավարար:— Գրությունը՝
միապայման:— Տողերը՝ 18:— Գծումները՝ առանց
ճշումի:— Գիրը՝ արաբատառ:— Զարդագրությունը՝
չունի:— Գրիչը՝ անհայտ:— Պատվիրատուն՝ ան-
հայտ:— Ժամանակը՝ 1639 թ.:— Վայրը՝ Թուրքիա:
—Ծանոթություն՝ սույն տաճկերեն կալվածագիրն
ստացվել է Կաթողիկոսարանի արխիվից 1974 թ.
մարտի 16-ին:

ՀԻՇՍԱՍԿԱՐԱՆ

Ձեռագրի վերջում կա հիշրայի 1049 թվականը
(1639 թ.—Ն. Մ.):

ՀԻՇՍԱՍԿԱԳՐՈՒԹՅՈՒՆՆԵՐ

(Ձեռագրի առաջին երեսում կա հետևյալ գրու-
թյունները)

(Ծ)անուն Աստուծոյ եւ՝ Սեթի որդի, սուտանուն
Յակոբս իմ կամա յոժարութեամբ տվի Նորայգե-
ղու Զ դանք մուլքն Մարիամենց, ի գին Թորոսի,
ի գին Գառնուկենց ջաղացն: Եղայվարդայ Դ դան-
կուկէս մուլքն ինչիս գրումն գրածայինք դապու-
լայ: Թվ. ՌժԺ (1860 թ.—Ն. Մ.) Սուրբ Էջմիած-
նայ վախժ մերշաւն լետ տիսուն Յակոբ փոշանա-
նակ Սուրբ Լուսապոյչին քնա յուր ձեռուր պահայ
մինջի ուր վաղջան ամեն շաբաթ կիրակի պատա-
րագում յիշեն Յակոբն և իւր ընդամիքն լետ նորայ
վաղջանուն. ով որ փողանակ. նստի նայ յիշայ որ-
դոց որդի մինչ ի գալուստն Քրիստոսի. մէկ մէկ
ուպս(ն)վէր տան թէ ըզմեղայ որս յիշեն ոչ պա-
տարագից գրկեն դատաստանին իմ կեռնեն մազ
անողի յախէն եւ մեղայորս մաղամ բիմով գրեցի յի-

շտուակ իմ ծնողնցն և հանգուց(ն)ալ զեղբարցն ի-
մոց, թէ մեր յիշադակն իմ մահվանեն լետն այլ և
այլ խաւսի ԳժԺԸ—(318—Ն. Մ.)—հաղրապետաց
նշովքի տակին լինի, կալած կապած լինի Սուրբ
Էջմիածնովն (կնիք):

Եւ Լաֆիս որդի Նազարի վկայ (ստորագրու-
թյուն):

Ամիրջանի որդի եւ Աւետիքս վկայ. (կնիք):

Եւ Իսահակ վրդապոս. վկայ (կնիք):

Եւ Բաղտայսարս վկայ:

Եւ Դաիթ վրդապոս. վկայ. այսմ բանի (կնիք):

Եւ Թաքալէնց Աւետիքս վկայ. (կնիք):

Եւ Սիմոն վկայ. (կնիք):

Եւ Գերաքի ուրդի Գիրիգուրիս վկայ. (կնիք):

Եւ Զաքարէս վկայ:

Եւ Ուրբում աղէս վկայ. (կնիք):

Եւ Աղինց Աւետիքս վկայ. (կնիք):

Եւ Ուսկան վկայ. (կնիք):

Եւ յԱրիվանից Գաբուէլի ուրդի Նկուդուսիս վկայ.
(կնիք):

Եւ քաղաքայնի խաւջայ Զէնիս վկայ. (կնիք):

Եւ Կուզկանց Աւետիկս վկայ. (կնիք):

Եւ Մանուկս վկայ. (կնիք):

Եւ Ուլուխանս վկայ:

Եւ Խօջա Պետրոսի որդի Պողոսն եղբոր. լսեցի
վկայ. (կնիք):

Եւ նախշարար Մինաս վկայ. (կնիք):

Եւ Մարութ որդի Յակոբջանս վկայ. (կնիք):

Եւ Գառքեի աղ. Նիկողոսն վկայ. (կնիք):

Եւ Առաքեալ վրդապոս. Խօջայ Յակոբջանի բե-
րանի իրդարն լսեցի. վասն որոյ վկայեմ այս բանիս
(կնիք):

Եւ Յակոբջանս խ(ո)ջա Պող(ո)սի որդի վկայ.
(կնիք):

Եւ Յակոբի որդի Ովանէս վկայ. Աստուած խոր իր
հ(ա)մար:

Եւ վախֆի կողմեն Ջոկսանատ եմ ավել եւ կող-
մէս էլ գրուց չունիմ. Եւ գիրս էլ իմ ձեռագա գիրս
է (կնիք):

Հեզազ վկայ. (կնիք):

Եւ գիրս եւ ինչ էստոր միշում գրած այ ինձ
Յակոբի որդի Սարգիս եւ դապուլայ (կնիք):

Մաշուր Սարգիս որ թուրքի անուն էս Սարուխան
(կնիք):

Եւ Միմեօն Կաթողիկոս աղուանից (Միմեօն
խոտորաշենցի, կաթողիկոս 1675—1701 թթ.—Ն.
Մ.) զայս թուղթս մօհրեցի պատճառ այն, որ Երե-
վանցի Յակոբջանն այգիք որ վախժ էր արարեալ
Սրբոյ Էջմիածնայ նրա տղայ Սարգիսն, որ թուր-
քերն Սարուխան ասեն, մեր յառջև իղորար արար,
իմ հօր տուած վախժերն հաստատուն է և ինձ դա-
նուլ, այլ իլախս չունիմ (այստեղ կա հաղրապետա-
կան կարմիր մեծ կլոր կնիքը, 2,4 սմ. տրամագծով,
որի վրա գրված է)

(Ծարունակելի)



ԲՈՎԱՆԴԱԿՈՒԹՅՈՒՆ

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ կոնգակը Կ. Պոլսի երջանկամիշատակ տ. Հովհաննես Կողոտ պատրիարքի ծննդյան 300-ամյակը նշելու մասին ՇՆՈՐՀՔ ԱՐՔԵՊԻՍԿՈՊՈՍ ԳԱՌՈՒՍՏՅԱՆ—Աստվածաշնչական սուրբեր	3
Քեցրքերիի արքեպիսկոպոս դոկտ. Ֆրեդերիկ Դոնադ Կոզան	7
ՄԱՅՐ ԱԹՈՒՌՈՒՄ—Եկեղեցական բեմ. լուրեր	14
Քառանգական ձեռնադրություններ ցերքից թեմերի եկեղեցիների համար	16
Վերափոխումն սուրբ Աստվածածնի (Վաչե վրդ. Իգնատիուսյանի «Աստվածամայրը»-ից)	17
Ա. ՀԱՏԻՏՅԱՆ—Մառ Հայկական ՍՍՀ Մինիստրների սովետին աղբյուր հայ եկեղեցու գործերի խորհրդի նախագահ Սարգիս Տիգրանի Գաղափարյանի	18
Գրախոսություն—Ծնորհք արքեպիսկոպոս Գալուստյան, «Ուսումնաշնչական սուրբեր», Իսթանբուլ, 1977, 207 էջ	21
ՌԱՅԱՅԵԼ ԻՍՐԱՅԵԼՅԱՆ—Խաչքարեր	25
Հ. Ս. ԱՆԱՍՅԱՆ—«Արմատ հաւատոյ»-ի աղբյուրներից	31
ՎԻԿՏՈՐ ՄՆԱՅԱԿԱՆԻ ՊԵՏՐՈՍՅԱՆՑ—Թեղեկաց վանքը և նրա առաջնորդները	41
Եկեղեցիների համաշխարհային խորհրդի (ԵՀԽ) Կենտրոնական կոմիտեի 30-րդ նստաշրջանը	48
Յուդակ Մայր Աթոռ ս. Էջմիածնի նոր ստացված ձեռագրերի	52
	54



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾՆ

«ԷՋՄԻԱԾՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue «Etchmiadzine», Etchmiadzine, Arménie, URSS

Հանձնված է արտատրությամբ 23.8.1977 թ.: Ստորագրված է տպագրության 23.9.1977 թ.:

Տպագրական 4 մամուլ + 1 ներդիր, թուղթ 60×84¹/₈, պատվեր 613:

Մայր Աթոռ ս. Էջմիածնի տպարան, 1977 թ.